

Ն.Ս.Օ.Տ.Տ. ԳԱՐԵԳԻՆ Ա ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ՀՈՎԿԱՊԵՏԱԿԱՆ ԱՆԴՐԱՆԻԿ ԱՅՅԵԼՈՒԹՅՈՒՆԸ ԳԵՐՄԱՆԻԱՅԻ ՀԱՅՈՑ ԹԵՄ

Ն.Ս.Օ.Տ.Տ. Գարեգին Ա Ամենայն Հայոց Կաթողիկոսը, ընդառաջելով Գերմանիայի Հայոց առաջնորդ գերաշնորհ Տ. Գարեգին եպս. Բեգլյանի, ինչպես նաև Գերմանիայի Եպիսկոպոսաց ժողովի և Ավետարանական Եկեղեցու խորհրդի հրավերներին, հովվապետական անդրանիկ այցելությամբ հունվարի 24-ից փետրվարի 4-ը եղավ Գերմանիայում:

Տասներկուօրյա այցելության ընթացքում Նորին Սրբությունը հանդիպումներ ունեցավ Գերմանիայի վարչապետ Հելմուտ Զոլի, արտաքին գործոց նախարար Բլաուս Բինկելի, ինչպես նաև Հյուսիս Հռենոսյան և Արևմտյան Ֆալիայի նահանգապետ Յոհաննես Ռաուլի, խորհրդարանի նախագահ տիկին Ռիտա Սյուսմուտի և պետական, դիվանագիտական բարձրաստիճան այլ գործիչների հետ:

Էկումենիկ ժրագրի շրջանակներում վեհափառ Հայրապետը հանդիպեց նաև քույր Եկեղեցիների ներկայացուցիչներին, համատեղ աղոթեց նրանց հետ:

Նորին Սրբության այցելությունը պսակվեց «Պատվավոր դոկտորի» տիտղոսի շնորհումով Հալլեի «Մարտին Լյութեր» համալսարանի կողմից:

ԺԱՄԱՆՈՒՄ ՃՐԱՆԿՖՈՐՏԻ ՕԴԱՆԱՎԱԿԱՅԱՆ

Հունվարի 28-ին, շաբաթ օրը, առավոտյան ժամը 10.30-ին, Ն.Ս.Օ.Տ.Տ. Գարեգին Ա Ամենայն Հայոց Կաթողիկոսը, իրեն ուղեկցող Ս. Հովսիսիմե վանքի վանահայր հոգեշնորհ Տ. Մովսես վրդ. Մովսիսյանի հետ, ժամանեց Ճրանկֆուրտի օդանավակայան:

Նորին Սուրբ Օծությանը դիմավորեցին Գերմանիայի հայոց թեմի առաջնորդ գերաշնորհ Տ. Գարեգին եպս. Բեգլյանը, Արևմտյան Եվրոպայի Հայրապետական պատվիրակի փոխանորդ Գեր. Տ. Նորվան եպս. Չաքարյանը, Կենտրոնական Գերմանիայի հոգևոր հովիվ արժանապատիվ Տ. Հակոբ ավագ քին. Գյոքլյանը, Գերմանիայում Հայաստանի Հանրապետության արտակարգ և լիազոր դեսպան տիար Աշոտ Ոսկանյանը, Թեմական խորհրդի անդամները, քույր Եկեղեցիների ներկայացուցիչները, բարձրաստիճան այլ պաշտոնյաներ, մեծաթիվ ազգայիններ:

Ողջագուրանքից հետո վեհափառ Հայրապետն առաջնորդվեց դեպի օդանավակայանի պատվո սրահ, ուր տրվեց փոքրիկ հյուրասիրություն:

Ապա Նորին Սրբությանը բարիգալստյան խոսքեր ասաց թեմակալ առաջնորդը՝ հայտնելով իրենց ուրախությունը վեհափառ Հոր օրհնաբեր այցելության առիթով:

իր փոխադարձ խոսքում Հայոց Հայրապետը ողջունեց Գերմանիայի հայ համայնքի զավակներին, նշեց, որ նրանց հայրենանվեր գործունեությունը ևս մշտապես բարձր է գնահատվել Մայր Աթոռ Սուրբ Էջմիածնի կողմից:

ԺԱՄԱՆՈՒՄ ՔՅՈՒՆ

Այստեղից Վեհափառ Հայրապետն առաջնորդվեց դեպի Բյուրքաթ, «Մաթերնուսհաուս» հյուրանոց:

Սուրբի մոտ Նորին Սրբությանը և իրեն ուղեկցող շքախմբին դիմավորեցին Եվրոպայի հայրապետական պատվիրակ և Փարիզի առաջնորդ գերաշնորհ Տ. Գյուտ արքեպս. Նազաշյանը, գերմանահայոց հոգևոր դասի և Թեմական խորհրդի ներկայացուցիչները:

Բարիգալստյան խոսքերից և ողջագուրանքներից հետո, Նորին Սուրբ Օծությանն ուղեկցեցին դեպի հյուրանոցի իր հարկաբաժին՝ փոքր-ինչ հանգստանալու և ապա մեկնելու տեղի առաջնորդանիստ եկեղեցի:

ՄԱՅՐ ԵՎԵՂԵՑՈՒ ՕԾՈՒՄԸ՝ ԶԵՌԱՄԲ ԱՄԵՆԱՅՆ ՀԱՅՈՑ ՀԱՅՐԱՊԵՏԻ

Ինչպես արդեն նախատեսված էր, հունվարի 24-ին, շաբաթ օրը, տեղական ժամանակով ժամը 15.00-ին, Նորին Սուրբ Օծությունն իր շքախմբով առաջնորդվեց դեպի Բյուրքի առաջնորդանիստ Մայր եկեղեցի՝ կատարելու օծման հանդիսավոր արարողությունը: Այստեղ էին հավաքվել մեծաթիվ հավատավոր հայորդիներ՝ դիմավորելու իրենց Հոգևոր Հորը:

Օծման արարողությանը ներկա էին նաև Գերմանիայում Հայաստանի արտակարգ և լիազոր դեսպան Աշոտ Ոսկանյանը, ազգային իշխանությունների և քույր եկեղեցիների ներկայացուցիչներ, պաշտոնատար այլ անձինք:

Ամենայն Հայոց Հայրապետին դիմավորեցին զանգերի զվարթողանքներով և շարականների երգեցողությամբ:

Նորին Սրբությունն իր սրբապան աջով նախ օծեց հայկական ոճով ու դրվագումներով վերանորոգված նախկին կաթոլիկ Ս. Զրիստափոր տաճարը՝ այն վերանվանելով Սուրբ Սահակ-Սուրբ Մեսրոպ:

Օծման սրբապան արարողակարգից անմիջապես հետո, Գերմանիայի հայոց թեմի առաջնորդ գերաշնորհ Տ. Գարեգին եպս. Բեգշյանը նորաօծ Մայր եկեղեցում իր բարիգալստյան հետևյալ խոսքերը հղեց Գարեգին Ս կաթողիկոսին.

«Գերմանիոյ Հայոց նորահաստատ Թեմի Հոգեւորական դասու, ազգային իշխանութեան, եկեղեցական Համայնքներու, գաղութի կազմակերպութիւններու եւ միութիւններու, ինչպէս նաեւ մեր սիրելի ժողովուրդի բոլոր զաւակներուն քրիստոնէական սիրով ու ազգային սրտատրոփ ապրումներով եւ որդիական ակնծանքով կ'ողջունենք Մայր Աթոռ Սուրբ Էջմիածնի Ամենայն Հայոց Կաթողիկոս Ն.Ս.Օ.Տ.Տ. Գարեգին Ա Վեհափառ Հայրապետի այս Հովուապետական այցելութիւնը:

Արգարեւ, Հովուապետական այս այցելութիւնը Հոգեւոր ցնծութեան եւ ազգային ոգեւորութեան կ'առաջնորդէ մեզ, ինչ որ եզակի ապրում մըն է Գերմանիոյ այս փոքրիկ Թեմի մեր ժողովուրդին Համար:

Ի՞նչ ուրախութիւն է տեսնել Հայրն ու որդիք, Հովուապետն ու եկեղեցւոյ Հովիւը միասնաբար գիրկընդխառնուած, հաւատքով եւ յոյսով միաբանուած:

Մեր սրտաբուխ ուրախութիւնը եւ յուզումը ունի գլխաւոր երկու պատճառներ, որոնք թոյլ տուէք յիշել այստեղ երկու խօսքով.

Մէկն այն է, որ, Վեհափառ Տէր, Դուք կու գաք իբրեւ Հայր, փնտռելու Ձեր Հօտը Գերմանիոյ մէջ, ուր ապրող Ձեր որդիները Հաստատուած այս Հողին վրայ շատ քիչ ժամանակ առաջ միայն կարողացան ի մի հաւաքուիլ, բառին բուն իմաստով եկեղեցի մը դառնալ: Եւ Դուք կու գաք այս եկեղեցիին բերելու մեր Հայրերու հաւատքին ճշմարիտ լոյսը, իր իսկ աղբիւրէն՝ Արարատի փէշերէն ոչ շատ հեռու՝ աստուածակառոյց Մայր Աթոռ Սուրբ Էջմիածնէն եւ մեր պատմական բազմաշարժար Հայրենիքէն:

Մեր ուրախութեան երկրորդ պատճառը հաւատքն ու Հոյսն է: Այս ժողովուրդը ունեցաւ առաքինութիւնը՝ իր Հայրերու հաւատքն ու Հայրենաբաղձ յոյսը դարեւ շարունակ իր սրտի ամէնէն խոր անկիւններուն մէջ ծրարած երկրէ երկիր տանելու իբրեւ իր տառապանքին բալասան ու իր գոյատեւման որպէս աւիշ: Փառք Աստուծոյ, որ չսխալեցաւ այս ժողովուրդը իր այս սկզբունքին մէջ եւ այդ պատճառով ալ իր հաւատքը միշտ պահեց անեղծ, միշտ իր գլխէն վեր, միշտ իր սրտի ամենաթանկագին գոհարը:

Ահա Դուք, Վեհափառ Տէր, 1700 տարիներու այդ հաւատքին ամենաառաջին ու ամենաբարձր պաշտօնեան, Ձեր ձեռքերով օծեցիք այս ժողովուրդին հաւատքի տունը, այսինքն իր գոյութեան խարխալը:

Իսկ ինչ կը վերաբերի յոյսին, այդ ալ իրականութիւն մը գարձաւ վեց տարիներ առաջ մեր Հայրենի Հողին վրայ եւ Դուք կը ներկայանաք այսօր այս ժողովուրդին Ձեր մէկ ձեռքին մէջ խաչը՝ իբրեւ հաւատքի խորհուրդ եւ միւս ձեռքին մէջ պետական անկախութեան դրօշը՝ իբրեւ մեր բոլորին յոյսն ու իրականացած երազը:

Բարիգալստեան մեր խօսքին կը միացնենք նաեւ մեր սրտագեղ մաղթանքը, գաղութի մեր ժողովուրդի իւրաքանչիւրի սրտէն բխած մաղթանքը, որ Աստուած երկար ու առողջ կեանք պարգեւէ մեր սիրեցեալ Հայրապետին, որպէսզի ան շարունակէ նոր թափով եւ ուժեղութեամբ իր ծառայութիւնը բերել Հայաստանեայց եկեղեցւոյ մեր սիրելի ժողովուրդին:

Բարի եկաք, Վեհափառ Տէր»:

Առաջնորդ սրբապան հոր բարիգալստյան խոսքերից անմիջապէս հետո Վեհափառ Հայրապետը Հայրապետական իր պատգամը տվեց ներկա հավատաւոր ժողովուրդին՝ նշելով, որ այս օրը թե՛ Սուրբ Էջմիածնի և թե՛ գերմանահայության պատմության մեջ պիտի արձանագրվի որպէս «գերմանահայության օր» և «նորած Սուրբ Սահակ-Սուրբ Մեսրոպ այս եկեղեցիով գերմանահայ մեր սիրեցյալ ժողովուրդը հոգևոր մի վերապարթոնք է ապրում» կապված լինելով իր ապգային եկեղեցուն».

«Սիրելի առաջնորդ սրբազան Գարեգին եպիսկոպոս Բեգլյան, սիրեցյալ սրբազան եղբայրներ, հոգևոր զավակներ, ազգային իշխանությանց ներկայացուցիչներ, սիրեցյալ և հարգարժան դեսպան Հայաստանի Հանրապետության Գերմանիո մեջ, սիրեցյալ եղբայրներ ի Քրիստոս մեր քույր եկեղեցիների և թանկագին հավատացյալներ.

Ձգիտեմ այս պահին ի՞նչ է անցնում և դառնում ձեր մեջ, յուրա-

քանչյուրիդ հոգու մեջ, սակայն ես խորապես հուզված եմ ուրախությամբ անփոխարինելի, անգերազանցելի զգացումով: Առավոտյան արթնանալ նեղոսի ափին՝ եզրպատուհանի և կեսօրից հետո այստեղ օծել մեր սրբազան եղբայրների հետ միասին Հայոց նոր մի եկեղեցի՝ Սուրբ Սահակի և Սուրբ Մեսրոպի նման անզուգական զույգի անվամբ: Աստուծո խորհուրդները անհասանելի են: Ես անցյալ չորեքշաբթի կարդացի հետևյալ տողերը Ավետարանից. «Զի հով ուր կամի շնչէ, եւ զձայն նորա լսես, այլ ոչ դիտես, ուստի զայ կամ ուր երթայ»: Հովը փչում է, նրա շարժումը զգում ես, սակայն չես իմանում, թե որտեղի՞ց է դալիս և ուր է դնում: Հոգին Աստուծո, շունչը Աստուծո, որից մարդը ծնվեց՝ այս Հոգին ինչպես է ներգործում մեր Հայոց պատմության մեջ, աշխարհի պատմության մեջ: Մենք՝ մարդիկ, չենք կարող ճշտել, իմանալ, սակայն զգում ենք նրա շարժումը մեր կյանքի մեջ: Այնտեղ, եզրպատուհանի, դարավոր եկեղեցիներ կան, տասնմեկերորդ դարից սկսած և մինչև օրս օծված այդ եկեղեցիներից մեկ-երկուսն են միայն մնացել կենդանի, ներշնչող և Հոգիների մեջ առողջության և առ Աստված Հաղորդության ազգային պատկանելության զգացումները տարածող:

Սուրբ Գրիգոր Լուսավորիչ եկեղեցու բնմի վրա կանգնեցի Հունվարի 14-ին, անդրադարձա, որ 70 տարի առաջ էր, երբ այդ եկեղեցին օծվեց: 70 տարի բարյաց շնորհաց աղբյուր դարձավ քանի՜-քանի՜ սերունդների համար: Եվ քանի՜-քանի եկեղեցիներ էլ քանդվեցին ու գնացին: Մտքովս այս պահին անցնում է, թե ի՞նչ եղան այն հազարավոր եկեղեցիները, որոնք Արևմտյան Հայաստանի և կամ Արևելյան Հայաստանի, կամ Հյուսիսի, Հարավի այն եկեղեցիները, որ մեր Հայրենի կառուցեցին ճարտարապետական սքանչելի ոճով: Շատերը քանդվեցին, փոշու վերածվեցին, և շատերն այսօր ավերակ վիճակում են: Քարը քար է, և փոշու է վերածվում: Բայց, երբ եկեղեցին մեր Հոգու մեջ ապրի և երբ հավատքը կենդանի է, նոր ծնունդ կտա Նոր եկեղեցիների: Մարդիկ շատ քարեր կարող են քանդել, սակայն Հոգին չեն կարող քանդել: Որքան քանդեցին, երկրաշարժերը որքան տարան, սակայն քարեն Նոր կյանք ստեղծվեց, այն որ, կյանքն իսկ է Աստված մեր մեջ հավատքով, գործով:

Այսօր դուք այստեղ, Գերմանիայում, նոր վկայություն տվեցիք, նոր չոշափելի պերճախոս վկայություն, որ հավատքը կենդանի է ձեր մեջ: Ապրե՛ք, սրբազան, թեմակալ իշխանությանց անդամներ, եկեղեցու Հոգաբարձություն, ժողովուրդ, որ դիտեք Աստծու արժեքը պատմության դիմաց, մարդկանց առջև, ձեր գալիք սերունդների առջև վկայել, թե մենք ուր էլ որ դնանք, մեր մեջ Հոգեւոր Հայրենիքն է, որ կապրեցնենք, և այն աշխարհագրական, ժամանակագրական սահմանափակումներ չի ճանաչում: Ամեն մեկը ձեզանից այսօր թող անկեղծության մեկ պահ ապրի: Ո՛ւր է ինքն այսօր: Ամեն մեկը ձեզանից իր կենսագրությունը ունի: Ձեզանից շատերը չէին էլ երևակայի, թե մի օր Բյուրնում պետք է լինեին: Շարժումը այնպես եղավ, բախտը ձեզ գցեց օտար Հորիզոններ, աշխարհը փոխվեց: Այն երկրները, ուր ապրում էիք, այդտեղ չեք հիմա, սակայն այն եկեղեցին, որով ապրում էիք, որ ձեր մեջ կապրեի, ոչ թուրքիա է ճանաչում, ոչ Գերմանիա, և ոչ էլ ուրիշ աշխարհագրական տեղանք: Հոգեւոր Հայրենիքն է: Եվ այսօր Հայաստանում այդ Հոգեւոր Հայրենիքը նոր կյանքով սկսեց ապրել ազատ ու անկախ պետության ընձեռած նոր պայմանների մեջ:

Հոգին առավել է, քան մարմինը, ազգը ավելի մեծ է, քան անհատը և

«...ԿՅՈՒԹԵԱՆ ԻՔ ԿՅՈՒԴՆԵԱՆ»





מזמורן, מנחם, מנחם, מנחם, מנחם

եկեղեցին հավերժական և ոչ ոք և ոչ էլ «զրույնք դժոխոց զնա ոչ հաղթահարեցէ»։ Դժոխքի դռներն անգամ չեն կարող հաղթահարել եկեղեցուն։ Որքա՞ն թագավորություններ ունեցանք. Արշակունյաց, Բագրատունյաց, Արծրունյաց, Կիլիկյան, միայն քրիստոնեական շրջանինն եմ հիշում, քանի նախարարական տներ. Մամիկոնյան, Խորխոռունյան, Ռշտունյան, իշխանություններ եկան, զնացին։ Ինչ որ մնաց, այդ եկեղեցին, հավատքը միացած հայոց հոգու հետ և Հայրենիքի գաղափարի հետ։ Այսօր դուք, ձեր եղբայրներից շատերը ուրիշ երկրներում ապրում են ուրիշ քաղաքական, պետական, ընկերային, տնտեսական պայմաններում, սակայն բոլորս էլ ունենք ոսկի շղթա, որ անցնում է բոլոր հայերի հոգիներով, ուր էլ լինեն նրանք, որտեղ էլ որ ապրեն։ Եվ հայոց բանաստեղծը՝ Վահան Թեքեյանը ի՞նչ է ասում.

եկեղեցին հայկական մեն մի քարի տակ գետնի,
Դեպի երկինք բարձրացող գաղտնի ճամբա մը ունի...

Մեր թշնամիները ճանապարհները գտան, գոցեցին, փակեցին, փոշոտեցին, սակայն չկարողացան գտնել և երբեք չեն կարողանալու գտնել մեր հոգիների միջով անցնող այդ գաղտնի ճանապարհը։ Մեզ մեր հավատքին, մեր հայրերի ավանդությունը, մեր Սուրբ եկեղեցու նվիրական ավանդությունը կապող այն հավատարմությունը, որ Աստված-մարդ հաղորդությունն է, և ո՞վ կարող է Աստծուն հաղթել։ Շատերը փորձեցին արևմտյան աշխարհի մեջ, եզան մեծ փրիստոփաներ, որոնք ասացին, թե Աստված մեռած է։ Իրենք մեռան, զնացին, սակայն Աստված ապրում է և պետք է հավիտենապես ապրի։ Սովետական Միությունը 70 տարի ամեն ճիգ թափեց, բռնական ամեն միջոցի դիմեց՝ Աստծուց հեռացնելու մարդկանց։ Եկեղեցիները փակեցին, եկեղեցականներին աքսորեցին, Կաթողիկոս սպանեցին, մեր հայոց պատմության գրքերը փոխեցին, Բրիտանոսին հայոց պատմության էջերից ցանկացան հանել, սակայն Աստված անհաղթելի է և հաղթում է մարդկանց։ Այսօր նոր շունչ կա մեր ժողովրդի մեջ. իր ինքնությունը, քրիստոնեական ինքնությունը գտնելու շունչ է տալիս, և այդ շունչն է, որ ես ուզում եմ ձեզ այսօր բերել։ Ես ոչինչ եմ առանց իմ եկեղեցու, առանց իմ ազգի և առանց իմ Հայրենիքի։ Եկել եմ այսօր ոչ թե ինքս խոսելու, այլ մեր եկեղեցին, Հայրենիքը, պետությունը խոսեցնելու։

Սուրբ էջմիածին։ Երեք տարի է արդեն, ինչ ապրում եմ Հայաստանում։ Ամեն անգամ, երբ մտնում եմ Մայր Տաճար, ամեն առավոտ, երբ անցնում եմ Տրդատ թագավորի կամարակապ դռան միջով, ամեն անգամ, երբ ծնրադրում եմ այն քարին, ուր Բրիտանոս, մուրճը ձեռքին, խփեց և այնտեղից ծնվեց հայոց առաջին եկեղեցին, հարց եմ տալս ինքս ինձ. ի՞նչ ուժ էր այն, որ պահեց այդ սուրբ հաստատությունը՝ որպես ներշնչումի, հոգեկան սնուցումի աղբյուր։ Էջմիածինը քա՞ր է։ Ափսոս նրանց, որոնք իբրև քար են դիտում էջմիածինը։ Էջմիածինը ճարտարապետություն է՞։ Ո՛չ։ Էջմիածինը հոգի է, քարերի միջից բխող հոգի։ Սակայն հոգին լսելու համար հոգով պետք է մոտենալ, հոգի պետք է ունենալ, ճշմարիտ հավատացյալ պետք է լինել՝ այդ քարերի միջից Սուրբ Հոգու շարժումը զգալու և մեր հոգու մեջ այն փոխադրելու համար։

Այսօր եկեք բոլորս անդրադառնանք այն հանգամանքին, որ ապրում ենք պատմակերտ մի օր։ Այս օրը, 24-ը հունվարի, ձեզանից յուրաքանչյուրի կյանքի պատմության մեջ պետք է դրվի որպես հոգեկան կերպարա-

նափոխության, պայծառակերպության պահ: Եթե այս եկեղեցու օծումից հետո մնալու ենք նույն անձինք, ապա ինչու՞ եկանք, ինչու՞ օծեցինք: Քարի օծումը իմաստավորվում է, երբ մեր Հոգիները վերստին օծվեն Սուրբ Մյուռտնով, և մենք վերաթարմացնենք, վերակենդանացնենք մեր մեջ Սուրբ Հավատքը Քրիստոսի, մեր Հայրերի դարավոր ավանդության, սրբության ներքո: Աշխարհի մեջ շատ Հովեր կգան ու կգնան, բայց մենք իմանանք այն Հովին հետևել, որ Աստուծոց է գալիս:

Այս օրը ես ուզում եմ, որ Մայր Աթոռ Սուրբ Էջմիածնի 1700-ամյա պատմության մեջ արձանագրվի որպես Գերմանիայի Հայոց օր: Թող այնտեղ արձանագրվեն այս ոսկեդեն բառերը. Գերմանիո Հայոց Հավատքի վերաթարմության, Հավատարմության օր: Այսպես է պատմությունը ստեղծվում: Այլևս մենք, իրեն ազգ, դադարենք պատմությունը միայն Հիշելուց, թե մեր Հայրերը այսպես են արել, մենք Վարդանանց ժամանակ այսպես ենք արել...: Անցյալը թողնենք: Ներկան և ապագան են կարևոր: Մենք պետք է շրջափոխություն ապրենք, իրական դարձ, Հոգեկան դարձ: Դառնանք ի խավարի ի լույս, Հանցյալի ներկա, ի ներկայի ապագա: Մենք այլևս անցյալը Հիշող, Հիշատակներով ապրող, մխիթարվող, Հպարտացող ազգ չմնանք, նորը չհիշող, կերտող և ապագային ավելի լավը լինելու իդժով առաջնանք: Այս պետք է լինի մեր ազգի նշանաբանը, այլապես ինչի՞ Համար այսքան տարի երազեցինք, պայքարեցինք:

Մենք մեր երկրի մեջ գերի էինք, մակայն տեր դարձանք: Մենք մեր Հայրենիքի տերն ենք՝ այդ Հայրենիքի ծառան լինելով: Նա, ով ծառա չէ, ասում է Հիսուս, չի կարող տեր լինել: Կարող է բռնապետ լինել: Դու քո տան տերն ես, տունդ շեն պահիր: Տանդ ծառան լինելով, նախանձախնդրություն ունենալով, կշեռացնես այն: Դրա Համար ես այսօր այս եկեղեցու օծումը նկատում եմ Գերմանիայի մեր Հայության կյանքի մեջ որպես վերածնության օր: Պետք է բոլորս փոխվենք: Այս եկեղեցին, որի խորանը օծեցինք, այս եկեղեցին չպետք է դատարկ մնա: Պետք է գաք, ծնկի գաք, աղոթեք, Աստուծու ուժը զգաք ձեր մեջ, Հայրենիքի ներկայությունը, քանզի մեր եկեղեցին ազգային է: Հանեցեք մեր եկեղեցին պատմությունից, ի՞նչ կմնա: Ո՞վ ստեղծեց գիրը, ո՞վ ստեղծեց Հայոց գրականությունը, ճարտարապետությունը, շարականները:

Հետևաբար, այս օծման առիթով չնորՀավորում եմ առաջնորդ Սրբազանին իր ժրջան աշխատանքի Համար, բոլոր Հոգևորականներին, որոնք գերմանական Հողի վրա են ծառայում իր Հայրական առաջնորդության ներքո, թեմական բոլոր անդամներին, մեր ազգային բոլոր կազմակերպություններին, առանց խտրականության, մշակութային, բարեսիրական, ընկերային, երիտասարդական: Մեկ խնդրանք ունեմ՝ ձեզանից. եկե՛ք, եղեք Հիմքը, պատը, կամարը և գմբեթը: Մի մնացեք առանձին քար: Փողոցի միջի առանձին քարը արժեք չունի: Առանձին ժայռը՝ նույնպես: Սակայն մեկ կտոր աղյուսը պատի մեջ կյանք ունի: Մասնակցե՛ք, սքանչելի երգչախումբ կազմեք, երեսաներին կիրակնօրյա դպրոց բերեք, նրանց Հավատք ներշնչեք, դրա մեջ տեսեք ձեր ուրախությունը: Զոհողությունից գտնվող ուրախությունը ավելի մեծ է որևէ տեսակի ուրախությունից: Մենք տակավին երկար խոսելիքներ ունենք, այժմ ցանկանում եմ խոսքս փակել: Վաղը այս եկեղեցում կմատուցվի անդրանիկ Պատարազը: Դեռ ձեզ հետ զրուցելու առիթներ կունենանք, երիտասարդության հետ Հանդիպումներ կունենանք և նաև իմ խոսքն պետք է ուղղեմ Գերմանիայի բոլոր քաղաքների մեջ ապրող

Հայերին: Եկեք բոլորս դալիք շաբաթը դարձնենք մեզ Համար կերպարանափոխության ուժով լցված շաբաթ: Երջանկություն և Հաջողություն թող Աստված տա ձեզ, սակայն դուք կարողանաք այն արժեքները, եկեղեցու, ազգի, Հայրենիքի, ձեր անձից բարձր արժեքների ծառայելով:

Թող Ասածու օրհնությունը այսօրվա օծման միջից վերածնի ձեր բոլորի մեջ բրիստոնեական մեր Սուրբ Հավատքը և մեր Հայրենիքի պատկանելիության անբեկանելի զգացումը Հավիտյանս Հավիտենից. ամեն»:



Օծման և անվանակոչության հանդիսակարգից հետո, առաջնորդանիստ Մայր Եկեղեցու սրահում տեղի ունեցավ քահանաբույր:

Հերթով Նորին Սուրբ Օծության աջը համբուրեցին և նրա օրհնությանն արժանացան հայ համայնքի մեծաթիվ հավատավոր վավակներ:

Հայոց Հայրապետին ներկայացվեցին նաև հայ համայնքի և գերմանահայ միությունների ներկայացուցիչները, ովքեր իրենց ազգապահպան գործունեությամբ մեծ դեր ու նշանակություն ունեն գաղութի կյանքում:

ՊԱՇՏՈՆԱԿԱՆ ՃԱԸ՝ Ի ՊԱՏԻՎ ԱՄԵՆԱՅՆ ՀԱՅՈՅ ՀԱՅՐԱՊԵՏԻ

Նույն օրը, երեկոյան ժամը 20.30-ին, ի պատիվ Ամենայն Հայոց Հայրապետի, «Մաթերնուսհաուս» հյուրանոցի գեղեցիկ սրահում տրվեց պաշտոնական ճաշ, որին ներկա էին Գերմանիայում ՀՀ արտակարգ և լիազոր դեսպան Աշոտ Ոսկանյանը, ազգային իշխանությունների ներկայացուցիչներ, դիվանագիտական այրեր, քույր Եկեղեցիների ներկայացուցիչներ, թեմական խորհրդի ու համայնքի անդամներ:

Ճաշկերույթի ընթացքում փոխանակվեցին բարեողջույնի խոսքեր, իսկ Հայոց Հայրապետը իր խորին շնորհակալությունը հայտնեց ներկաներին՝ ջերմ ընդունելության, ինչպես նաև սեփական Եկեղեցուն ու Հայրենիքին այսքան նվիրված լինելու համար:

ԵՊԻՍԿՈՊՈՍԱԿԱՆ ՍՈՒՐԲ ՊԱՏԱՐԱԳ ՆՈՐԱԾՍ Ս. ՍԱՀԱԿ-Ս. ՄԵՍՐՈՊ ԵԿԵՂԵՑՈՒՄ

Հունվարի 25-ի կիրակի օրն սկսվեց ժամը 08.30-ին նորաօծ եկեղեցում կատարված առաքելության ժամերգությամբ, որին ներկա էր նաև հավատացյալների հոծ բազմությունը:

Այնուհետև նորաօծ եկեղեցում մատուցվեց անդրանիկ Սուրբ Պատարագը:

Ժամը 10.00-ին հանդիսավոր թափորը «Հրաշափառ»-ի երգեցողությամբ և վանգերի դողանջներով Նորին Սուրբ Օծությանը և պատարագի սրբազան հորը՝ Եվրոպայի Հայրապետական պատվիրակ և Փարիզի առաջնորդ գերաշնորհ Տ. Գյուտ արքեպս. Նազաշյանին, հոգևորականաց դասի հետ, առաջնորդեց դեպի Ս. Սահակ-Ս. Մեսրոպ առաջնորդանիստ Մայր եկեղեցի:

Սուրբ և անմահ Պատարագի երգեցողությունը կատարվեց նորաօծ եկեղեցու «Կոմիտաս» երգչախմբի կողմից՝ տիար Արետ Բեգլյանի ղեկավարությամբ:

Սուրբ Պատարագին ներկա էին քույր Եկեղեցիների ներկայացուցիչներ, քաղաքական, դիվանագիտական այրեր, տեղական իշխանությունների ներկայացուցիչներ, ինչպես նաև մեծաթիվ հավատացյալ հայրդիներ:

Հրթրաց Ս. Պատարագի, «Հայր մեր»-ից առաջ ոգեշունչ քարոզ խոսեց Ամենայն Հայոց Հայրապետը՝ շեշտելով իր այս այցելության պատմական նշանակությունն ու կարևորությունը: Իր հայրապետական պատգամում Նորին Սրբությունը ի մասնավորի շեշտեց.

«Ինչո՞ւ Քրիստոս եկավ, ինչո՞ւ Աստված մարդացավ. մեկ բանի համար՝ սիրո համար: Աստված այնքան մեծ սեր ունի մարդոց հանդեպ, որ ուղարկեց իր Միածին Որդին, որպեսզի Ան մեզի փոխանցե Աստուծո հոգին ու սերը:

Սերը շինարար և ստեղծագործիչ է, իսկ ատելությունը՝ քանդիչ:

Ամենահանճար Տեր Աստված սիրով ստեղծեց մարդուն, ուղարկեց իր Որդուն՝ Քրիստոսին, մարդկությունը, որ զանոնք փրկե:

Եկեղեցիին ծառայելը խոնարհությունն է Աստուծո, եթե եկեղեցին մեր կյանքին հանձնեք, մենք կրկանք միայն Հոգ, փոշի, խոտ:

Այս օրերուս մեր մեջ սկսած է վերանորոգության շրջան մը: Այս Սուրբ Խորանեն կողջունեմ մեր վերածնունդը ու վերականգնումը:

Մի՛ խնդացնեք մեր թշնամիները, եթե անոնք մեզ տեսնեն, որ պառակտված ենք, բաժանված ենք, կուրախանան:

Միացե՛ք եկեղեցիի երգիկին տակ, բոլորվեցե՛ք ձեր Առաջնորդին շուրջ և մի՛ սոռնաք ձեր Մայրենի Հողը, Հայրենիքը:

Աստուծո խորհուրդները անսահմանելի և անճանաչելի են: Ո՛ւմ մտքով կանցներ, որ այսօր մենք այստեղ Հանդիպելու էինք և այս երկու կամարների ներքև միասին աղոթելու: Իսկապես, նախ փառք եմ տալիս Աստուծո, որ շնորհ արեց ինձ, որ կարողանամ ձեզ հետ հաղորդակցվել, հոգեկանորեն զգալ ձեր ներկայությունը, ձեր հավատքը, ձեր սերը հանդեպ մեր Ս. Եկեղեցին և մեր ազգը, որ դարեր շարունակ քայլեց հավատարմորեն Քրիստոսի ուղեգծած ճանապարհով և Ավետարանի լույսով: Զեղանից ամեն մեկը կարող է մտածել, թե ինքը ո՛ւր էր և ո՛ւր է այսօր: Յուրաքանչյուրս թող մտածի, թե ինքը տարիներ առաջ որտե՞ղ էր, իսկ այժմ ուր է: Ո՛ւմ մտքով կանցներ, որ մենք պատմության դեպքերի բերումով պետք է գտնվեինք այս Հողում և վայելեինք այս ժողովրդի սերը և հարգանքը: Կյանքը փոփոխություն է, սակայն քրիստոնեական հավատքը անփոփոխ է, որ հոգեկան ուժ և զորություն է երջանկության: Հայաստանը փոխվեց: Տասը տարիներ առաջ Հայաստանը ուրիշ էր, այսօր՝ ուրիշ: Պատմությունը փոփոխությունների ընթացք է: Մենք 20-րդ դարը արյունով, ջարդով, ցեղասպանությամբ սկսեցինք, սակայն այսօր մենք ազատ և անկախ Հայրենիք ենք և Եկեղեցի:

Դարեր-դարեր շարունակ մենք դժվար օրեր ապրեցինք, սակայն Աստված միշտ եղավ մեր ազգի հետ, քանզի ջանացինք հավատարիմ մնալ Քրիստոսի հավատքին և Ս. Ավետարանին: Ինչպես ես եմ զգում՝ պատմական օր ենք ապրում:

Առաջին անգամն է մեր դարավոր պատմության մեջ, որ Ս. Էջմիածնից Ամենայն Հայոց Կաթողիկոսը այցելում է Գերմանիա և գտնում իր ժողովրդին իր հավատքի մեջ ամուր և եկեղեցու ավանդությանը սերտորեն կապված:

Ապրե՛ք, հազա՛ր ապրեք: Դուք ինձ երջանկացրիք ձեր հավատքի զորությամբ:

Ինչնեքիս է պետք ազատությունը և անկախությունը, եթե տեքը չլինենք նրա: Ամեն մեկը բաժին ունի բերելու: Դուք այս եկեղեցին չե՞ն պահեք: Ձեր եկեղեցական կյանքը ծաղկուն պահեք և Մայր Աթոռ Ս. Էջմիածնին ու Հայաստանին կապված զգացեք: Ձեզանից ամեն մեկը թող քրտինքի կաթիլ թափի Հայ Հոգի վրա, թող քար դնի քարի վրա, որ ազգակերտման գործի մեջ լինի մի անձ, որը բաժին է բերում պատմությանը: Յոթ տարիներ առաջ այստեղ չկար մի անձ, որը ներկայացներ ազատ և անկախ Հայաստանը, իսկ այսօր մենք ունենք անկախ Հայաստանի գեոպոլիտիկ: Պիտի իմանանք փոխվել: Եթե չփոխվենք, աշխարհի փոփոխությունը ո՞ւմ է պետք: Դրա համար ես նոր սերունդին կոչ եմ անում՝ կարող է լինել մեկը, որ Հայերեն լեզուն լավ չխոսի, սակայն թող ճիգ անի, ջանք թափի, որ կարողանա իմանալ Հիմնական բառերը հարաբերվելու: Մի պատճառաբանեք չիմանալը օտարության մեջ ապրելով: Ես էլ եմ օտարության մեջ ապրել:

Եվ այսօրը ձեզ համար թող լինի վերանորոգության օր: Հիշեք այս օրը և այս օրով խմորեք ձեր մյուս օրերը, որպեսզի կարողանաք ձեր հավատքը կենդանի պահել հավիտյանս հավիտենից, ամեն»:

Վերջում Նորին Սուրբ Օծությունը իր անդրանիկ այցելության և նորածն եկեղեցու ուրախ առիթով առաջնորդ սրբապանին հանձնեց Մայր Աթոռ Սուրբ Էջմիածնից տարված արծաթա մի սկիհ և մի խաչքար՝ Մայր եկեղեցու Սուրբ Խորանի առջև պետեղելու համար:

ՀԱՆԴԻՊՈՒՄ ՔՈՒՅՐ ԵԿԵՂԵՑԻՆԵՐԻ ՆԵՐԿԱՅԱՑՈՒՑԻՉՆԵՐԻ ՀԵՏ

Հավարտ Սուրբ և անմահ Պատարագի, Առաջնորդարանի սրահում տեղի ունեցավ Վեհափառ Հոր հանդիպումը քույր Եկեղեցիների (Ղպտի, Սսորի, Հույն, Կաթոլիկ, Ռուս, Ավետարանական) ներկայացուցիչների հետ:

Երկուստեք ծավալված մտերմիկ պրույցի ընթացքում շոշափվեցին ոչ միայն քույր Եկեղեցիների առջև ծառացած հոգևոր խնդիրները, այլև դրանք էկոլոմենիկ շրջանակներում լուծելու առավել հնարավոր ուղիները:

Նորին Սրբությունը մեծ ուրախությամբ նշեց Հայ Եկեղեցու կատարած և կատարելիք գործերը Եկեղեցիների համբեղբայրության ճանապարհին՝ ի նպաստ քրիստոնյա աշխարհի և քրիստոնյա բոլոր ժողովուրդների:

ՊԱԵՏՈՆԱԿԱՆ ՃԱԵ «ՄԱԹԵՐՆՈՒՍ ՀԱՌԻՉ» (MATERNUSHAUS) ՀՅՈՒՐԱՆՈՑՈՒՄ

Օրվա եկրորդ կեսին, ժամը 14.30-ին, ի պատիվ Ն.Ս.Օ.Տ.Տ. Գարեգին Ա Սմենայն Հայոց Կաթողիկոսի, «Մաթերնուսհաուս» հյուրանոցի սրահում տրվեց պաշտոնական ճաշ, որին մասնակցում էր ավելի քան 300 մարդ:

Ճաշկերույթին ներկա էին նաև Գերմանիայում ՀՀ արտակարգ և լիազոր դեսպան Արտ Ոսկանյանը, քույր Եկեղեցիների ներկայացուցիչներ, պետական, քաղաքական, դիվանագիտական, հոգևոր այրեր, հայ համայնքի մեծաթիվ անդամներ:

Նորին Սրբությանն իր շքախմբի հետ հյուրասրահի առջև դիմավորեցին Բյուրի Հայ մանկանց պարախմբի անդամները՝ իրենց գեղեցիկ պարով:

Բացման աղոթքից հետո, ողջունելով Ամենայն Հայոց Կաթողիկոսի օրհնաբեր այցը Գերմանիա, թեմի առաջնորդ Տ. Գարեգին եպս. Բեգլյանը ներկայացրեց գերմանահայ համայնքի ներկա կացությունը: Գերմանիայի շուրջ քսան քաղաքներում ներկայումս բնակվում է 35.000 հայ: Նրանք դեռևս 60-ական թվականներից ներգաղթել են Թուրքիայից, Իրանից, Սիրիայից, Լիբանանից, վերջին տարիներին՝ նաև Հայաստանից: Գերմանիայի առաջնորդական թեմը հիմնվել է 1991-ին՝ երջանկափոխության վաղգնն Ա Կաթողիկոսի Արքատառ Կոնդակով:

«Վեհափառ Տէր.

Թող տուէք այս սիրոյ սեղանին շուրջ անգամ մը եւս յանուն Գերմանիոյ թեմի ազգային իշխանութեան, մեր Համայնքներու, շրջանի ընկերային եւ այլ կազմակերպութիւններու, ժողովուրդի եւ ներկաներու, Ձեր Հոգևոր-պետական այցելութիւնը ողջունել եւ Ձեզի մաղթել բարի գալուստ:

Դուք այսօր այցի կու գաք մեզի, Գերմանիոյ Հայոց թեմը, Ձեր Հօտին: Դուք կ'այցելէք Ձեր այս գաւակները, որոնք նոյն սիրով, նոյն հաւատքով, նոյն յոյսով ու կամքով իրարու շողկապուած կը ներկայացնեն Համայնական կեանք մը, որ կը կոչուի եկեղեցի: Եւ այսօր Դուք կու գաք մեզ ճանչնալու մեր Համայնական կեանքին մէջ: Այսօր Դուք կու գաք մեր ցաւերը, մեր տառապանքը, բայց նաեւ մեր ձգտումներն ու իրազործումները աւելի մօտէն ճանչնալու: Այլ խօսքով Հաղորդուելու մեզի Հետ այնպէս, ինչպէս որ ենք:

Հոգևորապետական այցելութիւնը կաթողիկոսական ծառայութեան, այլ խօսքով կաթողիկոսական գոյութեան իրաւունքը կազմող առաքելութեան ամենէն շօշափելի, ամենէն կենդանի արտայայտութիւններէն մէկն է: Այսպէս կ'ըմբռնէք Դուք Ձեր Հոգևորապետական այցելութիւնը, այսպէս կ'ապրիք ու այսպէս կ'արտայայտէք Ձեր ծառայութիւնը Հայաստանեայց եկեղեցւոյ ու Հայ ժողովուրդին մէջ: Ձեր բնորոշենէն մինչեւ այսօր տարբեր բնագաւառներու մէջ եւ Գերմանիոյ Ձեր Հօտի շարժումներուն մօտէն Հետեւեող, Դուք Վեհափառ, վստահ եմ այսօր մեզի ըսելիք ունիք: Թոյլ տուէք սակայն, որ մենք ալ մեր կարգին այսօր Ձեզի մեր ըսելիքը ներկայացնենք:

Մեր առաջին ըսելիքը Գերմանիոյ թեմի ժողովուրդի անունով մեր խոր երախտագիտութիւնն է Հանդէպ Սուրբ Էջմիածնի Ամենայն Հայոց Կաթողիկոսութեան եւ անոր արժանաւոր գահակալ Ն.Ս.Օ.Տ.Տ. Գարեգին Ա Կաթողիկոսին:

Սուրբ Էջմիածնի մէջ կայք հաստատած Կաթողիկոսութեան դարաւոր Աթոռը, յոյսի, առաքելութեան ու ծառայութեան մշտաժառ փարոս մըն է: Հայ ժողովուրդն է իր ծառայութեան դաշտը, Հայ ժողովուրդն է իր գոյութեան իրաւունքը, Հայ ժողովուրդն է իր ոյժի միակ աղբիւրը: Ան, իր ծառայութիւնը մեր ժողովուրդին գործով կ'արտայայտէ եւ իր առաքելութիւնը կը տանի մեր ժողովուրդի Համայնական կեանքին մէջ: Ծառայութիւնը սակայն մարդով կ'իրագործուի: Ս. Էջմիածինը այսօր, Վեհափառ Տէր, Ձեր անձով ու Ձեր անձին մէջէն նոր առաքելութեամբ, նոր շեմարանով ու նոր տեսուչով, նոր աշակերտ ու նոր անձնակազմով, նոր ծրագրերով ու նոր Հեռանկարներով լծուած է անհրաժեշտ մարդը պատրաստելու, իր առջեւ դրուած սրբազան աշխատանքը յաջողութեամբ պսակելու Համար: Ուրիշ խօսքով, առաջին Հերթին կը պատրաստուի Հոգեւորական նոր սերունդը՝ մեր ապագայ Հովիւներն ու առաջնորդները:

Նուիրական գործ կը կատարուի Ս. Էջմիածնի մէջ: Բայց այս գործին զսպանակիչ ոյժը, առաջնորդողն ու ղեկավարողը մեր սիրելի Վեհափառն է: Թոյլ տուէ՛ք սա պահուն նաեւ ըսելու, որ Ամենայն Հայոց Կաթողիկոսութեան կողմէ կատարուած գործէն աւելիովն ու աւելիովը օգտուողը, ի Հայաստան եւ ի Սփիւռս աշխարհի, մեր սիրելի ժողովուրդն է:

Այսօր, այս առիթով, պիտի ուզէի մեր ժողովուրդին, որ Մայր Աթոռի նկատմամբ մեր կապուածութիւնը, մեր հաւատարմութիւնն ու մեր երախտագիտութիւնը մենք ոչ միայն խօսքով արտայայտենք, այլ նաեւ կենդանի գործով, կենդանի վկայութեամբ: Որովհետեւ այս Կաթողիկոսութիւնը իր եկեղեցական ու աշխարհական ղեկավարութեամբ, ոչ միայն Հայաստանի մէջ, այլ ամբողջ Սփիւռքի հայ ժողովուրդին մէջ կենդանի, իրական ու մնայուն ներկայութիւն մըն է ու աւելիովը պիտի ըլլայ մեր ժողովուրդի աջակցութեամբ:

Մեր երկրորդ ըսելիքը, Վեհափառ, այն է որ գերմանահայ թեմը այսօր հաւաքական վերակազմակերպման ճիգին մէջն է: Ու մեզի համար վերակազմակերպումը միայն խօսք կամ տեսիլք չէ, այլ գործ է թեմական նոր պահանջներուն բոլոր կալուածներէն ներս:

Ծանօթ էք, որ այս գաղութը, բացի տասնեակ մը ուսանողներէ եւ գերմանացիներու հետ ամուսնացած հայ ընտանիքներէ, մօտիկ անցեալին, վաթսուեակն թուականներուն աշխատաւոր հայերէ բաղկացած գաղութ մըն է: Թուրքիայէն, Պարսկաստանէն, Սուրիա-Լիբանանէն եւ այսօր ալ Հայաստանէն հետզհետէ հաւաքուած, Գերմանիոյ շուրջ քսան քաղաքներուն մէջ ցրուած երեսունհինգ հազար հայութեան եկեղեցական ու ազգային մարզին մէջ առաջին նախաձեռնութիւնը եղաւ մշակութային փոքր միութիւններ կազմել, իրենց իսկ նիւթական ջնջին միջոցներով, որպէսզի կարենան այդ միութիւններուն շնորհիւ յագեցնել իրենց կարօտը հայեցի այն կեանքին, որ ապրած էին իրենց եկած մեծ ու աւանդական գաղութներու մէջ:

Այս հայերը յաջորդաբար ունեցան եկեղեցական համայնքներ եւ մէկ հոգեւտբական, որ տարիներ շարունակ, քաղաքէ քաղաք ճամբորդելով, որքան որ կարելի է, կը հասնէր ժողովուրդի հոգեւոր կարիքներուն: Մինչ այդ կազմուեցան ընկերային ու մարզական միութիւններ, ապա տեղեկագրական ու 1915-ի Հայ Եղեռնի հետազօտական հիմնարկներ:

Եօթնասունական եւ ութսունական թուականներուն գաղթականական նոր ալիքներ եկան Գերմանիա: Թեոյ 1988-ի Հայաստանի երկրաշարժէն ու 1990-ական թուականներուն սկսաւ Արցախի շարժումն ու տեղի ունեցաւ դժուար, բայց երջանիկ ծնունդ մը՝ Հայաստանի Հանրապետութեան: Գաղթականական, երկրաշարժի, Արցախեան ցաւերու եւ Հայաստանի Հանրապետութեան վերականգնման շարժումներէն անմասն չմնաց եւ գործնական մասնակցութիւն բերաւ նաեւ այս գաղութը, նիւթական օժանդակութիւններով կամ բարոյական թիկունքով:

Վերջապէս, 1991-ին, Ձեր նախորդի, Վեհափառ Տէր, Հանգուցեալ Վազգէն Ա Կաթողիկոսի որոշումով կազմուեցաւ Գերմանիոյ առաջնորդական թեմը, նկատի ունենալով հետզհետէ բարձրացող հայութեան քանակը եւ զանոնք որպէս եկեղեցական համայնքներ՝ մեր աւանգուսիւններու ուղղութեամբ կարգ ու կանոնի մէջ, մէկ տանիքի տակ հաւաքելով կազմակերպելու: Նոյն տարին էր, որ Կաթողիկէ Եկեղեցւոյ օգնութեամբ եւ համայնքի աչքի զարնող քանի մը նուիրեալներու ջանքերով, Քէօլնի

Համայնքը ունեցաւ մշտական եկեղեցի եւ յարակից Համալիրը, Գերմանիոյ մէջ երկրորդը՝ Կէօփինկէնի Ս. Խաչ եկեղեցիէն ետք: Շնորհիւ այս Համալիրին, նոր Առաջնորդարանը Հաստատուեցաւ այս շէնքին մէջ:

Թեմական կեանքի մէջ կազմակերպչական մեր առաջին մտահոգութիւնն էր գտնել Համապատասխան անձերը, նիւթական Հնարաւորութիւնները, լուծել կանոնադրային Հարցերը եւ մանաւանդ նոր Հոգեւորականներով օժտել Թեմը: Փառք Աստուծոյ, մեր սիրելի ժողովուրդին, եթէ ոչ ամբողջկան, բայց իր եկեղեցիով, իր աւանդութիւններով եւ իր բարոյական արժէքներու պահպանման մտահոգութիւնը ունեցող կարեւոր մէկ Հատուածին զոհողութիւններով, կրցանք Հետեւիլ մեր դրած նպատակներուն:

Մենք, ինքնագոհ եւ իր ինքնութեան անկեղծօրէն կապուած այս Հատուածը բաղկացնողներով ենք Հպարտ: Մենք անոնցմով ենք զորեղ եւ մենք այս անձերով պիտի կազմակերպենք ու վերականգնենք այս գաղութը: Այս Թեմի կազմակերպման ու վերականգնման ճիգին ու կամքին իրենց բաժինը բերողներէն շատեր այստեղ են այսօր եւ մենք անոնց բոլորին անխտիր մեր երախտիքը կը յայտնենք եւ կը Հայցենք Աստուծմէ, որ վարձահատոյց ըլլայ անոնց ծառայութեան:

Իսկ անոնք, որոնք անդարձօրէն բաժնուած են մեզմէ եւ եղած են Հիմնադիրները այս գաղութի, անոնց Հոգիներուն Համար ալ կ'աղօթենք, որ Տէրը իրենց Հանգստեան օթեւաններուն մէջ շնորհէ այս ազնիւ Հոգիներուն խաղաղութիւն եւ ողորմածութիւն:

Այսօր այս Թեմը աւելի քան երբեք գիտակից իր առաքելութեան, յծուած է չըջանի Հայութեան վերականգնումի անյետաձգելի եւ Հրամայական աշխատանքներուն: Պատիւ մեր սիրելի ժողովուրդին, պատիւ անձնուրաց ու նուիրեալ վարչական անդամներուն եւ ծառայողներուն, պատիւ մեր Հոգեւորական դասուն:

Գերմանիոյ Թեմը, Վեհափառ Տէր, իր այս իրագործումներով Հպարտացող գաղութ մը չէ: Բայց աւելորդ Համեստութիւններու ալ պէտք չունի: Այս գաղութը, իր առջեւ ցցուած Հարցերու յաղթահարման Համար ճիգ չխնայող եւ պայքարող, ինչպէս նաեւ ապագային նայող գաղութ մըն է: Միայն թէ կազմակերպումը խօսքով չըլլար սակայն: Ապագան միայն գեղեցիկ խօսքերով չի կերտուիր: Այլ անձնուրաց ու քրտնաջան, վաւերական ու մնայուն աշխատանքով: Ու գործը կը Հաստատուի տեսիլք ու կամք ունեցող մարդոցմով: Մենք այսօր, ինչպէս ուրիշ գաղութներ, մարդու պակաս ունինք: Պատրաստուած, իր առաքելութեան գիտակից, Հաւատացեալ, անկեղծ ու նուիրեալ Հոգեւորականներու պէտք ունինք: Մանաւանդ Հոգեւորականներու, որոնք ամէն բանէ առաջ իրենց ժողովուրդի եւ իրենց եկեղեցւոյ Հարցերով տազնապին, իրենց եկեղեցին ու ժողովուրդը սիրեն, իրենց եկեղեցիի եւ ժողովուրդի ամէն մէկ Հարցը իրենց անձերու Հարցը նկատեն, երթան դուռէ դուռ, մխիթարեն, կրթեն եւ Հոգեւոր սնունդ բաշխեն անոնց, քաջալերեն եւ խրախուսեն իրենց Հօտը: Վեհափառ Տէր, Հոգեւորական մարգին մէջ, մեր պակասը լրացնելու Համար մեր կողմէ Ձեզի կատարուած դիմումները մինչեւ այսօր քաջալերեցիք, որուն Համար ընդունեցէք մեր բոլորին սրտագին շնորհակալութիւններն ու երախտիքը: Կասկածէ վեր է, որ մօտ ապագային դարձեալ պիտի զարնենք Ձեր դուռը եւ վստահ ենք, որ ան պիտի բացուի, քանի որ պատգամը աւետարանական է, որ կ'ըսէ. «Խնդրեցէք եւ պիտի տրուի ձեզի. Թակեցէք եւ պիտի բացուի ձեզի» (ՂՈԿ. ԺԱ 9):

Վեհափառ Տէր, մեր երրորդ ըսելիքը այն է, որ մեզ չմոռնաք: Բայց Դուք հիւր չէք. Վեհափառ. Դուք այս եւ մեր բոլոր Հաստատութիւններուն, մեր բոլոր տուններուն տանտէրն էք: Վստահ ենք, որ մեզ պիտի չմոռնաք: Վստահ ենք, որ մենք Ձեր մտքին ու սրտին մէջ, թեկուզ եւ չնչին, սակայն մնայուն անկիւն մը ունինք: Բայց որպէսզի երբեմն-երբեմն Ձեր աչքերուն դիմաց ալ տեղ մը ունենանք, պիտի ուզէինք մեր պատուարժան թեմական խորհուրդի անունով Ձեզի նուէր մը փոխանցել: Այս նուէրը յուշանուէր մըն է միայն, որուն վրայ դրուած թուականը Ձեզի յիշեցնէ, թէ արդէն ժամանակն է Գերմանիոյ Ձեր զաւակները գարձեալ այցելելու: Որպէսզի յուշէ Ձեզ, որ Հոս ալ կայ Հայութիւն մը, թէեւ աղքատ իր լեղւով, իր գրպանով եւ քանակով, բայց ունի սիրտ, որ կը բարախէ Հաւատքով ու եկեղեցիով, Հայութեամբ ու Հայութեան Համար: Կայ նաեւ ժողովուրդ մը, որ աչքի լոյսին պէս կապուած է իր Մայր Աթոռին՝ Սուրբ Էջմիածնին ու անոր դահակային՝ Ն.Ս.Օ.Տ.Տ. Գարեգին Ա Հայրապետին: Ժողովուրդ մը, որ կը Հասկնայ ու բարձր կը գնահատէ իր Հայրապետին արժէքը, անոր Հաւատքը, Հայրենասիրութիւնը, շինարարական ու մանաւանդ դաստիարակչական ընագաւառներուն մէջ իր երախտաշատ ներդրումները, ինչպէս նաեւ Հայրենիքին բերած պատիւը՝ իր, եկեղեցական ու քաղաքական շրջանակներու մէջ ունեցած միջազգային Համբաւով:

Ահա, Վեհափառ Տէր, մեր գաղութի ժողովուրդին այս զգացումներուն ու գիտակցութեան, ինչպէս նաեւ Ամենայն Հայոց Հայրապետին նկատմամբ իր երախտիքին որպէս թարգմանք, թեմական խորհուրդս Ձեզի կը ներկայացնէ «Բարեփոխումներու Մարտահրաւէր» տիտղոսով՝ Հրատարակած գիրքը, որուն պարունակութիւնը կը կազմեն՝ Ձեր կենսագրութիւնը՝ եկեղեցական ու գրական անդամատանին մէջ Ձեր Հիմնական ներդրումներով, Հայաստանեայց եկեղեցւոյ եւ Գերմանիոյ թեմի Հակիրճ պատմութիւնները:

Վեհափառ Տէր, Հաճեցէք ընդունիլ այս յուշանուէրը ու նուէրին Հետ մեր մաղթանքը, որ Աստուած Ձեզի երկար, առողջ կեանք պարգեւէ՝ ի ծառայութիւն Հայաստանեայց եկեղեցւոյ եւ Հայ ժողովուրդին:

Մենք նախընտրեցինք մեր Համեստ կարողութեամբ ներկայանալ Ձեզի եւ խուսափեցանք մեր մազերը ներկելէ, որպեսզի ներկածին տակէն, քիչ ժամանակ յետոյ իր իսկական գոյնը յայտնուելով ամօթով չմնանք Ձեր առջեւ: Մենք կը խնդրենք Ձեր աղօթքն ու օրհնութիւնը միայն, որպէսզի աճի մեր անդամատանը եւ Ձեր յաջորդ այցելութեան առատ բերքով կարենանք ներկայանալ Ձեզի:

Այժմ ոտքի կանգնած մեր բաժակը բարձրացնենք Հայոց Վեհափառ Հայրապետի արեւշատութեան, Մայր Աթոռ Սուրբ Էջմիածնի, ինչպէս նաեւ Հայաստանի Հանրապետութեան անսասանութեան ու յաւերժութեան Համար:

Առիթը օգտագործելով կ'ողջունենք նաեւ ՀՀ Գերմանիոյ դեսպան մեծապարզ Տիար Աշոտ Ոսկանեանը եւ Գերմանիոյ մէջ իր պաշտօնի սկիզբին յանուն մեր թեմի ժողովուրդին կը. մաղթենք իրեն լիակատար յաջողութիւններ»:

ՊԱՐԳԵՎՆԵՐ ԳԵՐՄԱՆԱՀԱՅ

ԱԶԳԱՆՎԵՐ ԳՈՐԾԻՉՆԵՐԻՆ

Հաւատարմ Սրբապան Հոր խոսքի, ներկաների ժափողջոյնների ներքո, Վեհափառ Հայրապետը յուրովի վերարժնորեց գերմանահայ համայնքի

հայրենասեր ու ազգապահպան գործիչներին և ի գնահատություն ազգանվեր ու հայապահպան գործունեություն, Նորին Սրբությունը «Ս. Ներսես Շնորհալի» շքանշանով պարգևատրեց գերմանահայ համայնքի ներկայացուցիչներ տիար Հերման Օդաբաջանին, ղոկտոր Սարգիս Բեհյայանին և տիար Մուրադ Աբեյուպին: Տիկին Մինու Նիքքային արժանացավ «Սուրբ Սահակ-Սուրբ Մեսրոպ» շքանշանի:

Շքանշանների հանձնումից հետո, Ամենայն Հայոց Հայրապետը բարեջնորդ սարկավազներ Արման Փիլիպոսյանին, Կարպիս Գարազավաֆին, Մերուժան Մետեֆյանին, ինչպես նաև տիարը Մինաս Բոյաջյանին, Վահե Գույումջյանին, Կարապետ Գոտաքին, Մերովբե Օտաբաջյանին, Գրիգոր Սաղլամբերին, ղոկտոր Նուրի Եաղճին և տիկնայք Հայտմարի Գալաճյանին, Անգին Պահարյանին, Արաքսի Գունտուրեճյանին շնորհեց «Օրինության գրեթե»՝ այս կերպ քաջալերելով ազգային, մշակութային բնագավառներում նրանց կատարած գործունեությունը գերմանահայ թեմում (տե՛ս էջ 138):

Ապա վեհափառ Հայրապետը իր պատգամը տվեց հավաքված գերմանահայերին: Նորին Սրբությունը ներկաներին կոչ արեց առաջնորդվել վերանորոգության, ապագան սեփական ձեռքերով կերտելու գիտակցությամբ:

«...Կա՞ր աղբյուր այսօր մի ազգ, որ կարենա քրիստոնեությունը պետական կրոն ճանաչման իր 1700-ամյակը տոնել: Ո՛չ: Միմիայն մեր ազգն է, Հայ ազգը: Սակայն ի՞նչ պատկերով պիտի ներկայանանք աշխարհին: Այն վիճակով, որ այսօր է՝ Բավական է անցյալի փառքով Հպարտանալ: Այսօր Հայաստան աշխարհի մեջ կան ավելի քան 43 քարուքանդ եկեղեցիներ, որոնց դռները բաց են դեռևս: Գյուղեր կան, որոնք քահանա չունին: Ունինք ճարտարապետական Հարուստ արվեստ. եկեղեցիներ, պատմական Հուշարձաններ: Սակայն քարի դարը չէ այսօր: Քարերու լեզուն պետք է մարդկային լեզվի փոխել: Մարդու պետք ունինք: Դյուրին գործ չէ՝ 70 տարիներու Հակասովածության կործանիչ մտածողությունը բարեփոխել: Վերականգնելու պահն է այսօր: Եթե մարդը ըլլա, առիթն ալ պիտի ըլլա: Եթե ինձի առիթը չնորհվեր մեր եկեղեցու ժամագիրքը վերախմբագրել, ժամագիրքի սկիզբի խոստովանության բաժնին մեջ, ուր կ'իշխվին յոթ մահացու ծանր մեղքերը, որ կըսվի. «Այլևս մեղայ եթնիցս յանցանօք՝ մահացու մեղօք. Հպարտութեամբ եւ մասամբք նորին, նախանձու եւ մասամբք նորին...», պիտի ավելացնեի ութերորդ մահացու մեղք մը. ԱՆՏԱՐԱԲԵՐՈՒԹՅՈՒՆԸ: «Անտարբերութեամբ եւ մասամբք նորին»: Դատապարտելի և մահացու մեղք է Հայ եկեղեցւոյ, միութենական կազմակերպությանց, Մայր Հայրենիքի ծավալած գործունեությանց նկատմամբ անտարբեր ըլլալը: Մենք Աստուծոյ մեզի տվածին Հաշիվը չէ, որ տալու ենք, այլ անոր, որ ի՞նչ ավելցուցինք մենք մեր սեփական աշխատանքով: Փառք Աստուծոյ, որ Հայոց երկիրը, ժողովուրդը և եկեղեցին 1915-ի ցեղասպանութենեն ետքը, դարուս վերջավորության վերագտան իրենց ազատությունն ու անկախությունը իրենց Մայր Հայրենիքին՝ Հայաստանի մեջ: Մենք կուգանք ձեզի ոչ այն երկիրեն, ժողովուրդեն և եկեղեցիեն, որ միայն տառապանք ու ջարդ է տեսած, այլ այսօր կը վայելէ Հարության, վերածննդյան նոր չրջանը: Հայաստան աշխարհն այսօր ինքնակերտումի երկիր է և ոչ թե ողորմության երկիր»:

Շարունակելով իր խոսքը՝ Վեհափառ Հայրապետը շեշտեց նաև արվեստի կարևորությունը, որն այսօր, դժբախտաբար, ժամանակակից անկումային անվանվող արվեստին տրված հետաքրքրության պատճառով, անկում է ապրում:

Հավարտ պատգամի, Նորին Սուրբ Օծությունը մեծ ուրախություն պարգևեց ներկաներին իր անակնկալ բարի լուրով: Գարեգին Ա Կաթողիկոսը չմոռացավ գնահատել նաև վերջին վեց տարիներին, Առաջնորդարանի կազմավորմամբ, իր ազգանվեր, եկեղեցաշեն ու ամմնուրաց ծառայությունը բերող Գերմանիայի Հայոց թեմի բարեջան առաջնորդ գերաշնորհ Տ. Գարեգին եպս. Բեգլյանին: Ընդառաջելով Թեմական խորհրդի առաջարկին՝ Նորին Սրբությունը հայտնեց, որ սույն տարվա Ծաղկապարդին Գերմանիայի հայոց թեմի առաջնորդին շնորհելու է Արքության պատիվ:

Վեհափառ Հայրապետին ուղղած իր բարեողջույնի խոսքում Գերմանիայում Հայաստանի արտակարգ և լիազոր դեսպան Աշոտ Ոսկանյանը հակիրճ տեղեկություններ տվեց Հայաստանի ներկա վիճակի մասին և զոհունակությամբ հայտնեց, որ թեև այսօր Հայաստանում Եկեղեցին ու պետությունը գործում են միմյանցից անջատ, սակայն ծառայում են ժողովրդին նույն ուղղվածությամբ ու ներդաշնակությամբ, նույն նպատակի համար:

Ճաշկերության, ի պատիվ Նորին Սրբության, կազմակերպվել էր նաև գեղարվեստական գեղեցիկ հայտագիր՝ Զյուլի «Կոմիտաս» և «Միվա Կապուտիկյան» մանկանց և մեծահասակների միացյալ երգչախմբերի մասնակցությամբ:

Օրվա հանդիսություն ավարտվեց Վեհափառ Հայրապետի «Պահպանիչ»-ով:

ՀԱՆԴԻՊՈՒՄ ԳԵՐՄԱՆԻԱՅԻ ԽՈՐՀՐԴԱՐԱՆԻ ՆԱԽԱԳԱՀ ՌԵՏԱ ՉՅՈՒՍՄՈՒՏԻ ՀԵՏ

Հունվարի 26-ին, ժամը 14.00-ին, Նորին Սուրբ Օծությանն ընդունեց Գերմանիայի խորհրդարանի նախագահ Ռիտա Չյուսմուտը:

Երկուստեք ծավալված մտերմիկ ու ջերմ-պրույցի ընթացքում տիկին Չյուսմուտը բարձր գնահատեց Վեհափառ Հայրապետի անգնահատելի ավանդը եկեղեցիների համեղբայրության ասպարեկում, ինչպես նաև Հայ Առաքելական Եկեղեցու դերը սեփական ժողովրդի հոգևոր և ազգային ինքնության պահպանության գործում՝ արտահայտելով իր մտահոգությունը՝ Գերմանիայում հավատքի թուլացման և հոգևոր քնազավառում նկատվող տագնապահարույց մի շարք խնդիրների առնչությամբ:

Իր հերթին Նորին Սրբությունը նախ շնորհակալության խոսք ուղղեց Գերմանիայի հյուրընկալ ժողովրդին՝ Հայ Եկեղեցու նկատմամբ որդեգրած բարյացակամ վերաբերմունքի համար՝ ի մասնավորի նշելով, որ ինքը ևս իր հոգևոր ծառայության տարիներին սերտ հարաբերություններ է ունեցել գերմանացի պետական և եկեղեցական աչքի ընկած գործիչների հետ, այդ թվում՝ Գերմանիայի նախկին նախագահ Ռիչարդ Ֆոն Վայցվեգերի և էլի ուրիշ շատ-շատերի:

Ապա Հայոց Հայրապետը ներկայացրեց Հայաստանի Հանրապե-

ությունն ներկա հրավիճակը, տնտեսական կացությունը, Ղարաբաղյան հիմնախնդիրը՝ վերջինիս խաղաղ լուծման ճանապարհին կարևորելով երկխոսության անհրաժեշտությունը:

Հանդիպման վերջում փոխանակվեցին հուշանվերներ:

ՀԱՆԳԻՊՈՒՄ ԳԵՐՄԱՆԻԱՅԻ ՎԱՐՉԱՊԵՏ ՀԵՄՈՒՏ ԲՈՒՆ ՀԵՏ

Նույն օրը, ժամը 16.00-ին, Նորին՝ Սուրբ Օծությանն ընդունեց Գերմանիայի վարչապետ Հելմուտ Զոլը:

Ավելի քան մեկ ժամ տևած հանդիպման ընթացքում Վեհափառ Հայրապետը, հանուն Հայ Եկեղեցու և հայ ժողովրդի, շնորհակալություն հայտնեց Գերմանիայի պետությանը և ժողովրդին՝ հատկապես ակնդ երկրաշարժից հետո Հայաստանին ցուցաբերած օժանդակության ու փորակցության համար:

Գարեգին Ա Կաթողիկոսը նշեց, որ Գերմանիան առաջին եվրոպական պետություններից մեկն էր, որ ունեցավ իր դեսպանությունը քաղաքավար Երևանում: Խոսվեց նաև Հայաստանյայց Եկեղեցու վերապարթոնքի մասին: Վեհափառ Հայրապետը հույս հայտնեց, որ Գերմանիայի թե՛ Կաթոլիկ և թե՛ Ավետարանական Եկեղեցիներն իրենց աջակցությունը կբերեն վերականգնման կենսական ուղին բռնած Հայոց Եկեղեցուն՝ այս առիթով ներկայացնելով Հայաստանի հոգևոր, տնտեսական, ընկերային և մշակութային իրավիճակը, կարևորելով Եկեղեցիների փոխհարաբերությունների սերտացումը, ինչպես նաև պետական իշխանությունների հետ երկխոսության անհրաժեշտությունը: Առ այդ Նորին Սրբությունն առաջարկեց նման մոտեցում նաև Գերմանիայի պետության կողմից՝ մանավանդ քաղաքական հարցերին վերաբերվող:

Անդրադառնալով Լեոնային Ղարաբաղի հիմնահարցին և տարածաշրջանի քաղաքական իրավիճակին՝ Վեհափառ Հայրապետը շեշտեց, որ թե՛ ինքը և թե՛ Հայաստանի իշխանությունները հավատում են խաղաղ ճանապարհով խնդրի լուծմանը:

Իր հերթին պրն. Հելմուտ Զոլը շեշտեց Գերմանիայի և Հայաստանի հարաբերությունների պարզացման կարևորությունը և հույս հայտնեց, որ առաջիկայում դրանք ավելի պիտի սերտանան: Միևնույն ժամանակ բարձր գնահատեց Վեհափառ Հայրապետի հայտնած դիտարկումները հոգևոր կյանքի աշխուժացման, միջեկեղեցական հարաբերությունների պարզացման, ինչպես նաև Ղարաբաղի հարցի խաղաղ կարգավորման ուղիների մասին: Վերջում պրն. Զոլը իր գնահատությունը հայտնեց գերմանահայության բերած նպաստի և օրինավոր ու պատվավոր քաղաքացիներ լինելու վերաբերյալ՝ համարելով այն որպես օրինակելի և կայմակերպված համայնք:

Վարչապետ Հելմուտ Զոլի հետ հանդիպմանը ներկա էին նաև Գերմանիայի հայոց թեմի առաջնորդ գերաշնորհ Տ. Գարեգին եպս. Բեգյանը, Գերմանիայում Հայաստանի Հանրապետության արտակարգ և լիազոր դեսպան Աշոտ Ոսկանյանը, թարգմանիչ տիար Բաֆֆի Բանդյանը:

**ԷԿՈՒՄԵՆԻԿ ԱՂՈԹՔ ԲՈՆՆԻ
ԱՎԵՏԱՐԱՆԱԿԱՆ Ս. ԽԱԶ ԵԿԵՂԵՑՈՒՄ**

Օրվա երկրորդ կեսին, երեկոյան ժամը 18.00-ին, Գարեգին Ա Վեհափառ Հայրապետն իր շքախմբով առաջնորդվեց դեպի Բոննի Ավետարանական Սուրբ Խաչ եկեղեցի:

Այստեղ ջերմ սիրով Նորին Սրբությանը դիմավորեցին Ավետարանական Եկեղեցու Խորհրդի նախագահ Մանֆրեդ Քոկը, քույր Եկեղեցիների ներկայացուցիչները, մեծաթիվ հավատացյալներ:

Բարեողբույնից հետո եկեղեցում տեղի ունեցավ միջեկեղեցական աղոթք՝ քրիստոնյա բոլոր դավանանքների ներկայացուցիչների մասնակցությամբ:

Հավարտ հավաքական աղոթքի, Նորին Սրբությանը ողբույնի խոսք հղեց Ավետարանական Եկեղեցու Խորհրդի նախագահը՝ իր խոսքում քաջալերելով եկեղեցական համայնքների և քրիստոնեական նախաձեռնությունների միջոցով ապաստանյալներին բնակություն տալու հանգամանքը: Մանֆրեդ Քոկը պաշտպանեց նաև այն տեսակետը, թե հալածված մարդկանց օգնելը անհրաժեշտություն է, որպեսզի այս կերպ հնարավորություն տրվի նրանց՝ ապրել իրենց կրոնական կյանքը: Խորհրդի նախագահը հիշեց դեպքեր, երբ հայերը ապաստան են գտել Գերմանիայի Ավետարանական եկեղեցական համայնքներում:

Շարունակելով մանրամասնել իր ասելիքը, Մանֆրեդ Քոկը շեշտեց, որ Հայ Եկեղեցին իր պատմության ընթացքում ճաշակել է հալածանքների բոլոր տեսակները: Այս հալածանքների ընթացքում եղել են հայեր, ովքեր ապաստանել են Գերմանիայում: Ըստ Խորհրդի նախագահի, Գերմանիայի Ավետարանական և Կաթոլիկ Եկեղեցիներն ամեն ինչ անում են, որպեսզի Գերմանիայի Սահմանադրության մեջ ապաստանյալների համար նախատեսված կանոնները չարժեպրկվեն և չփոխարինվեն իրավական այլ տնօրինումներով, ինչը պետական մարմինների կողմից երբեք հավանության չի արժանանում:

Մանֆրեդ Քոկը հայտնեց նաև այն տեսակետը, թե Եկեղեցու առաջնային պարտականությունը պետք է լինի պաշտպանել Կիրակի օրերի սրբությունը: «Եվրոպայի բոլոր Եկեղեցիները պետք է ամեն ջանք գործադրեն, որպեսզի Կիրակի օրերը չփոխարինվեն տնտեսական առավելություններով և աշխատանքային օրերի վերածելու ցանկությամբ»:

Ապա ներկա հավատացյալներին իր պատգամը հղեց Ամենայն Հայոց Հայրապետը.

«Սիրեցյալ եղբայրներ և քույրեր ի Քրիստոս.

Զգիտեմ, դուք ինչպես եք զգում այս պահին, բայց ես զգում եմ, որ առաջին այս ճովապետական այցելության ընթացքում Գերմանիո մեր թեմին, այսօրվա մեր Հանդիպումը այս եկեղեցու մեջ, էկումենական այս աղոթքը Հատուկ, մասնավոր տեղ ունի այցելությանս մեջ:

Առաջին Հերթին պարտք եմ զգում իմ խորին շնորհակալությունները Հայտնել ՔԱՏԷ-ին, որ այս առիթը տվեց, որպեսզի իմ այցելությունը էկումենական տարածք ստանա և ավելի Հարստանա: Կարծես մի բան պակաս եմ զգում իմ մեջ, եթե երբեք իմ Հայ ժողովրդին եմ այցելում մի երկրում և այդ երկրի մյուս քրիստոնյաների Հետ իմ՝ ի Քրիստոս միությունը

չապրեմ, որովհետև ես այնպես եմ ըմբռնում էկոմենիզմը, թե պարտա-
շանություն էի, այլ կոչում: Ես կուզեի ասել նաև իմ գերմանացի քույրերին
և նղբալիներին, որ Հայ անունը, Հայաստան անունը ընդհանրապես
նույնացված է ցավի, տառապանքի, Հալածանքի, ջարդի և ցեղասպանության
հետ: Ես ձեզ մոտ եմ գալիս նույն Հայաստանից, նույն Հայ ժողովրդից, բայց
ուրիշ կյանքից: Այսօր Հայաստանը մահվան հովիտ է: Ես գալիս եմ մի
երկրից, որ վերանորոգության, վերականգնման մեջ է գտնվում: Ես զավակ
եմ ծնողների, որոնք ջարդերից մազապուրծ են եղել: Եվ երբ ես յոթ
տարեկան էի Սիրիայի Քեսաբ գյուղում, Հայրիկս աշխատում էր Mission
Orient կոչվող գերմանական որբանոցում՝ Յոհանես Լեփսիուսի կողմից
հաստատված: Այսօր այս երկրում գերմանացի իմ եղբայրների և քույրերի
առջև շնորհակալություն եմ հայտնում և փառք տալիս Աստուծո, որ մեր նեղ
և դժվար օրերին գերմանական Եկեղեցիները և ժողովուրդը զորավիգ
կանգնեցին վերականգնման գործում:

Հայ Եկեղեցին ինձ Համար մեկնաբանությունն է Ավետարանի: 1700
տարիներ Ավետարանը կյանքով թարգմանեցինք մեր կյանքի մեջ: Եվ մեկ
րան փաստվեց մեկ անգամ ևս, ինչպես ուրիշ քրիստոնյա ժողովուրդների,
նույնպես և Հայ ժողովրդի կյանքում, թե հավատքը անհաղթահարելի է:
Նեղությունը, տառապանքը, խաչը՝ վերջը չեն կյանքի, այլ Հարությունը, որ
գալիս է պսակելու տառապանքը և իմաստավորելու այն:

Ես ցանկանում եմ խոսքիս երկրորդ մասում ասել, թե Հարության կյանքն
է ծագել Հայաստանի և Հայ ժողովրդի վրա: Մենք ապրում ենք էկոմեն-
ական դարում և պարտավոր ենք ապրել էկոմենական ոգով, որովհետև
միմյանց Հավատքը կիսելով, մենք կգորացնենք Քրիստոսի ներկայությունը
Տիեզերքի մեջ:

Ինչպես իմ սիրեցյալ եղբայր Քոկը ասաց, թե Քրիստոս ասում է.
«Սափուղ, Սափուղ ինչո՞ւ ես Հալածում ինձ» (Գործք. Թ 4): Մենք՝
քրիստոնյաներս ենք Հալածում Տիրոջը մեր անմիաբանության մեջ ու
պառակտումներով: «Ինչո՞ւ ես Հալածում ինձ», - ասում է Հիսուս: Մենք
շատ ենք խոսում խաչի մասին, բայց չենք ապրում և չենք զգում
խաչելությունը: Քրիստոնեությունը ասես մեզ Համար սովորական Հազուստ
է դարձել: Բայց ե դարի Հայ աստվածաբաններից մեկը ասել է.
«Քրիստոնեական Հավատքը ոչ թե Հազուստ է իմ վրա, այլ կաշվիս և
մորթուս գույնն է»: Մոտենում ենք 2000-ամյակին: Երկու տարի Հետո
տոնելու ենք Քրիստոսի ծննդյան 2000-րդ ամյակը: Ես ուզում եմ, որ
էկոմենիզմը դառնա այնպիսի մղում, որ մենք կարողանանք իրար մեջ
տեսնել մեկմեկու և գտնենք Քրիստոսին բոլորիս մեջ:

Եվ իմ խոսքն ուզում եմ ավարտել այն Հատվածի ընթերցմամբ, որը մենք՝
Հայերս, ամեն անգամ Սուրբ Պատարագ մատուցելիս երգում ենք: Եկեք այն
արտասանենք միասին գերմաներեն. «Քրիստոս ի մէջ մեր յայտնեցաւ»: Եվ
եկեք միմյանց ողջունենք այդ սիրով:

«Օրհնեալ եղերուք ի շնորհաց Սուրբ Հոգւոյն, երթալք ի խաղաղութիւն
եւ Տէր Յիսուս եղիցի ընդ ձեզ, ընդ ամենեսեանդ. Ամէն»:



Սուրբ Խաչ եկեղեցում կատարված համատեղ աղոթքից հետո, ի
պատիվ Նորին Սուրբ Օծուխյան, Ավետարանական Եկեղեցու Խորհրդի
Նախագահ Փրեցես Մանֆրեդ Քոկը կապմակերպեց սիրո ճաշ՝ ազգայն,

որին ներկա էին քույր Եկեղեցիների մեծաթիվ հավատացյալներ, տեղական իշխանությունների ներկայացուցիչներ, դիվանագիտական այրեր, պաշտոնատար անձինք:

Սիրո ճաշն անցավ ջերմ մթնոլորտում, հնչեցին ջերմագին խոսքեր, որոնցում շեշտվում էր անհրաժեշտությունը քույր Եկեղեցիներին առջև ծառացած խնդիրները լուծել էկումենիկ հարաբերությունների շրջանակներում, առավել խորացնել փոխադարձ համագործակցությունը և բարեկամական կապերը:

**ԱՅՅԵԼՈՒԹՅՈՒՆ ՀԱՄԱՐՈՒՐԳ, ՀԱՆԴԻՊՈՒՄ
«ԱՎԵՏԱՐԱՆԱԿԱՆ ԵԿԵՂԵՑՈՒ ՀՈԳԵՎՈՐ
ԱՌԱՔԵԼՈՒԹՅՈՒՆ» ԿԱԶՄԱԿԵՐՊՈՒԹՅԱՆ
ՆԵՐԿԱՅԱՑՈՒՑԻԶՆԵՐԻ ՀԵՏ**

Հունվարի 27-ին, երեքշաբթի օրը, առավոտյան, Ն.Ս.Օ.Տ.Տ. Գարեգին Ա Ամենայն Հայոց Կաթողիկոսը, Գերմանիայի հայոց թեմի առաջնորդ գերաշնորհ Տ. Գարեգին եպս. Բեգլյանի ընկերակցությամբ, մեկնեց Համբուրգ՝ հանդիպելու «Ավետարանական Եկեղեցու հոգևոր առաքելություն» կապմակերպության /Evangelisches Missionswerk/ ներկայացուցիչների, տեղի փոքրաթիվ հայ համայնքի հետ:

Համբուրգի օդանավակայանում Նորին Սրբությանը և սրբազան հորը դիմավորեցին Արևմտյան Եվրոպայի Հայրապետական պատվիրակի փոխանորդ և Լիոնի հայոց առաջնորդ գերաշնորհ Տ. Նորվան եպս. Չաքարյանը, Հյուսիսային Գերմանիո հոգևոր հովիվ հոգեշնորհ Տ. Սերովբե վրդ. Իսախանյանը, ինչպես նաև տեղի համայնքի մի խումբ հավատացյալներ:

Օդանավակայանից Ամենայն Հայոց Կաթողիկոսին առաջնորդեցին դեպի հիմնարկի կենտրոնատեղի, ուր Նորին Սրբությանն ընդունեցին մեծ շուքով ու ջերմությամբ: Դիմավորողների թվում էին նաև տեղի հայ համայնքի շուրջ 50 անդամներ և հիմնարկի ողջ պաշտոնեությունը:

Բարի գալուստ մաղթելով Գարեգին Ա Ամենայն Հայոց Կաթողիկոսին, տեղի եպիսկոպոսուհի Մարիա Եփեսեւը կարևորեց քույր Եկեղեցիների բարեկամությունը, էկումենիկ հարաբերությունների խորացումը և այդ բնագավառում Նորին Սուրբ Օծության կատարած մեծ դերը: Եպիսկոպոսուհին ուրախությամբ նշեց քրիստոնյա բոլոր ժողովուրդների միակամությունը՝ դեպի Տերը տանող դժվարին, սակայն քաղցր ճանապարհին:

Այնուհետև ներկաներին իր ողջույնի խոսքը հղեց Գարեգին Ա Վեհափառ Հայրապետը:

«Միրեցյալ եղբայրներ և քույրեր,

Մինչ ես կպատասխանեմ քրիստոնեական սիրո և բարեկամության ձեր պերճախոս ելույթներին, կցանկանայի մեկ բոլոր ոտքի ելնել և սկսել խոսքս աղոթքով՝ Հզված առ Աստված:

Հանուն Հոր և Որդու և Սուրբ Հոգու-ես իմ երախտագիտությունն եմ հղում Քեզ, ով Տեր, միմյանց հետ Հանդիպելու այս առիթը մեզ շնորհելու, Քո հավատքի, հույսի և սիրո հանդեպ մեր միջև եղած միասնության, բարեկամության, եղբայրության և համերաշխության կապերը վերանորո-

գելու համար: Աղաչում եմ Քեզ, ով Տեր, թե այս երկրում՝ Գերմանիայում և թե իմ երկրում՝ Հայաստանում, տեղի ունեցող այն բոլոր փոփոխությունների ընթացքում անխափան պահել մեր Հոգու հավատարմությունը հանդեպ Քո խոսքին և Քո առաքելությանը և Քո Եկեղեցուն և համայն-մարդկությանը՝ առանց խտրության և խտրականության: Մենք խոնարհաբար խոստովանում ենք մեր թերություններն ու թերացումները: Աղաչում եմ Քեզ, ով Տեր, Մեր Երկնավոր Հայր, վերանորոգել մեր քրիստոնեական ոգին, որը մեզ այնքան հաճախ հիշեցնում է մեզ հավատարիմ մնալ մեր ինքնությանը, անհատականությանը:

Ով Տեր, Դու իշար երկնքից, մերկացրեցիր Քո էությունը երկնային փառքից և նույնացրեցիր Քո անձը մեզ՝ մարդկային էակներին հետ, մեր մեղքերի հետ: Վերանորոգեցիր մեր մեջ ծառայության ոգին, քանզի Քո ծառայության մեջ է Քո խոսքի իրագործումը, քանզի Դու դարձար ծառա՝ դարձնելու մեզ Աստծու սպասավորներ մարդկությանը: Ամեն:

Ես իրող Հոգեպես խիստ Հուզված եմ՝ կյանքումս ևս մեկ անգամ այն մարդկանց միջև գտնվելու առիթով, ում ես ճանաչել եմ երկար տարիներ՝ կապված «Ավետարանական Եկեղեցու Հոգևոր առաքելություն» կազմակերպության գործունեության և ծառայության հետ հանուն Աստծու՝ մեր Երկնավոր Հոր և հանուն Միածին Որդու և հանուն Սուրբ Հոգու: Ես այսօր ձեզ մոտ եմ եկել որպես այն նույն անձնավորությունը, ինչպես որ եկա 12 տարի առաջ, սակայն ուսերիս ավելի ծանր պարտականություն վերցրած: Դա այն բոլոր փոփոխություններն են, որ տեղի են ունեցել մեր երկրում և հենց մեզ հետ:

Խոսեցինք փոփոխությունների մասին, և դա ինձ հիշեցրեց Մեր Տեր Հիսուս Քրիստոսի խոսքը՝ ըստ Սբ. Հովհաննեսի Ավետարանի. «Հովը ուր ուզում է՝ փչում է, և նրա ձայնը լսում ես, բայց չգիտես որտեղից է դալիս կամ ուր է գնում. այսպես է և ամեն ոք, որ Հոգուց է ծնված» (Հովվ. Գ 7-8): Այդ Հովը Սուրբ Հոգին է: Ես ծնվել եմ մի փոքրիկ գյուղում, Հյուսիսային Միրիայում, ապա ուսում առել Լիբանանում: Մասնակցել եմ համալսարհային էկոմենական շարժմանը, սակայն երբեք չեմ մտածել, թե որերից մի օր կտեսնեմ Հայաստանը, որն իմ հայրը չտեսավ, Հորս սերնդակիցները չտեսան, սակայն ավանդեցին մեզ մեր երկիրը տեսնելու, ազատության աստվածատուր շնորհը վայելելու երազանքը: Դուք չգիտեք, թե որքան վշտացնող զգացում է տեսնել, որ քո երկիրը, քո ժողովուրդը չի որոշում՝ ինչ անել և ինչպես ապրել, հպատակեցված է օտարի տիրապետությանը: Դուք նշեցիք, որ այս դարը խավարով սկսվեց մեր հայ ազգի պատմության մեջ, սկսվեց արյամբ, սակայն ավարտվում է վերաշինության, վերանորոգման, վերածննդի, հարության պայծառ լույսով: Այս դարի սկզբին հայ ժողովուրդը կորցրեց ավելի քան մեկուկես միլիոն զավակներ, երկրորդ համալսարհային պատերազմում զոհվեցին 300 000 հայեր, որոնք կովում էին Խորհրդային Միության կողմից, քանի որ Հայաստանն այն ժամանակ Խորհրդային Միության մասն էր կազմում:

Այժմ, դարավերջին, քրիստոնեության պատմության երկրորդ հազարամյակի ավարտի չեմին տեսնել, որ մեր երկիրը գալիս է մի նոր իրավիճակի, ոչ միայն բերկրանքի առիթ է, այլ նաև ապագայի հանդեպ պատասխանատվության, պարտականության մարտահրավեր: Ես ինչ-որ անդ կարդացել եմ հետևյալ գեղեցիկ ասույթը. «Ազատությունն առանց պատասխանատվության ազատություն չէ»: Այսօր այս 30000 քառ. կմ

Հողը, որ 70 տարի Խորհրդային օտարերկրյա բռնապետական ամբողջատիրական ռեժիմի տակ էր գտնվում, այժմ դարձել է մեր՝ Հայերիս պատասխանատվությունը, և իրող, մեղ վրա է դրված այս նոր պայմանների ներքո այս նոր երկրում մեր կյանքը կարգավորելու ծանր բեռը Համապատասխան քրիստոնեական ոգուն, որը կերտել, ձևավորել է մեր անհատականությունն իբրև Հայ ազգ: Մեր Եկեղեցին Հայաստանում եղած բազում Եկեղեցիներից մեկը չէ, մեր Եկեղեցին մեր երկրի Եկեղեցին է: Մենք ասում ենք՝ Ազգային Եկեղեցի, այսինքն՝ Հայ ազգը ունեցել, պահպանել է քրիստոնեական Հավատքն իր սրտում: Ինչ քար էլ որ շրջես, վրան խաչ է պատկերված, ինչ ձեռագիր էլ որ բաց անես, առկա է քրիստոնեական Հավատքի վկայությունը, ապացույցը, և ինչպես մեր նախազանց ասաց, մենք չենք կարող լինել ազգ առանց Եկեղեցու, որովհետև մենք չենք էլ եղել ազգ առանց Եկեղեցու: Ուստի, բարեկամներ, այսօր եկել եմ ձեզ մոտ կերպարանափոխված, վերաշինված երկրի, ազգի, Եկեղեցու պատկերով: Դուք խոսեցիք միավորված Գերմանիայի մասին: Մենք բերկրանք ենք ապրում, որ այդ բաժանիչ պատենքը՝ Բեռլինի պատը խորտակվեց: Ազգը չի կարող բաժանվել, տարանջատվել Հակառակ իր կամքի, և Հենց դա էլ տեղի ունեցավ մեզ Հետ: Հայաստանում ոչ թե քարե, այլ երկաթյա վարագույր կար, և ինչպես մի անդամ ընթերցեցի Փրանսիական «Լե Մոնդ» ("Le Monde") թերթում, այդ երկաթյա վարագույրը դարձավ ապակյա, թափանցիկ: Ահա թե իմ կարծիքով ինչ տեղի ունեցավ իմ երկրում, երբ Հայաստանը ստրկացված էր, օտարի տիրապետության տակ և փակված էր սփյուռքահայության Համար: Այսօր այդ պատը, լինի մետաղից թե բետոնից, խորտակվել է, սակայն մեր խնդիրը չէ լոկ Հրճվել պատի փլուզմամբ, այլ՝ կամուրջներ կառուցել: Պատի փլուզումը ոչ մի նշանակություն չի ունենա առանց նոր կամուրջներ կառուցելու: Իմ կարծիքով, իմ այս այցելությունն օժանդակում է Հայաստանի Եկեղեցու և Գերմանիայի Եկեղեցիների, լինեն դրանք Կաթոլիկ, Ավետարանական թե Ուղղափառ, միջև այդպիսի կամուրջներ Հաստատելուն:

Դուք խոսեցիք այն օրերի մասին, երբ մեր ժողովուրդը ենթարկվում էր կոտորածի: Հայերիս մոտ դեռևս որոշակիորեն կա այն զգացումը, թե փորձության ժամին մենք մենակ մնացինք: Եվ ինչպես ես ասացի Ֆրանսիայի նախազանչին այս տարվա Հունվարին, ինչպես նաև անցյալ տարվա փետրվարին, իսկ երեկ էլ՝ Գերմանիայի վարչապետին՝ Հելմուտ Բոլին, եկեք ոչ թե միայն ետ նայենք պատմությանը, այլև նայենք ներկային և ներկայի միջով՝ ապագային: Այո, այդ ժամանակ մենք մենակ մնացինք, սակայն այժմ դարձ սկիզբը չէ: Ըստ իս, այսօր Եկեղեցիների կյանքում էկոմենիկ շարժումը քրիստոնեական ոգու մղիչ ուժն է: Ոչ թե լոկ Հավատարմություն սեփական ավանդույթին, այլ՝ Հավատարմություն սեփական ավանդույթին՝ դիտարկելով այն որպես քրիստոնյա աշխարհի անբաժան մի մաս: Եվ էկոմենիկ շարժման միջոցով մենք ձգտում ենք նոր կամուրջներ ստեղծել, նոր կամուրջներ կառուցել: Այսօր անձամբ ես զգում եմ, որ այստեղ եմ գտնվում սեփական, ցանկությամբ: Ավելի վաղ, երբ Հայ Առաքելական Եկեղեցու Գերմանիայի մեր թեմի Հոգևոր առաջնորդ Գաբեգին Արքեպիսկոպոս Բեզյանից ստացա այցելությանս ծրագիրը, նամակ գրեցի նրան՝ պնդելով և խնդրելով, որ նա կապ Հաստատի «Ավետարանական Եկեղեցու Հոգևոր առաքելություն» կազմակերպության Հետ, որովհետև ես չէի կարողանա աղոթել Գերմանիայում առանց

տեղեկանալու կազմակերպության աշխատանքներին, քանզի այդ Հաստատությունն ինձ Համար այն պատուհանն էր, որից ես ուսումնասիրում էի Գերմանիայի Եկեղեցիների փորձը: Իհարկե, Եկեղեցիների Համաշխարհային Խորհրդում ես շատ ընկերներ էի ունեցել, սակայն իրականում իմ գործունեությունը Գերմանիայի Հետ սկսվեց «Ավետարանական Եկեղեցու Հոգևոր առաքելություն» կազմակերպության Հետ գործունեությամբ: Ահա թե ինչու այսօր այստեղ մարդիկ կան, որոնք ինձ Հիշում են Լիբանանում գտնվելուս և աշխատելուս տարիներին:

Դուք նշեցիք, որ մենք Հինավուրց Եկեղեցի ենք, և Հիշատակեցիք մեր Եկեղեցու 1700-ամյա Հորելյանը: Այո, մենք Հինավուրց Եկեղեցի ենք, սակայն կարծում եմ, որ Արևելյան Եկեղեցիների պատկերացումները դեռևս պահպանվում են այդ Եկեղեցիների՝ Հնացած, արխայիկ լինելու իմաստով: Ահա դա է, ինչին ես փորձում եմ ընդդիմանալ: Այո, մեր Եկեղեցիները Հինավուրց են: Հայաստանում ուր էլ որ դնաս, կտեսնես եկեղեցի՝ կառուցված 4-րդ դարում, մեկ այլ եկեղեցի՝ կառուցված 7-րդ դարում, մեկ ուրիշը՝ 9-րդ, 10-րդ, կամ էլ 13-րդ դարերում: Դա ճշմարիտ է: Սակայն մարդիկ ապրող, կենդանի մարդիկ են, այլ ոչ թե մարդիկ, որոնք միայն Հիշում են անցյալի բոլոր ուրվականներին, այլ դիմագրավում են մարտահրավերներ: 70 տարիների մարտնչող աթեիզմը փորձել է արմատախիլ անել Եկեղեցու ներկայությունը մարդկանց Հասարակական կյանքի կառույցներին: Ի՞նչ կլինե՞ր Գերմանիայի Հետ, եթե 70 տարի շարունակ բոլոր եկեղեցիները փակված լինեին, չգործե՞ր Հոգևոր ճեմարանը, չգործեին աստվածաբանական ֆակուլտետները, եթե Հիսուսի անունը 70 տարի չՀիշատակվե՞ր մամուլում, եթե բոլոր Հոգևորականներին աքսորեին, կամ էլ բռնի կերպով արտաքսեին, կամ էլ ստիպեին թողնել քահանայական ծառայությունը: Ի՞նչ դուրս կգար դրանից, ինչի՞ կվերածվե՞ր այդ ժամանակվա սերունդը: Այժմ, երբ այցելում եմ Հայաստանի թեմերը, երբ որևէ նոր եկեղեցու Հիմնադրերն ենք դնում, կամ էլ երբ վերանորոգում ենք որևէ Հինավուրց եկեղեցի և մարդիկ ներկա են գտնվում արարողությունը, ես դիմում եմ մարդկանց և ասում. «Իսկ այժմ եկեք միասին արտասանենք Տերունական աղոթքը», և երբ կատարում եմ խաչի նշանը, ոչ ոք չի շարժում ձեռքը: Մարդիկ մոռացել են և չեն արտասանում Տերունական աղոթքի խոսքերը: Երեկ՝ կիրակի օրը, երբ ես Քյոլնի նորածն եկեղեցում մեր Հայ ժողովրդի Հետ էի, դիմեցի մարդկանց և առաջարկեցի միասին արտասանել Տերունական աղոթքը, բոլոր մարդիկ երգում էին, որովհետև նրանք դաստիարակվել են քրիստոնեական Հավատքի ոգով: Մինչդեռ Հայաստանում 70 տարի շարունակ անհնարին էր ծավալել որևէ տեսակի առաքելական աշխատանք եկեղեցու կյանքում: Եթե ցանկանայի մի Համառոտ ձևակերպում անել այստեղ, ապա Խորհրդային Միությունում Եկեղեցուն թույլատրվում էր գոյատևել որպես ներքին ուղղվածություն ունեցող, ինքնամոփոփ, ինքնապարփակ Եկեղեցի, միայն թե՛ կառավարության զգոն, հսկող Հայացքի ներքո, Հայտարարելու աշխարհին, որ իրենք էլ են Հարգում խղճի ազատությունը: Ձկար Առաքելական եկեղեցի, եկեղեցին բացակայում էր մարդկանց առօրյա կյանքում:

Հիշում եմ, երբ ես Մեծի Տանն Կիլիկիո Կաթողիկոսն էի, իմ ավագ եղբոր և իմ նախորդի՝ այժմ արդեն երջանկահիշատակ Վազգեն Ա-ի Հրավերով այցելելու էի Հայաստան, մի նամակ գրեցի նրան և Հայտնեցի, որ Հայաստանում գտնվելուս 8 օրերի ընթացքում կցանկանայի դնալ և այցելել

7-րդ դարի մի Հինավուրց վանք: Ժամանակին այդ վանքն ունեցել էր 500 միաբաններ, և այդ Հանգամանքն ինձ Համար պատմական և աստվածաբանական ներշնչման և ներմբռնման աղբյուր էր Հանդիսացել: Երբ ես Բեյրութից ժամանեցի Հայաստան, Սբ. Էջմիածին և Հանդիպեցի երջանակահիշատակ Վազգեն Ա-ին, նա ասաց. «ԱՀա 33 տարի է, ինչ ես Ամենայն Հայոց Վաթողիկոսն եմ, սակայն չեմ տեսել Հայաստանի այդ վանքը, չեմ այցելել իմ երկրի Հարավային մասը: Այժմ դու կմեկնես որպես Մեծի Տանն Կիլիկիո Կաթողիկոս, և ես էլ, որ դեռ չեմ տեսել այդ վանքը, որոշել եմ մեկնել քեզ Հետ»: Եվ երբ նա բարձրացավ ավերված վիճակում գտնվող այդ Հինավուրց վանքի խորանին, ասաց. «Իմ սիրեցյալ ժողովուրդ, առաջին անգամն է, որ ես տեսնում եմ ձեզ, դուք էլ՝ ինձ: ԱՀա արդեն 33 տարի է, ինչ ես ձեր Հոգևոր Հայրն եմ: Զգիտեմ արդյո՞ք ճիշտ եմ եղել, թե սխալ, թող Աստված դատավոր լինի, սակայն գիտեմ, որ եթե նախկինում երբևէ գայի, ապա ինձ թույլ չէին տա տեսնել ձեզ: Ես եկած կլինեի որպես զրոսաշրջիկ»:

Լինել Եկեղեցու առաջնորդ, որն այցելում է իր եկեղեցին որպես զրոսաշրջիկ: Ինչպիսի՞ ծաղրանք, Հեգնանք է այն իրավիճակը, որ ես փորձում եմ նկարագրել:

Այսօր այլևս չեմ ուզում խոսել անցյալի մասին: Հայաստանում ես Հաճախ եմ դիմում այն մարդկանց, ովքեր ասում են. «Մի մեղադրեք մեզ: Դուք չեք պատկերացնում, թե ինչպես ենք մենք ապրել 70 տարի այդ աթեիստական իրավիճակի ներքո»: Ես ասում եմ. «Մի խոսեք շարունակ այդ 70 տարվա մասին: Հիմա նայեք ձեր ներկային և ապագային, որովհետև անցյալը պարսավելը նշանակություն չունի: Կա մի Հայտնի ասույթ, որը ես Համոզված եմ, որ բոլորդ էլ գիտեք. «Ավելի լավ է մի մոմ վառել, քան թե նզովիլ խավարը»: ԱՀա թե ինչ պետք է դուք անեք: Ավելի լավ է վառենք մոմը, քան թե խոսենք անցյալ դժբախտությունների մասին, որոնց բովով անցել ենք:

Մեկ այլ թեմա, որի շուրջ ես կուզենայի այսօր խոսել, Հայի պատկերն է:

Բարեկամներ, եղբայրներ, քույրեր, Հայի պատկերը փոխվել է: Փառք Աստծուն, մենք այլևս Հալածված, կոտորածի, ջարդի, սպանդի ենթարկված, տառապած, սովի մատնված ազգ չենք: Դա փախստականների պատկերն է: Առաջնություն տալը մակերեսային արժեքներին Հենց այն է, ինչն աղավաղում է այդ պատկերը: Դուք ինքներդ էլ այս երկրում տառապել եք ծայրահեղ աշխարհականությունից: ԱՀա թե ինչու մենք պետք է փոխենք այս մթնոլորտը առողջ մթնոլորտով: Դա է իմ վճռական տեսակետը: Չեմ ուզում ավելի երկար խոսել, սակայն կկամենայի ասել ևս մի բան:

Մենք կբավարարվենք այն ամենով, ինչ մեզ տվել է Աստված ընդունակությունների, կարողությունների, ժամանակի, էներգիայի, ուժի, կորովի եռանդի և նյութական միջոցների ձեռով, սակայն Եկեղեցին ոտքի է կանգնում Համարյա թե ոչինչ չունենալով: Ինչու՞ եմ ես սա ասում: Որովհետև այն ամենն, ինչը ունեցել է Եկեղեցին որպես սեփականություն, խլվել, բռնազրավվել է խորհրդային պետության կողմից: Եկեղեցու Հոգևոր կենտրոն Սբ. Էջմիածինը չունի որևէ տեսակի սեփականություն, կամ էլ եկամտի աղբյուրներ: Ամեն ինչ խլված էր: Այժմ նոր կառավարությունը Հետ է վերադարձնում մեր եկեղեցիները, սակայն ի՞նչ անել այդ եկեղեցիների Հետ, որոնք գտնվում են ավերված վիճակում:

Դուք պատմեցիք ձեր այցելության մասին Արևելյան Թուրքիա, որտեղ

տեսաք այդ Հինավուրց եկեղեցիներն ավերված վիճակում: Հայաստանի եկեղեցիները, Հինավուրց եկեղեցիները դեռևս այնքան ավերված վիճակում չեն, որքան Թուրքիայի եկեղեցիները, սակայն դրանք անմխիթար վիճակում են, անուշադրության մատնված, ամայացած: Պետությունը պահպանում էր դրանք որպես ազգային հուշարձաններ, սակայն դրանք պետք է վերածվեն գործունե եկեղեցիների: Եկեղեցիների վերանորոգում, նոր եկեղեցիների կառուցում նոր քաղաքներում, որոնք կառուցվել են խորհրդային տարիներին Հետո, և որտեղ չկան Հինավուրց եկեղեցիներ, ինչպես նաև նոր հազարավորների առաջում գյուղական վայրեր, որպեսզի մարդիկ զգան եկեղեցու լուսի առկայությունը: Ահա թե ինչն է մեր այսօրվա խնդիրը:

Մեր եկեղեցին էկումենիկ ընտանիքից բացի Համերաշխության, Համախմբվածության, միասնության այլ աղբյուր չունի: Մենք չունենք Վատիկան, և չենք էլ ուզում ունենալ: Մենք չունենք էմիսիոն խորհուրդ, ինչպես որոշ Բողոքական եկեղեցիներ Միջին Արևելքում ունեն հովանավոր էմիսիոն խորհուրդներ, կամ էլ ինչպես Ամերիկայի էմիսիոն խորհուրդները, որոնք ես շատ լավ գիտեմ: Այն ամենն, ինչ մենք ունենք, այս էկումենիկ ընկերակցությունը, եղբայրությունն է, երբ տարբեր եկեղեցիներ ներկայացնող մարդիկ կարող են իրենց վրա պարտավորություններ վերցնել Հանուն Համերաշխության, միասնության: Ահա թե որտեղ է, որ ես պետք է իմ ժողովրդին Հագորդեմ այն զգացումը, որ աշխարհում մեր եղբայրներն ու քույրերն այսօր մտահոգված են մեզանով, մեր քրիստոնեական Հավատքով աշխարհի այդ մասում: Պարզապես պատկերացրեք, թե որտեղ է Կովկասը, որտեղ է Հայաստանը: Այն ձեր կողմից Արևելյան եվրոպա անվանվող աշխարհամասի Համարյա թե ծայրին է, մեր եկեղեցին սահմանային եկեղեցի է: Հայաստանից անդին իրանն է, Ալգերիան, ու նաև մյուս երկրները, որոնք քրիստոնեական չեն: Երկու երկրներ կան, որոնք պահպանել են իրենց քրիստոնեական ինքնությունը: Դրանք Հայաստանը և Վրաստանն են: Փոքր Ասիան դուք լավ գիտեք, այժմ այն կոչվում է Արևելյան Թուրքիա: Դուք տեղյակ եք, թե ինչ կատարվեց նաև Միջին Ասիայում, Եգիպտոսում, որը քրիստոնեական երկիր էր: Ես ժամանել եմ Հենց Եգիպտոսից, անցյալ շաբաթ ես այնտեղ էի և կկամենայի ձեզ ցույց տալ այն տեքստը, որ մենք իմ Ի Բրիտոս եղբոր՝ Ղպտի Ուղղափառ եկեղեցու առաջնորդ Շրնուդա Գ Պատրիարքի Հետ միասին ստորագրեցինք: Ես Հանդիպեցի նաև մուսուլմանների գլխավոր հոգեւոր կենտրոն Ալ-Ազհարի առաջնորդ Շեյխ Թանթաուհի Հետ, Եգիպտոսի նախագահ Մուբարաքի Հետ, արտգործնախարար Մուսայի Հետ: Կուզենայի, որ դուք այնտեղ գտնվեիք և լսեիք, թե ինչպիսի մեծ ուշադրություն էին նրանք դարձնում Ղպտի եկեղեցուն, կամ էլ Հայ եկեղեցուն Եգիպտոսում: Եվ ես կրկնում եմ այն, ինչ ասացի այն ժամանակ, թե՝ փոքրամասնությունը չպետք է հասկանալ զուտ թվական առումով, այլ ըստ այդ քրիստոնեական փոքրամասնությունների ավանդի, ներդրման Միջին Արևելքի երկրներում: Նայեցեք, թե ինչ էին իրանը, Իրաքը, Սիրիան և այլ երկրներ: Իսկ այդ երկու կղզիները՝ Հայաստանը և Վրաստանը, մնացին քրիստոնեական, երկրներ և այսօր էլ կամենում են վերստին դառնալ այն, ինչ եղել են սկսած առաջին դարից: Ուստի, այժմ միմյանց նկատմամբ էկումենիկ պարտավորությունների ստանձնման ժամանակն է:

Խնդրում եմ ձեզ դալ և այցելել մեր երկիրը, որպեսզի ես կարողանամ ասել իմ ժողովրդին, որ մեզ չեն մոռացել մեր վերածննդի, վերանորոգության

օրերին: Եթե մեզ մոռացել էին մեր փորձության ժամին, ապա չեն մոռացել այսօր մեր ինքնաճանաչման, ինքնաՀաստատման ժամին: Համաշխարհային պատմության մեջ և իմ կյանքում ինձ Համար ամենաերջանիկ օրն այն օրն էր, երբ ես տեսա Հայաստանի անունը՝ փորագրված Միացյալ Ազգերի Կազմակերպության շենքում, Նյու Յորքում, իսկ մեր Եռագույն դրոշմը՝ այլ ազգերի դրոշների կողքին: Այս ամենը ես իզուր կՀամարեի, եթե ազգի ինքնությունը չարտահայտվեր անկախ պետականությամբ:

Դուք նույնպես Գերմանիայում թևակոխել եք նոր ուղի Արևմտյան և Արևելյան Գերմանիաների միավորմամբ: Դուք էլ ունեք ձեր պրոպեմենտը և կՀասկանաք մեզ ավելի լավ, քան այլ քրիստոնյա ազգեր Եվրոպայում: Ինչու: Որովհետև դուք, ձեր ժողովրդի մի մասը կյանքի այդ փորձն ունի՝ լինել Եվրոպական մի երկիր, որտեղ խղճի ազատությունը չէր ճանաչվում պետության կողմից շուրջ 40 տարի, եթե չեմ սխալվում: Սակայն մենք ավելի երկար ենք տառապել այդ Հեռավոր մասում՝ Կովկասում, Հեռու Եվրոպայի աչքից: Արևելյան Գերմանիան, որտեղ ես այցելել եմ այն ժամանակ, երբ այն դեռևս Արևելյան Գերմանիա էր, այլևս գոյություն չունի: Ես եղել եմ Բաթլարոուում, Դրեզդենում, շփման մեջ եղել Եսլիսկոպոս Հենքելի և շատ այլ մարդկանց հետ՝ Արևելյան Գերմանիայից: Հիշում եմ, վերադառնալով Բաթլարոուից և ժամանելով Բեռլին, Արևմտյան Գերմանիայում Հանդիպեցի Եսլիսկոպոս Շարին, ու նա Հարցրեց. «Ինչպե՞ս են իմ եղբայրակիցներն Արևելյան Գերմանիայում»:

Ես կկամենայի ամփոփել խոսքս այս էկումենիկ ընտանիքին ասելով Հետևյալը: Եկեք մի նոր էջ բացենք Հայաստանի և «Ավետարանական Եկեղեցու Հոգևոր առաքելություն» կազմակերպության միջև էկումենիկ Հարաբերությունների պատմության մեջ:

Շնորհակալություն ուշադրության Համար:

Եթե Հարցեր կան, ապա ցանկացած ժամանակ ես պարզ, շիտակ և անկեղծ կլինեմ քննարկումների, զրույցների ընթացքում, և մենք միմյանցից ավելին կսովորենք, որպեսզի կարողանանք ապրել ճշմարտությամբ, գործել ճշմարտությամբ և Հանուն ճշմարտության»:

«Ավետարանական Եկեղեցու հոգևոր առաքելություն» կապմակերպության վարչության հետ շուրջ մեկժամյա աշխատանքային հանդիպման ընթացքում Վեհափառ Հայրապետը շնորհակալություն հայտնեց անցյալ տարիներին Հայաստանայայց Եկեղեցուն ցուցաբերած մեծ օժանդակության համար, ապա կապմակերպությանը ներկայացրեց խնամքով մշակված մի ծրագիր՝ մեկ առ մեկ թվարկելով այն կետերը, որոնց իրականացումն անհետաձգելի պահանջմունք է Ամենայն Հայոց Կաթողիկոսության նոր առաքելության պարզացման ճանապարհին: Ակնկալված օժանդակությունը կնպաստի Հայաստանայայց Եկեղեցու հոգևոր-մշակութային, դաստիարակչական և տպագրական գործունեության պարզացմանը:

Վարչության անդամները խոստացան ուսումնասիրել ներկայացված առաջարկները և աստար կանգնել Նորին Սուրբ Օծությանը:

Վերջում Եսլիսկոպոսուհի Մարիա Եփեսնը և Հայոց Հայրապետը փոխանակեցին հուշանվերներ:

**ՓԱՌԱԲԱՆԱԿԱՆ ԱՂՈԹՔ ՍՈՒՐԲ
ԵՐՐՈՐԴՈՒԹՅՈՒՆ ՄԱՅՐ ՏԱՃԱՐՈՒՄ**

Նույն օրը, երեկոյան ժամը 17.30-ին, Նորին Սրբությանն իր շքախմբի հետ հյուրընկալեց Գերմանիայի Հույն Ուղղափառ Եկեղեցու Բոննի միտրոպոլիտ Օգոստինոսը:

Դիմավորելով Նորին Սրբությանը, Օգոստինոս միտրոպոլիտը բարձրաստիճան հյուրերին առաջնորդեց դեպի Հույն Ուղղափառ Եկեղեցու Սուրբ Երրորդություն Մայր Տաճար, ուր հայերենով կատարվեց փառաբանական միասնական աղոթք: Արարողությանը մասնակցեցին քույր Եկեղեցիների բարձրաստիճան հոգևորականները, հավատացյալ ժողովուրդը, ինչպես նաև Քյոլնի հայ համայնքի «Կոմիտաս» երգչախումբը:

Հավարտ էկումենիկ աղոթքի, ներկաներին իր շնորհակալությունն ու երախտիքը հայտնեց Գերմանիայի հայոց թեմի առաջնորդ գերաշնորհ Տ. Գարեգին եպս. Բեզյանը՝ միաժամանակ ողջունելով նաև Ամենայն Հայոց Հայրապետին:

«Վեհափառ Տէր,

Գերաշնորհ Սրբազան Հայրեր,

Հոգեշնորհ եւ Արժանապատիւ Հայրեր,

Թարգարթան Հիւրեր եւ ներկաներ..

Այսօր ինքզինքս բախտաւոր կը զգամ Գերմանիոյ Աւետարանական եւ Կաթողիկէ մեծ Եկեղեցիներէն ետք՝ ուղղափառ մեր եղբայրներու մէջ գտնուելով: Ուրախ եմ ողջունելու Հայ Եկեղեցւոյ Պետն ու Ամենայն Հայոց Հայրապետը յունական այս Հոյակապ տաճարին մէջ: Մենք ասկէ աւելի մեծ ուրախութիւն մը չէինք կրնար վայելել: Սուրբ Դիրքը այսպէս կը ընտրուէ՝ քրիստոնեայ եղբայրներու միասնութիւնը վերնատան մէջ, երբ կ'ըսէ. «անոնք միասին էին» (ԳՈՐԾՔ. Բ Ա):

Վեհափառ Տէր, այսօր եթէ մենք կարողացանք այս Սուրբ Եկեղեցւոյ մէջ միասին ըլլալ ու միասին աղօթել, զայն կը պարտինք նախ Աստուծոյ, որ ստեղծեց Գերմանիա Ձեր այցելութեան առիթը: Այս պատճառով քիչ առաջ փառաբանեցինք զԱստուած եւ մեր աղօթքներով յայտնեցինք մեր շնորհակալութիւնը եւ խնդրեցինք, որ Տէրը անպակաս ընէ իր Հովա՝ հն բոլոր մեր եղբայրներուն, ինչպէս նաեւ աշխարհի մարդկութեան վրայէն, ամբապնդելով անոնց սրտին մէջ ճշմարիտ սէրն ու եղբայրութիւնը:

Մեր շնորհակալութիւնը կ'երթայ նաեւ Աւետարանական եւ Կաթողիկէ Եկեղեցիներու պետերուն ու կեդրոններուն, որոնք Գերմանիոյ մէջ առաջին օրէն մեր Եկեղեցւոյ առջեւ լայն բացին իրենց դռները՝ երկարելով իրենց եղբայրական ձեռքը եւ Ձերդ Սրբութեան Հովուապետական այս այցելութեան առթիւ ջանք չխնայեցին զայն լաւագոյնս կազմակերպելու:

Իսկ Հիացումով միայն կրնամ արտայայտուիլ Գերմանիոյ Յոյն Ուղղափառ Եկեղեցւոյ Պետին՝ Օգոստինոս Միթրոփոլիթին՝ իմ մեծ եղբոր մասին, որ աղօթքի այս պահը իր Մայր Եկեղեցւոյ մէջ, իրականացնելու առաջարկէն անդին, մեր Եկեղեցւոյ նկատմամբ կը ներկայացնէ մեծ եղբոր մը Հանգամանքը եւ մշտական օրինակ կը Հանդիսանայ մեզի թէ՛ իր տարած միջեկեղեցական աշխոյժ ջանքերով եւ թէ՛ իր Հովուական բոլոր աշխատանքներով: Այս առթիւ Գերմանիոյ մեր թեմի անունով կու գամ խորին շնորհակալութիւններ յայտնել բարձրաշնորհ Օգոստինոս մեր

Սրբազան եղբոր՝ իր ցուցաբերած բարեացակամ վերաբերմունքին համար եւ մաղթել իրեն առողջութիւն և երկար կեանք, մանաւանդ երբ ի մօտոյ մեծ հանդիսութեամբ պիտի նշուի նաեւ իր ծննդեան 60-ամեակը եւ իր նպիսկուպոսութեան 25-ամեակը:

Սրտանց շնորհակալութիւններ:

Ահաւասիկ, Վեհափառ Տէր, կը գտնուիք այսպիսի եղբոր մը կամ եղբայրներու տան մէջ, որոնք չըրկապատած են Ձեզ սա պահուն եւ եկած՝ լսելու Ձեր պատգամը եւ ստանալու Ձեր օրհնութիւնը:

Մինչ այդ թոյլ տուէք որ հրաւիրեմ Օգոստինոս Սրբազանը, որպէսզի Ձերդ Սրբութեան բարի գալստեան եւ ողջոյնի իր խօսքը արտասանէ»:

Գարեգին Սրբապանից հետո, իր ողջոյնի խոսքը Գարեգին Ա Աստուծոյն հետ և բոլոր ներկայներին հղեց Օգոստինոս միտրոպոլիտը.

«Հայոց վիշտը անհուն մի ծով,

հնաւոր մի ծով ահագին»:

Հովհաննես Թումանյանի վերոհիշյալ խօսքերով եւ ողջունում Ձերդ Սրբութեանը և Ձեր շքախմբին՝ Գերմանիայի Հուլյն Ուղղափառ Առաջնորդանիստ Մայր եկեղեցում, որ Սուրբ Երրորդութիւնն է կոչվում: Ինձ համար մեծ պատիվ է նաեւ այս առիթով փոխանցել Ձեզ Կոստանդնուպոլսո Տիեզերական Պատրիարք Նորին Սրբութիւնն Բարդուղիմէոս Ա-ի ողջունները, ում իշխանութեան տակ է գտնվում մեր Առաջնորդութիւնը:

Մենք Ձեզ ողջունում ենք ճշմարիտ ակնածանքով և խոնարհվում ենք Հայ մեծ ժողովրդի տառապանքի առջև, որ նա ապրեց այս դարի ընթացքում՝ Հայածանք ու ցեղասպանութիւն, գաղթ և աքսորներ...: Ձեր ժողովրդի ապրածը տառապանքի մի ճշմարիտ ծով է: Մեզ ծանոթ են այս բոլորը և մեծագույն հարգանք ունենք Ձեր անսասան Հովատքի նկատմամբ:

Ինչպես գիտեք, այս երկրում բնակվող Հուլյն ժողովրդի պատմութիւնը ևս ունեցել է գերութեան ու տառապանքի փորձութիւններ: Հայկազարար այստեղից է բխում մեր Համակրանքն ու Հիացումը Ձեր ժողովրդի և նրա Հովատքի նկատմամբ:

Գերմանիայում այսօր յիսակվում են կես միլիոնից ավելի քրիստոնյաներ, որոնց մեծամասնութիւնը Տիեզերական Պատրիարքութեանը պատկանող մեր Առաջնորդութեան իշխանութեան տակ է գտնվում: Նրանք այստեղ են եկել որպէս փախստականներ, կամ, այսպէս ասած, որպէս բանվորներ, և Գերմանիան այսօր դարձել է նրանց երկրորդ Հայրենիքը: Իրենց Եկեղեցին, այսինքն՝ Ուղղափառ Եկեղեցին, որ այս երկրի երկու մեծ Եկեղեցիների կողքին երրորդն է իր մեծութեամբ, մասամբ համարվում է տեղական Եկեղեցիներից մէկը: Գերմանիայի բոլոր նահանգների դպրոցներում քրիստոնեական դասընթացների մաս է կազմում ուղղափառների կրօնը: Սյունիսենում և Սյունիսթերում գործում են ուղղափառների աստվածաբանական ֆակուլտետներ, որոնք ստանձնել են ապագա եկեղեցականների պատրաստութիւնը: Առաջնորդութիւնը ներկայացված է միջեկեղեցական բոլոր կառույցներում և բոլոր մակարդակներում տանում է դրական աշխատանքներ:

Հիշյալ կառույցների շրջանակներում է, որ մենք հանդիպումներ ենք ունենում Ձեր Եկեղեցու աչքի ընկնող ու նշանավոր ներկայացուցիչների հետ, մասնավորաբար 1992-ին Հայ Առաքելական Եկեղեցու Գերմանիայի Հայոց Թեմի կազմավորվելուց հետո, Հոգ չէ, որ Թեմաբանակով փոքր է,

սակայն բաղդատական ընթացքի մեջ է և փորձում է իր տեղը գտնել գերմանական եկեղեցական ու ընկերային իրականությունում: Հանձին Գարեգին եպիսկոպոսի, որ Ձեր եկեղեցու առաջնորդն է Գերմանիայում և ընտելվում է Հարևան Քյոլն քաղաքում, Հուլյն Ուղղափառ եկեղեցու Առաջնորդությունը գտել է ճշմարիտ մի գործակից և վստահելի բարեկամ: Նաև իրեն ենք հայտնում մեր ողջույնն ու շնորհավորանքը՝ անցնող տարիներին ընթացքում միջեկեղեցական բնագավառում Հայ եկեղեցու տարած աշխատանքների համար:

Իսկ Հանձին Ձեզ, Գերմանիայի ուղղափառ քրիստոնյաները ողջունում են ոչ միայն Սուրբ Էջմիածնի եկեղեցու պետին և Ամենայն Հայոց Կաթողիկոսին, այլ նաև միջեկեղեցական մոտեցման և փոխմթնոնման առաջամարտիկին:

Երբ Մեծի Տանն Կիլիկիո Կաթողիկոսն էիք, Միլլին Արևելքի Միջեկեղեցական հորհրդի չըջագծից ներս Դուք տվեցիք Ձեր եկեղեցու և ժողովրդի բարեկամական և խաղաղարար դրսևորման մեծագույն վկայությունը: Որպես Ամենայն Հայոց Կաթողիկոս, Սուրբ Էջմիածնում ևս շարունակում եք Ձեր այս ըմբռնումը ճիշտ այնպիսի մի ժամանակաշրջանում, երբ Ձեր երկիրը դարձյալ գտնվում էր պատերազմի ու տնտեսական չըջափակման մեջ, քաղցածության և աղքատության սպառնալիքների ներքո: Ողջ աշխարհի ուղղափառ քրիստոնյաները Ձեր ընտրությանը, ինչպես նաև այս առաջընթացներին մեծ ուշադրությամբ ու բարեխոսական աղոթքներով հետևեցին: Անցյալ տարի Տիեզերական Պատրիարք Բարդուղիմեոս Ա-ն առիթ ունեցավ այցելել Ձեր երկիրը և այս առիթով փոխանցեց բոլորիս ուրախությունը Ձեր ժողովրդին, նաև բարեմաղթանքները՝ ժողովրդավարական ճանապարհին Հայաստանի վերստին չահած ազատության համար:

Աստված օրհնի Ձեր երկիրը Սուրբ Հովհաննես Ոսկեբերանի բարեխոսությամբ, ինչպես նաև բարեխոսությամբ Հայաստանյայց եկեղեցու մեծ Հայրապետի՝ Սուրբ Գրիգոր Լուսավորչի, ում մեր եկեղեցին այսօր ևս մեծարում է ըստ արժանվույն, :

Աստված օրհնի Ձեր եկեղեցին,

Աստված օրհնի Ձեր այցելությունը ի Գերմանիա, բարի գալուստ»:

Հավարտ Օգոստինոս Սրբապանի խոսքի, Հուլյն Ուղղափառ Միտրոպոլիտության Մայր Տաճարում ներկաներին իր հայրապետական ուղերձը հղեց Գարեգին Ա Ամենայն Հայոց Կաթողիկոսը՝ ի մասնավորի նշելով.

«Ձերդ Սրբազնություն,

Գերաշնորհ Սրբազան Հայրեր,

Հոգեշնորհ և Արժանապատիւ Հայրեր,

Յարգարժան ու մեծապատիւ ներկաներ,

Սրտի խոր գոհունակութեամբ և քրիստոնեական եղբայրական սիրոյ զգացումներով է լեցուած մեր սիրտը այս պահուն, երբ կը գտնուինք այս սուրբ յարկին տակ Ձեզի և Ձեր Հոգեւորականներու դասին հետ միասին աղօթքի սրբարար մթնոլորտին մէջ: Այստեղ մենք մեզ կը զգանք մեր հարազատ տան մէջ: Այստեղ անգամ մը եւս կը վերապրենք այն Հոգեկան միութիւնը, որ կը բխի մեր քրիստոնեական հաւատքէն, մեր հասարակաց Տիրոջմէն՝ Յիսուսէ Քրիստոսէ և մեր ուղղափառ սուրբ Հայրերու դարաւոր աւանդութենէն:

Առաջին հերթին պարտք կը զգանք մեր եղբայրական ամենաջերմ զգացումները փոխանցել Ձեր մէջէն Կոստանդնուպոլսոյ Տիեզերական Պատրիարքին՝ Նորին Սրբութիւն Բարթողիմէոս Ա Պատրիարքին, որուն հետ մեր երկար տարիներու անձնական սերտ բարեկամութիւնը կը նկատենք հոգեկան զօրութեան և զօրակցութեան աղբիւր:

Մենք անմոռանալի քաղցրութեամբ կը յիշենք մեր այցելութիւնը ի Կոստանդնուպոլիս եւ Նորին Սրբութեան՝ Տիեզերական Պատրիարքին պատմական աննախընթաց այցելութիւնը ի Հայաստան եւ ի Սուրբ Էջմիածին: Ամէն տեղ, ուր այցելած ենք մենք, որպէս Հովուապետ Հայաստանեայց Եկեղեցւոյ, աշխարհի չորս ծագերուն միշտ սերտ կապեր ենք հաստատած Յոյն Ուղղափառ Եկեղեցիներուն, անոնց պետերուն եւ ներկայացուցիչներուն հետ: Մեր ջերմ փափաքն է, որ թեմերու եւ ծխական եկեղեցիներուն տեղական մակարդակներու վրայ յառաջ գնան այդ փոխադարձ յարաբերութիւնները, որոնք ցանկալի են եւ հաճելի առ Աստուած եւ այնքան կենսական մեր քրիստոնէական առաքելութեան համար, մանաւանդ 20-րդ դարու վերջին հանգրուանին, երբ կը հասնինք Քրիստոսի ծննդեան 2000-րդ տարեդարձին:

Մենք ուրախ ենք, որ այստեղ, Գերմանիոյ մէջ, այդ յարաբերութիւնները օրինակելի եղբայրական ոգիով կը մշակուին Ձեր եւ մեր Հայոց Առաջնորդ՝ Գերաշնորհ Տ. Գարեգին եպս. Պեճեանին եւ թեմական եկեղեցիներուն միջեւ:

Այսօր, հազար փառք Աստուծոյ, որ Հայոց երկիրը, ժողովուրդը եւ եկեղեցին 1915-ի ճեղասպանութենէն ետք, դարուս վերջաւորութեան վերագտան իրենց ազատութիւնն ու անկախութիւնը իրենց Մայր Հայրենիքին՝ Հայաստանի մէջ: Մենք կ'ուզանք Ձեզի ոչ այն երկիրէն, ժողովուրդէն եւ եկեղեցիէն, որ միայն տառապանք ու ջարդ է տեսած, այլ այսօր կը վայելէ յարութեան, վերածննդեան նոր շրջանը:

Յոյն եւ Հայ եկեղեցիները յաճախ պատմութեան մէջ դէմ յանդիման գտնուած են նոյնատեսակ կացութեանց եւ եղած են մէկ. այսօր պէտք է ըլլան միասնական եւ զօրակից իրարու ազատութեան եւ անկախութեան այս շրջանին, վերաշինութեան, վերանորոգութեան, վերականգնումի այս օրերուն:

Ներկայ դարը կը պահանջէ բոլոր քրիստոնէական եկեղեցիներէն համագործակցութիւն: Էջիւմնիք շարժումը անհրաժեշտ գործիք մըն է, որ մեծ բարիքի կը վերածուի, երբ բոլոր քրիստոնեաներս, յատկապէս Արեւելեան Ուղղափառ Եկեղեցիներս կարենանք ցոյց տալ գործնապէս մեր հաւատքի միութիւնը, որովհետեւ «զօրութիւնը միութեան մէջ է», ինչպէս կ'ըսէ Հայկական առածը:

Ձեզի եւ Գերմանիոյ Յոյն Ուղղափառ բազմահազար հաւատացեալներուն կը մաղթենք մշտատեւ եւ յարաճուն բարիքներ, նորանոր նուաճումներ հոգեւոր ծառայութեան համար ի փառս Աստուծոյ եւ ի բարին մարդկութեան, Գերմանիոյ եւ Քրիստոսի Սուրբ Եկեղեցիին»:

Հետփառաբանական աղոթքի, ի պատիւ Սմենայն Հայոց Գարեգին Ա Կաթողիկոսի, տրվեց սիրո ճաշ, որին մասնակցեցին էկումենիկ աղոթքին ներկա բոլոր քույր եկեղեցիների բարձրաստիճան ներկայացուցիչները, ինչպէս նաև Գերմանիայի հայոց Սոաքնորդարանի հոգևորականները:

Վերջում Նորին Սուրբ Օծուրթունք քույր Եկեղեցիների ներկայացուցիչների հետ ունեցավ մտերմիկ զրույցներ:

ՎԵՆԱԹԱՌ ՀԱՅՐԱՊԵՏԻ ՀԱՐՑԱԶՐՈՒՅՑԸ ԱՎԵՏԱՐԱՆԱԿԱՆ ՄԱՄԼՈ ՍԱՌԱՅՈՒԹՅԱՆ ԱՇԽԱՏԱԿՑԻ ՀԵՏ

Նույն օրը, հունվարի 28-ին, Ն.Ս.Օ.Տ.Տ. Գարեգին Ա Ամենայն Հայոց Կաթողիկոսը հարցապրույց տվեց Ավետարանական մամլո ծառայության աշխատակցին՝ Ֆրանկ Կյուրշներ-Բելքմանին, «Ավետարանական առաքելության Հաստատությունը (Evangelische Missionswerk) 1998-ի մամուլի հաղորդմեր» խորագրի շրջանակներում:

Մամլո ծառայության աշխատակիցը այն վերնագրել էր այսպես՝ «Հայաստանը քարոզչության դաշտ չէ»: Ստորև ներկայացնում ենք հարցապրույցն ամբողջությամբ՝ իր փոքրիկ բացատրականով հանդերձ.

ԱՎԵՏԱՐԱՆԱԿԱՆ ԱՌԱՔԵԼՈՒԹՅԱՆ ՀԱՍՏԱՏՈՒԹՅՈՒՆԸ 1998-Ի ՄԱՄՈՒԼԻ ՀԱՅԵԼՈՒ ՄԵԸ

«ՀԱՍՏԱՏԱՆԸ ՔԱՐՈԶՉՈՒԹՅԱՆ ԴԱՇՏ ԾԷ»

Հայ Առաքելական եկեղեցու Հոգևոր պետ Նորին Սրբություն Գարեգին Ա Կաթողիկոսը Հունվարի վերջերին և փետրվարի սկզբներին այցելեց Գերմանիա՝ խորացնելու միջեկեղեցական հարաբերությունները Գերմանական եկեղեցիների հետ: Հայաստանում Հայ եկեղեցին ունի շուրջ 3,5 միլիոն, Սփյուռքում՝ շուրջ 4 միլիոն անգամներ: Գերմանիայում ապրում են մոտ 40 հազար Հայեր, որոնց գերակշիռ մեծամասնությունը քրիստոնյաներ են: Քրիստոնեությունը 301 թվականին Հայաստանում ճանաչվել է պետական կրոն և Հետևաբար, Հայաստանյայց եկեղեցին պատկանում է աշխարհի Հնագույն, բայց կանգուն եկեղեցիների թվին:

Գարեգին Ա Կաթողիկոսն ընտրվել է 1995-ի ապրիլին՝ որպես Ամենայն Հայոց Կաթողիկոս: Մինչ այդ, նա Կաթողիկոս էր Լիբանանում: Նա աշխատակցել է բազմաթիվ միջեկեղեցական համաժողովների հետ, եղել է ԵՂՈ-ի փոխնախագահ, անցյալ տարի Գրացում ուղեցուցիչ մի ելույթով կատարեց Միջեկեղեցական համաժողովի բացումը:

ՀԱՐՑ.- Ի՞նչ նախընտրություններ ունեք Դուք՝ Հայաստանի ներսում եկեղեցու վերակառուցման համար. Ձեր երկրում անկախության վերատիրացումից հետո:

ՊԱՏԱՍԽԱՆ.- Մեր առաջին նախընտրությունը մեր եկեղեցին նոր սպասավորներով օժտելն է՝ թե՛ Հոգևորական և թե՛ աշխարհիկ, կին, թե տղամարդ: Նրանք պետք է Ավետարանի ավետիսը տարածեն մարդկանց մեջ իրենց ամենօրյա կյանքի ընդմեջեն: Տեսական ու ընդհանուր քարոզները մարդկանց չեն հասնում: Մենք պետք է քարոզի և ուսուցման նոր ձևեր զարգացնենք, որոնց միջոցով քրիստոնեական հավատքը կթափանցի մարդկանց կյանքի մեջ:

ՀԱՐՑ.- Ինչպիսի՞ մարտահրավերների առջև է կանգնած Հասարակությունը Հայաստանում և, Հետևաբար, նաև եկեղեցին:

ՊԱՏԱՍԽԱՆ.- Հասարակության մեջ եկեղեցական հարցերի նկատմամբ մի տեսակ անտրամադրվածություն և անտարբերություն է նկատվում, որովհետև 70 տարի շարունակ եկեղեցական դաստիարակություն չեն ստացել: Միաժամանակ, սակայն, շատ մարդիկ փնտրում են Հոգևոր խոր արժեքները: Եթե եկեղեցին այս Հոգևոր փնտրտուքի պատասխանը չգտնի այսօր, ապա դրա տեղը կարող է զբաղեցնել որևէ աշխարհիկ մշակույթ, որը

և կիշխի մարդկանց պատկերացումներին ու կյանքին: Սա ի գործու է հատկապես նոր սերնդի համար: Մենք պետք է թույլ չտանք, որ կյանքը պարապոթյան վերածվի, այլ այն պետք է լցնել քրիստոնեական հավատքով:

ՀԱՐՑ.- Արևմուտքում կան եկեղեցիներ և քարոզչական հաստատություններ, որոնք այն համոզմունքն ունեն, թե իրենք Հայաստանում քարոզչական պարտավորություն ունեն: Ինչպե՞ս եք դուք հակազդում քարոզչական նման նախաձեռնություններին:

ՊԱՏԱՍԽԱՆ.- Ես չեմ կարող ողջունել ծայրահեղ եկեղեցիների ավետարանական այսպիսի նախաձեռնությունները, որովհետև մեր Տեր Հիսուս Քրիստոսի կողմից մեզ ուսուցանված առաքելության գաղափարն այն է, որ մենք գնանք Ավետարանը քարոզելու նրանց, ովքեր քրիստոնյա չեն: Մատթեոսի Ավետարանի 28-րդ գլխի վերջին համարներում ասվում է, որ առաքյալները պարտավոր են գնալ նրանց մոտ, ովքեր Ավետարանը դեռ չեն լսել: Քրիստոս երբեք չի ասել, որ մենք պետք է քրիստոնյային տարահամոզենք՝ իր դավանանքից մի ուրիշ դավանանքի անցնել:

Արևելյան եվրոպան և ի մասնավորի Հայաստանը որպես քարոզչության դաշտ տեսնելը պատմական մի սխալ է: Մեզ համար շատ վերավորական է, երբ մարդիկ Հայաստան են գալիս՝ որպես քարոզչության շրջանի: Ես նրանցից ոմանց ասել եմ. Եթե դուք իրապես ուզում եք հեռանալ Հիսուսին, ապա գնացե՛ք ուրիշ երկրներ, որովհետև քրիստոնեական հավատքը մեզ մոտ արմատավորված և տնավորված է: Եթե դուք ուզում եք մեր երկրներում գործանել քրիստոնեական հավատքը, ապա ոգնեցե՛ք տեղի եկեղեցուն, այլ ոչ թե գուգահեռ ու մրցակից կառուցվածքներ ստեղծեք:

ՀԱՐՑ.- Ձեր եկեղեցին հնազույններից մեկն է և ունի շատ հին Ավանդություն: Ի՞նչ իմաստ ունի այդ Ավանդությունը եկեղեցու համար ներկա Հայաստանում:

ՊԱՏԱՍԽԱՆ.- Մեր Ավանդությունը մեզ համար շատ արժեքավոր է, և մենք խնամքով ենք պահպանում այն: Այդ Ավանդությունը մեզ շարունակականության և հարատևության գիտակցությունն է տալիս և սա մեզ համար շատ կարևոր է: Այդ իսկ պատճառով մենք Ավանդությունը գրում ենք գլխագիր, բայց ոչ՝ ավանդությունները: Ավանդությունները կարող են փոխվել, բայց կենսարար ժառանգությունը, որը բխում է Քրիստոսից և մեզ է փոխանցվել առաքյալների ու եկեղեցական հայրերի կողմից, պետք է նոր կենդանություն ստանա: Սա ոչ միայն պետք է պահպանվի, այլ պետք է վերածվի գործի և նոր լեզվով բերվի ժամանակակից աշխարհ: Ներկա աշխարհը կարիք ունի հարատևության ու մնայուն արժեքների, և բոլոր արժեքները չէ, որ կարելի է հարմարեցնել կյանքի փոփոխական իրավիճակներին:

ԺԱՄԱՆՈՒՄ ՀԱՄԵ ՔԱՂԱՔ

Հունվարի 28-ին, չորեքշաբթի օրը, առավոտյան ժամը 7.30-ին, Գարեգին Ա Սմեճյան Հայոց Կաթողիկոսն իր շքախմբով մեկնեց Հալլե քաղաք, ուր դիմավորվեց տեղական իշխանությունների, քույր եկեղեցիների, ինչպես նաև հայկական համայնքի ներկայացուցիչների կողմից:

Ձերմ ընդունելությունից հետո Վեհափառ Հայրապետն առաջնորդվեց դեպի Հալլե-Վիտտենբերգի Մարտին Լյութեր համալսարան: Այստեղ

Նորին Սրբությանը դիմավորեցին համալսարանի աստվածաբանական ֆակուլտետի տնօրեն պրոֆեսոր Ուտո Շնեյլեն, Ուղղափառ Եկեղեցիների ամբիոնի և հայագիտական ինստիտուտի վարիչ հայագետ պրոֆեսոր Հերման Գոյցը, նույն ամբիոնի աշխատակից դոկտոր խաչիկ Գապերը, ինչպես նաև համալսարանի դասախոսական ու պրոֆեսորական կապը:

Ողջագուրանքներից հետո, համալսարանի ընդունարանում տնօրենը Ամենայն Հայոց Կաթողիկոսին ծանոթացրեց ներկաներին: Ջերմ ընդունելության ընթացքում ծավալվեց մտերմիկ պրույց, իսկ վերջում պրոֆեսոր Շնեյլեն, հանուն համալսարանի տնօրինության, ձեռագրեր և գրքեր նվիրեց Վեհափառ Հայրապետին:

ԳՐԵԳՐԻ Ա ԿԱԹՈՂԻԿՈՍԻՆ ԵՆՈՐՀՎԵՑ

ՀԱՆՆԵՎԻՏՏԵՆԲԵՐԳԻ ՄԱՐՏԻՆ ԼՅՈՒԹԵՐ ՀԱՄԱԼՍԱՐԱՆԻ
ԱՍՏՎԱԾԱՐԱՆՈՒԹՅԱՆ ԴՈԿՏՈՐԻ ՊՏԱՎԱԿՈՐ ԿՈՉՈՒՄ

Քիչ ուշ, ժամը 11.00-ին, համալսարանի մեծ դահլիճում, քառամյա երգչախմբի գեղեցիկ ելույթով բացվեց օրվա հանդիսույթը, որին ներկա էին Վեհափառ Հայրապետը, Գերմանիայի հայոց թեմի առաջնորդ գերաշնորհ Տ. Գարեգին եպս. Բեգյանը, Լիոնի հայոց առաջնորդ գերաշնորհ Տ. Նորվան եպս. Չաքարյանը, Հյուսիսային Գերմանիայի հայոց հոգևոր հովիվ հոգեշնորհ Տ. Սերովբե վրդ. Իսախանյանը, հոգեշնորհ Տ. Արտակ արեղա Տիգրանյանը, հոգեշնորհ Տ. Աշոտ արեղա Մնացականյանը, արժանապատիվ Տ. Մյուռոն քին. Սարգիսյանը, Հալլե քաղաքի քաղաքապետ դոկտոր Կյաուս Ռաուենը, համալսարանի տնօրինությունը, դասախոսական կապը, պաշտոնատար այլ անձինք, աստվածաբանական ֆակուլտետի ուսանողներ, հյուրեր:

Բացման խոսքով հանդես եկավ համալսարանի տնօրեն պրոֆեսոր Ուտո Շնեյլեն՝ բարի գալուստ մաղթելով Վեհափառ Հայրապետին:

Նորին Սուրբ Օծության համառոտ կենսագրությունն ու հոգևոր ծառայությունը ներկայացրեց հայագետ պրոֆեսոր Հերման Գոյցը:

«Ձերդ Վեհափառ Պայծառություններ, Ձերդ Գերազանցություններ, Մեծարգո Ռեկտոր, Հարգարժան Դեկան, Հարգելի գործընկերուհիներ և գործընկերներ, ուսանողուհիներ և ուսանողներ, տիկնայք և պարոնայք և գլխավորապես

Վեհափառ Հայրապետ, Ձերդ Սուրբ Օծություն:

Այս Հայկական դիմելածեղ գերմաներենում կարելի է մոտավորապես հետևյալ կերպ արտահայտել.

„Eure Majestät Herr Patriarch, Eure Heiligkeit“!

(Հայերեն բառացի թարգմանությամբ.

Ձերդ Մեծություն, Տեր Պատրիարք, Ձերդ Սրբ(ազն)ություն)

Ես պետք է խոստովանեմ, որ այս տիտղոսները բողոքականի շուրթերով դժվար է արտաբերել: Ուստի կա՛մ պետք է լռել կա՛մ ավելի խոր մտածել, թե ի՞նչ ես ասում:

Ես կկամենայի այս ընծայաճառում երկրորդ ուղին ընտրել և Հարցնել, թե արդյոք ի՞նչ Մեծություն է այսօր մեր Համալսարան եկել և այս Հանդիսասրահն ի՞ր այցելությունն արժանացրել: Արդյո՞ք սա բյուզանդական-

Հոռվմեական Բասիլիսի մեծությունն է, Հզորությունը մի կայսեր, որն իշխում էր մեծ ու բազմազգ մի կայսրության վրա: Ո՛չ, այս Մեծությունը մեծությունն է մի ժողովրդի, որը կայսրությունների ջրաղացքարերի արանքում հազարամյակներ ի վեր փորձում է ողջ մնալ: Սա Մեծությունն է փրկյալների, որոնք դեռևս այս հազարամյակում մազապուրծ լինելով լիակատար բնաջնջման երախից, վերաբղխեցին:

Արդյո՞ք սա մեծությունն ու Հզորությունն է գերմանական կայսրերի, որոնցից վերջինը Արեելքի Հովանավորն էր հավակնում դառնալ: Ո՛չ, սա Մեծությունն է այն ժողովրդի, որը գերմանական և թուրքական կայսրությունների կողմից ռազմական անհրաժեշտությունների ընծայարանին զոհաբերվեց: Իսկ ի՞նչ Սրբազնություն է մեզ այցի եկել: Արդյո՞ք սա Սրբությունն է այն Հզորության, որը դողի մեջ է պաշտում աշխարհն ու շլացնում: Ո՛չ, սա Սրբությունն է մի ժողովրդի, որը միայնակ էր, լքյալ և բռնության պատարագիչների առջև լռեցվեց: Սա Սրբությունն է այն ժողովրդի, որը պարսկական մեծ տերությունից կրած պարտության մեջ իսկ իր հավատը պաշտպանեց: Սա Սրբությունն է այն ժողովրդի, որն իր հավատը չուրացավ և թուրք-մահմեդական հալածիչների առջև այն արյամբ վկայեց:

Արդյո՞ք սա Սրբությունն է ազգի: Ո՛չ, ո՛չ միայն ազգի: Սա Սրբությունն է պանդուխտների, որոնք սիրոված են ողջ երկրագնդով մեկ և որոնք Աստուծո Սրբության մեջ են ապաստան գտնում:

Սա Մեծությունն է ս. Խաչի: Սա, ինչպես Մարտին Լութերը կասեր, օտար սրբություն է, Սրբությունը Աստուծո և ո՛չ մարդու: Խաչի այդ Մեծությունը ակներևորեն զարդարում է Ձեզ, Վեհափառ, և նրանով զարդարված ենք մենք բոլորս միասին: Աստուծո օտար Սրբությունը լուսավորել է տալիս այս աշխարհի խավարում Ձեզ և մեզ այստեղ բոլորիս, ովքեր միաբանորեն Քրիստոսին, մեր Տիրոջն են դավանում:

Մենք ևրախտապարտ ենք Աստծուն, որ այս Մեծությանն ուղղեց դեպի մեզ բերող ճանապարհով: Մենք փառաբանում ենք օտար Սրբությանը, որին մեզ երկինքն ուղարկեց:

Ընդհանրապես սիրվում և հարգվում է այն, ինչ մոտ է և ընտանի, փստահություն ներշնչող: Տիրոջն ու Աստծուն ուղղված հավատը մոտեցնում է մեզ՝ իրարից հեռու գտնվողներին, և միմյանց նկատմամբ փստահություն ներշնչում մեզ՝ իրար չփստահողներին: Ձեր՝ ինձ փստահելու ընծան արգեն երկար ժամանակ է, ինչ վիճակվել է ինձ, քանզի ձեր ուշադրությունից չեն վրիպել Հայոց Եկեղեցու աստվածաբանության և պատմության ուղղությունը մեր տարվող մեր աշխատանքները, Հայ-գերմանական հարաբերությունների, նաև խաթարումների վերաբերյալ մեր ուսումնասիրությունները: Դուք պատկանում եք քրիստոնյա աշխարհի այն դեմքերին, որոնք ժամանակին պողպատյա վարագույրի ետևում մեզ միայնակ չթողեցին: Այդ վարագույրի ժանգոտումից շատ առաջ Դուք մեզ այստեղ այցելեցիք որպես ԱՄՆ-ի Հայոց եպիսկոպոս, և այդ ժամանակից ի վեր ծայր է առնում Ձեր Հոգա-ծությունը մեր այստեղի աստվածաբանական աշխատանքների նկատմամբ:

Դուք ծնվել եք Հեռուներում, ասորական Քեսաբում, Հայկական Սփյուռքում, ուր ճակատագրի ալիքները նետել էին ցեղասպանությունից խուսափածներին: Սակայն այդ Հեռուները Ձեզ համար միայն Հեռուներ չէին, քանզի այնտեղ էին աշխատում Հայերի բարեկամ Յոհաննես Լեփսիուսի աշխատակիցները: Այնպես, որ Դուք Հայ-գերմանական կապերին արգեն այն վաղ ժամանակներում եք հաղորդակցվել:

Հայ փախստականները մեկ այլ հանգրվանում, Բեյրութից Հյուսիս գտնվող Անթիլիասում, որտեղ փախստականների վրանները ժամանակի ընթացքում փերածվեցին դպրոցի, իսկ այնուհետև աքսորյալ կրիկյան Հայերի Հոգևոր Հայրենիքի, որտեղ և Դուք ստացել եք Ձեր աստվածաբանական կրթությունը: Նաև այս հեռուստոլում Դուք հեռու չմնացիք հերմանիայից: Ձեր մեծ ուսուցիչ, Եսթրաղիկոս Գարեգին Հովսեփյանը Գերմանիայում ստացած իր ուսումնառության Հայ-գերմանական ոգին բերեց նաև Լիրանան, իսկ Մեյլոն Քրիշչյանը, Անթիլիասի մեկ այլ ուսուցիչ, աստվածաբան Լեփսիուսի գործակիցն էր:

Այնտեղից, ասորա-լիբանանյան ապաստարանից Դուք 1957 թվականին Հոգևոր կապ Հաստատեցիք Օքսֆորդի Հետ և շուտով, 1960 թվականին դարձաք Անթիլիասի աստվածաբանական Հոգևոր ճեմարանի տեսուչ: Օքսֆորդում ուսանած տարիներին Դուք գրեցիք Ձեր գրչի տակից դուրս եկած աստվածաբանական դասական երկի՝ The Council of Chalcedon and the Armenian Church գրքի ստեղծման հիմքերը, որն հետագայում 1965 թվականին լույս տեսավ լոնդոնյան Society of Promoting Christian Knowledge հրատարակչությունում: Մի հրատարակչություն, որի հետ XVII դարից ի վեր, իրենց հերթին, սերտ կապերի մեջ էին գտնվում Հայլի պիետիստները: Ձեր այդ ուսումնասիրության մեջ մի մոտիվ է հնչում, որը Ձեր կյանքի և գործունեության լեյտամոտիվն էր դառնալու և այսօր էլ կրկին, մեկ այլ միջավայրում առաջնորդում է Ձեզ: Դա քրիստոնեության միջ ալեքսանդրյան և բյուզանդական քրիստոնեության միջև եղած ճեղքվածքի դարանուսումն է: Մի ճեղքվածք, որը շատ ավելի հին և ամենաքիչը ճիշտ այնքան ճակատագրական էր, որքան դրանից հետո 600 տարի անց Արևմտյան և Արևելյան Եկեղեցիների միջև տեղի ունեցած պառակտումը: Արդեն, իսկ այն ժամանակ Ձեր գիտական անդրանիկ երկը տողորված էր Արևելյան Եկեղեցիների վերախմաստավորման տենչով, որը բնականաբար նաև ողջ քրիստոնեության իդժն է: Այդ գաղափարը ուղեկցել է միշտ Ձեզ Ձեր Հովվական, միջեկեղեցական աշխատանքի ընթացքում և ահա կրկին առաջնորդում է Ձեզ նոր նախանշանների ներքո քաղաքական, ազգային և կրոնական տեսակետից պառակտված Անդրկովկասում, որտեղ այժմ Ձեր նստավայրն է գտնվում: Դուք Ձեր աստվածաբանական աշխատանքով, Հովվական, եկեղեցական և Համաքրիստոնեական գործունեության միջոցով մեծապես նպաստել եք Արևելյան Եկեղեցիների միջև երկխոսությանը: 1990 թվականի սեպտեմբերին Փնևից ոչ հեռու գտնվող Շամբեգի քաղաքում բյուզանդական և Հին արևելյան ծեսի Եկեղեցիների կողմից քրիստոնաբանության փոխադարձ ճանաչումն այդ վերամիավորման նախաճաշակումն էր: Այն մասին, թե որքան օգտակար է Ձեր գիրքը նաև Արևմուտքի աստվածաբանության Համար, վկայում է այն հանգամանքը, որ այն երկու անգամ վերահրատարակվել է, վերջին անգամ, եթե Հավատալու լինենք internet-ի անցյալ գիշեր տված տեղեկություններին, 1997 թվականին Նյու Յորքում: Ձեր գրչի տակից դուրս եկած այս գործն այստեղ որպես նմուշ ներկայացնելու է կոչված Ձեր ողջ ստեղծագործությունը, մի իսկական փոքրիկ գրադարան, որն այսօր ևս հաճույքով կթերթեն, եթե ժամանակը ների:

Մինչև այսօր էլ դեռ Հոգևություն չտեսած գիտական ջերմեռանդության այս ժամանակների բովում Դուք խոնարհվեցիք եպիսկոպոսական պաշտոնի լծի ներքո և 70-ական թվականներին ծառայեցիք Իրանի Հայկական Համայնքներին, ամենից առաջ Իսֆահանի շրջակայքում, որտեղ արդեն 17-

րդ դարի սկզբում պարսից Շահ Աբասի կողմից բռնի ուժով տեղափոխվել էին պահանջվող շատ արհեստավորներ, արվեստագետներ և վաճառականներ: Ինչպես այսօր, հիշում եմ, թե ինչպես Դուք ժնեում մի հանդիպման ժամանակ ինձ հաղորդեցիք այնտեղ, քաղաքական մարտնչող իսլամի հարուցած ծանր դժվարությունների ներքո ձեռք բերած մի գիտելիքի մասին. այն դադափարը, որ քրիստոնյաներն Արևելքում արևմտյան քրիստոնեության նկատմամբ մի անկախ և ինքնուրույն մեծություն են և որպես այդպիսին են ներակայանում իսլամի առջև, ուղղակի կենսական արժեք ունի: Որքա՞ն այս դեպքերում «խելացի» ժամանակակիցներ կան Արևմուտքում, որոնք քրիստոնեությունն իր էությունից արևմտյան մշակութային մեծություն են համարում: Դրանով նրանք անմիջականորեն գործում են նրանց օգտին, որոնք մինչև այսօր էլ քրիստոնեությունն Արևելքում արմատախիլ են անում, քանզի այն դիտում են որպես արևմտյան տերությունների «հինգերորդ զորապույուն» (պահեստային ուժեր): Որպես այդպիսին, արևելյան քրիստոնեության որոշ մասեր իսկապես չարաշահվեցին Արևմուտքի կողմից, երբեմն էլ խաչակրաց արշավանքների մարտադաշտում մահվան դաժնանքների հետ միասին կոտորվեցին: Քրիստոնեությունը որպես արդեն իսկ բազմակողմանի մեծություն, քրիստոնեությունը, որն իր ներքին բազմազանությամբ արդեն իսկ հանդուրժողականորեն և մարդկության համակեցության մի նախասեմինար է, քրիստոնեությունը, որն իրեն պետք է փոխադարձաբար ճանաչի որպես ինքնուրույն կենսակիցների և զրուցակիցների մի համայնություն. սա Ձեր Արևմուտքի և Արևելքի միջև վարած կյանքի դասերից մեկն է, որը ես ընդունել եմ Ձեզանից և ձգտում եմ ավանդել ուրիշներին:

Երբ ես ասում եմ «Արևմուտքի և Արևելքի միջև վարած կյանքի», ապա ի նկատի ունեմ Ձեր հաջորդ կայանն Իրանից հետո, որն անմիջական լուսաբանումն է տարբեր աշխարհների միջև այս տարազնացության: Աշխարհներ, որոնցից յուրաքանչյուրը Ձեզ ինչ-որ բան տվեց և որոնցից յուրաքանչյուրին Դուք ասելիք ունեցաք: 1973 թվականից ի վեր Ձեր եպիսկոպոսական Աթոռը գտնվում էր ԱՄՆ-ում, Նյու Յորքում: Հյուսիսային Ամերիկայում չորս տարի շարունակ աշխատելուց և փորձառություն ունենալուց հետո, Դուք Ձեր աշխատանքի պտուղներն ու ստացած գիտելիքների պաշարները բերեցիք և ամբարեցիք Ձեր Մայրենի եկեղեցու պահեստներում, Սիրիայում և Լիբանանում, որտեղ Դուք 1977 թվականից ի վեր սկզբում Կիրիկիո Կաթողիկոսի աթոռակիցն էիք, ապա 1983-ից սկսած մինչև 1995 թվականն ինքներդ Սիսի արքեպիսկոպոս էիք, իսկ այնուհետև Թուրքիայից Սիրիա, իսկ այնտեղից Լիբանան արտագաղթած Հայոց Մեծի Տանն Կիրիկիո Կաթողիկոսը: Եթե համեմատելու լինենք այս տարեթվերը Մերձավոր Արևելքի այդ շրջանի քաղաքական պատմության հետ, ապա կարող ենք պատկերացնել, թե Դուք քաղաքացիական պատերազմի այդ տարիներին ի՞նչ աշխատանքներ եք տարել Լիբանանում՝ փրկված Հայության պատառիկներին պաշտպանելու ուղղությամբ, որոնց սպառնում էր պատերազմական կացությունների միջև տրորվելու վտանգը: Գուցե այստեղ ոչ բոլորին է հայտնի ընդհանուր ճանաչում գտած այն իրականությունը, որ Լիբանանի Հայոց համայնքում շատերն իրենց կյանքով պարտական են Ձեր Հովվական գործունեությանը պատերազմի կրակներում:

1995 թվականի ապրիլին, Աստծու շնորհով և Հայ ժողովրդի կամքով, ինչպես դիպուկ կերպով արտահայտված է Հայոց կաթողիկոսական

տնտեսական կյանքում, Դուք ընտրվեցիք և նշանակվեցիք որպես Ամենայն Հայոց Կաթողիկոս և Մայրաքաղաքի Պատրիարք Սուրբ Էջմիածնի Աթոռին, Հայկական Սփյուռքի կամրջագործից վերածվելով Մայր Հայրենիքը Սփյուռքին միացնող կամուրջների վարպետի: Դրանով Դուք այսօր այս հողազնդի մարդկանց մեջ Համաշխարհային մշակույթի կենսունակ և անփոխարինելի մասը կազմող Հայ քրիստոնյա մշակույթի պահպանման գլխավոր երաշխիքն եք դարձել և ինչպես Ձեր այս դիրքում, այնպես էլ դրանից առավ արդեն մեծ գործ եք կատարել Հանուն աշխարհով մեկ սփռված Հայության միասնականության պահպանման:

Արևելքի և Արևմուտքի փոխադարձ մեկուսացման վտանգը նաև պողպատյա վարագույրի ժանգոտումից Հետո դեռ ամենևին չի վերացված, Հնարավոր է նույնիսկ, որ այն ավելի է մեծացել, քանզի այդ պողպատյա վարագույրը նաև պարադոքս գործիքի նման մի բան է եղել կարոտալից Համայնական երազների, որոնք թե՛ արևելյան, թե՛ արևմտյան շատ դիմազերծ իրողությունների անմիջական ծանոթությունից Հետո ի գերե ելան: Ուստի Ձեր կյանքի արևելա-արևմտյան Հայրենիքը և Ձեր կյանքի ու Հավատի փորձը օգտակար են ոչ միայն Հայերի, այլև ողջ քրիստոնեության Համար, որին Դուք այդ մասին մանրամասնորեն տեղեկացնում եք: Ձեր մինչ այժմ վարած միջնեկեղեցական գործունեության պսակը Հանդիսացավ անցյալ տարի Գրացում արտասանած Ձեր խոսքը եվրոպական եկեղեցիների կոնֆերանսի (CEC) և եվրոպական Եպիսկոպոսական Խորհրդի (CCBE) կողմից կազմակերպված եվրոպական միջնեկեղեցական Համաժողովին, որտեղ Դուք, ի դեմս ինչպես Արևելքում, այնպես էլ Արևմուտքում տարածված միջնեկեղեցական շարժման դեմ ուղղված արհամարհանքային «ազատության», Հոգուտ Համաքրիստոնեական գիտակցության բարձրացված գլխավոր ձայներից մեկը դարձաք:

Դա պատահական չէր, եթե ի նկատի առնելու լինենք Համաքրիստոնեական շարժման ասպարեզում Ձեր երկարատև գործունեությունը պատկերող սանդղակը, որի վրա Ձեզ արդեն 1963-1965 թվականներին կարելի է տեսնել որպես Արևելյան Ուղղափար եկեղեցիների կողմից առաքված պաշտոնական դիտորդի Վատիկանի Երկրորդ Տիեզերաժողովին: Անդիլկանների Լամբեթյան Համաշխարհային կոնֆերանսին Դուք արդեն ճանաչված ներկայացուցիչ եք, իսկ Ժնևը 1968 թվականից ի վեր արդեն Ձեր Հայրենական Հանգրվաններից մեկն է դարձել այս աշխարհում, որտեղ Դուք երկար տարիներ եկեղեցիների Համաշխարհային Խորհրդի կենտրոնական և գործադիր Հանձնաժողովներում պատասխանատու պաշտոններ եք վարել:

Ձեր Վարքի (vita) մարդարտաշար մանյակի պատկերից ելնելով, կարելի է կարծել, թե Դուք աշխարհների միջև մի միայնակ ճամփորդ եք եղել: Ով այդպես է մտածում, ուրեմն չի հասկացել Ձեր Վարքի էական ընդլայնումը: Դուք Ձեր ողջ էությունը, Ձեր գոյության յուրաքանչյուր մասնիկով ՎԱՐԴԱՊԵՏ եք: Այս Հայկական բառը, որը Հավանաբար պարսկական ծագում ունի, Հայոց Առաքելական եկեղեցու Հոգևոր աստիճաններից մեկի անվանումն է և նշանակում է «եկեղեցական ուսուցիչ»: Մի անվանում, որն այս կերպ այլ եկեղեցիներում, որքան ինձ Հայտնի է, այլևս գոյություն չունի (այն այսօր Հաճախ ոչ Համապատասխան կերպով Թարգմանվում է Հունարեն «արխիմանդրիտ» տիտղոսով) և գալիս է Հունարեն Նոր Կտակարանի ԴԻԴԱՍԿԱՆՈՍ-ից: Դուք, Վեհափառ, Ձեր ողջ Հոգով և մարմնով ՈՒՍՈՒՁԻՑ եք, լինի դա Անթիլիասի կամ Անթիլիասից վեր գտնվող

Բիբլիոթեկային աստվածաբանական դպրոցում Ձեր դեկան եղած ժամանակներում, թե Սուրբ Էջմիածնում, որտեղ Դուք արդեն հավերժացել եք պատմության մեջ՝ Հայաստանի Հանրապետության նախագահ Լևոն Տեր-Պետրոսյանի հետ միասին նորից բաց անելով հուշակալոր Գևորգյան շենյարանը, որն այդպես է կոչվում այն հիմնադրած Կաթողիկոսի անվամբ: Հայկական կթական համակարգի վերականգնման այս աշխատանքների շնորհիվ Դուք կրկին իրական հնարավորություններ, եք ստեղծում Հայ և գերմանական գիտությունների, մասնավորապես Հայ-գերմանական աստվածաբանության, ավանդական սերտ համագործակցության զարգացման համար: Ես չեմ կարող ժամանակի խիստ սղության պատճառով այստեղ խոսել մինչև առաջին համաշխարհային պատերազմը տեւած այդ համագործակցության հարուստ ավանդույթների մասին: Ես կարող եմ միայն երախտագիտությամբ հիշատակել այն փաստը, որ Դուք, Վեհափառ Հայրապետ, Հայլեի համալսարանի մեր ֆակուլտետում 80-ական թվականների սկզբին ծայր առած Հայագիտական-աստվածաբանական աշխատանքների հենց սկզբից բարոյապես և նյութապես օժանդակություն եք ցույց տվել: Այդ օժանդակությունը մենք զգում ենք դր. Յոհաննես Լեփսիոսի արխիվի ուսումնասիրության և հրատարակության, Հայոց Եկեղեցու նկատմամբ (Հատկապես ստալինյան շրջանի) պատմության հետազոտության, Հայաստանի նկատմամբ լիբերալ բողոքականության դիրքորոշման լուսաբանման և Հայոց Շարակնոցի գրաքարից գերմաներեն ամբողջական թարգմանության նախապատրաստման աշխատանքների (որն այստեղ, Հայլետում մենք Գերմանական Հետազոտական ընկերության օժանդակությամբ ավարտեցինք) ընթացքում:

Ձեր օգնությամբ կրկին Հայ ուսանողներ են գալիս Հայաստանից կամ Սփյուռքից՝ Գերմանիա ուսանելու: Այդ ուսանողները հիշեցնում են առաջին համաշխարհային պատերազմից առաջ այստեղ ուսանած Հայ ուսանողների շարքը, որն անսպասելիորեն ընդհատվեց Թուրքիայում Հայերի Ցեղասպանության պատճառով, քանզի այստեղ Գերմանիան համընթաց դառնալով Թուրքիային՝ Հայերի առջև կորցրեց իր դեմքը, մի վիճակ, որը մինչև այսօր էլ դեռ չարունակվում է: Միակ «մխիթարությունն» այն է, որ Հայաստանն առաջին համաշխարհային պատերազմից հետո դժվարությունների հանգիստից նաև այնպիսի Հայասեր համարվող երկրների կողմից, ինչպիսին, օրինակ, Մեծ Բրիտանիան էր:

Թույլ տվեք, Վեհափառ, Ձեր քսանամյա օժանդակությանը պատասխանել երկու ավետաբեր լուրերով և այս ընծայաճառի ավարտն ուղղել ապագային:

1) Ամենայն հավանականությամբ այս տարվա մայիսին իր աշխատանքներն է սկսելու Գերմանա-Հայկական Հետազոտությունների և հանդիպումների կենտրոնը Վիտտենբերգում, Leucorea համալսարանական հիմնադրամին կից: Այս աշխատավայրը սերտորեն համագործակցելու է Հայլեի համալսարանի մեր Հայագիտական խմբի հետ և մեր աշխատանքների նկատմամբ երկրամասի կառավարության ցուցաբերած հետաքրքրության արտահայտությունն է, քանզի Սաքսոնիա-Անհալտ երկրամասը Բոննից վերցրել է Հայաստանի հետ գիտական, մշակութային կապերի կոորդինացիայի ֆունկցիան:

2) Հաջորդ երկու տարիներին մեր Հայագիտական աշխատանքների գլխավոր նպատակը մեր համալսարանում և «Լոյկորհ»-ում (Վիտտենբերգ) Հայ Առաքելական Եկեղեցու (301-2001) 1.700-ամյա հորելյանին

նվիրված ՀԱՅԱՍՏԱՆ միջազգային համաժողովի կազմակերպումն է, որը տեղի է ունենալու Հոբեյանական տարվա նախօրյակին, 2000 թվականի սեպտեմբերին:

Իհարկե, այդ համաժողովի մի շատ կարևոր նպատակը մեզ համար, Ձեզ, ամենաուշը այդ ժամանակ այստեղ Հայքում և Վիտտենբերգում կրկին տեսնելու ցանկությունն է: Մենք շատ ուրախ կլինեինք և խնդրում ենք Ձեզ՝ մեր հրավերն ընդունել:

Վերջում, թույլ տվեք խոսքը տալ ուրիշներին, որոնք Ձեզ շնորհավորական ողջույններ և մաղթանքներ են հղել մեր ֆակուլտետում Հնարավոր ամենաբարձր ակադեմիական աստիճանի՝ Աստվածաբանության Դոկտորի (DOCTOR SACROSANCTAE THEOLOGIAE HONORIS CAUSA) կոչման շնորհման առթիվ:

Առաջին շնորհավորանքները եկան նույնպես մի առաքելական վայրից, երուսաղեմի Հայոց Պատրիարքությունից: Այդ շնորհավորանքներին միացավ Եվրոպական եկեղեցիների Կոնֆերանսի (CEC) գլխավոր քարտուղար Քեյթ Բլեմենսը, CEC-ի ժնեյան Հանձնախմբին պատկանող 120 բողոքական՝ Ուղղափառ և Հին Կաթոլիկ եկեղեցիների կողմից: Շնորհավորական մաղթանքներ են ուղարկվել նաև պրոֆեսոր տիկին Գաբրիելե Վինկլերի՝ Թյուրինգենի կաթոլիկ աստվածաբանության ֆակուլտետի և Հռոմի Pontificio Istituto Orientale ինստիտուտի Հայտնի ծիսագետի և Հայագետի կողմից, Շվեյցարիայից՝ Բեռնի ավետարանչական աստվածաբանության ֆակուլտետից, Բեռլինի Հումբոլդտի անվան Համալսարանից և շատ այլ վայրերից:

Ձեզ, Վեհափառ, և Ձեզ բոլորիդ, Alma mater halensis et vitebergensis համալսարանի նոր Պատվավոր Դոկտորի պատվին այստեղ այսպես սուվոր շարքերով հավաքվածներիդ, ես իմ շնորհակալությունն եմ Հայտնում ուղարկության համար:

Պրոֆեսոր Հերման Գուցի ընծայաճառից հետո, Նորին Սրբությանը բարիգալստյան խոսք ուղղեց նաև Չաքսեն Անհայթ նահանգի Լուսավորության նախարարության աշխատակից Կլաուս Ֆաբերը:

Ապա, ձեռամբ տնօրեն Ուտո Շնեյեի, Նորին Սուրբ Օծությանը շնորհիվեց համալսարանի աստվածաբանության Պատվո Դոկտորի տիտղոսի վկայականը: Ասենք, որ այս կոչումը տրվում է միայն գիտահետազոտական աշխատանքների աչքի ընկած հեղինակներին, իսկ Վեհափառ Հայրապետին շնորհիվեց Հայաստանյայց Եկեղեցու աստվածաբանության բնագավառում արված բազմաթիվ աշխատությունների համար:

Վկայականի շնորհումից հետո, «Էկումենիկ ճոսանքները Հայ եկեղեցու» (ECUMENICAL TRENDS IN THE ARMENIAN CHURCH) խորագրով դասախոսություն կարդաց Ն.Ս.Օ.Տ.Տ. Գաբեգին Ա Ամենայն Հայոց Կաթողիկոսը, որը բարձր գնահատվեց ներկաների կողմից: Սակայն մինչ դասախոսությունը Ամենայն Հայոց Կաթողիկոսը իր խորին շնորհակալությունը հայտնեց նման բարձր պատվին արժանանալու համար և ընդգծեց, որ սա իր կյանքի ամենակարևոր պահերից մեկն է:

**ՎԵՀԱՓԱՌ ՀԱՅՐԱՊԵՏԻ ԴԱՍԱԽՈՍՈՒԹՅՈՒՆԸ
ՀԱՆԼԵ-ՎԻՏՏԵՆԲԵՐԳԻ ՀԱՄԱԼՍԱՐԱՆՈՒՄ**

ԻԿՈՒՄԵՆԻԿ ՀՈՍԱՆՔՆԵՐԸ ՀԱՅ ԵԿԵՂԵՑՈՒՄ

(Համառոտ դիտողություններ)

Ա

Այս դարում, որը մոտենում է իր ավարտին, «էկումենիզմ» բառը տիրապետող կիրառություն է ձեռք բերել մեր ժամանակակից բառապաշարում: Այն մի նոր հոգված է ավելացրել այնքան շատ հիզմանքի արդեն իսկ խնդրված ցանկում, որից աշխարհն սկսել է ժանձրանալ: Այն նույնիսկ խախտում է իր քրիստոնեական ու կրոնական սահմանագիծը՝ Թափանցելու համար մարդկային աշխարհիկ կյանքի բնագավառները, երբ մարդիկ խոսում են համայնքների, կազմակերպությունների և ընկերային խմբերի գանազան ձևերի միջև եղած հարաբերությունների մասին:

Մենք բոլորս գիտենք, որ այս բառն իր նախնական քրիստոնեական կիրառությամբ և ընդգրկումով վերաբերում է քրիստոնեական միության արտահայտությանը, ցանկությանը, մասնաժամանակն ու ջանքերին: Քանզի, այն իսկությունը, որ մենք նկատի ունենք «էկումենիկ» բառով, գալիս է մեր Տեր Հիսուս Քրիստոսից, ով իր Մարմնացյալ Անձով, իր արտասանած խոսքերով ու գործերով միացրեց մեզ՝ տարբեր գույնի, լեզվի, սեռի, ազգության, ընկերային կենցաղակերպի ու դասակարգային զանազանությունների տեղ մարդկանց: Ուստի, էկումենիզմն Ավետարանի և Եկեղեցու ներհատուկ բաժինն է՝ ժողովները, որոնք ճանաչվեցին որպես «էկումենիկ» (Տիեզերական), Եկեղեցու միության ամբողջականության արտահայտությունն էին: Այն նոր շեշտադրումը, որ այս բառը ձեռք բերեց ի դարի քրիստոնեական կյանքի, աստվածաբանության և բառապաշարի մեջ, պայմանավորված էր օրինական ու նախանձախնդիր անհանգստությամբ այն լայնատարած ու բազմադեմ բաժանումների նկատմամբ, որոնց ենթարկվել էր Քրիստոսի Եկեղեցին անցած դարերի ընթացքում:

«էկումենիկ» բառն այսօր ավելի լայն խմատ է ձեռք բերել, որ տարածվում է քրիստոնյա Եկեղեցիների միջև ներդիմումների, հարաբերությունների, համատեղ աղոթքների, աստվածաբանական քննարկումների և գործնական համագործակցության ողջ շղթայի վրա:

Այս համառոտ դիտողություններն անելով որպես ներածական մաս, այժմ ես անցնում եմ իմ այսօրվա ելույթի կենտրոնական նյութին: Ես միայն փորձելու եմ նշել, առանց վերլուծական մշակման հնարավորության, էկումենիկ բնույթի որոշ հոսանքները Հայ Եկեղեցու երկար ու հակասական պատմության մեջ, և հատուկ ուշադրություն եմ դարձնելու Մայր Աթոռ Սուրբ Էջմիածնի և գերմանական աստվածաբանական ֆակուլտետների, համալսարանների ու Եկեղեցիների միջև եղած հարաբերություններին, որոնք էկումենիկ հարաբերությունների ծիրի մեջ մի կարևոր էջ են կազմում ժԹ դարի վերջին և ի դարի առաջին երկու տասնամյակում:

Բ

Հայ Եկեղեցին, քրիստոնեական պատմության վաղ դարերում իր ծագումից ի վեր, ձևավորվեց ու աճեց որպես Քրիստոսի մարմնի բաղկացուցիչ և անբաժան մասը: Նրանք, ովքեր ծանոթ են Հայ Եկեղեցու ձևավորման վաղ փուլերին ու ժամանակներին, շատ լավ գիտեն, որ քրիստոնեությունը Հայաստանում

տարածվեց, և Եկեղեցիին կազմակերպվեց՝ սերտ հարաբերության մեջ լինելով հարևան երկրների քրիստոնյա Եկեղեցիների, մասնավորապես ասորի, հույն, վրաց և պարսից Եկեղեցիների հետ: Քրիստոնյա կյանքի, մտքի ու քարոզչական ծավալման այնպիսի կենտրոններ, ինչպես Կապադովկյան Կեսարիան, Անտիոքը, Մծբինը, Եդեսիան, Ալեքսանդրիան և ավելի ուշ՝ Կ. Պոլիսը (Բյուզանդոն), սերտորեն կապված էին և ներդրում ունեցան Հայ Եկեղեցու ավանդույթում ձևավորման գործընթացի մեջ մինչև Ե դարի վերջը, որ Ոսկեդարն է հայ պատմության մասնավորապես կրոնական, աստվածաբանական և մշակութային բնագավառներում:

Հաղորդակցության հանդեպ անկեղծության ու պատրասակամության այդ միտումը շարունակվեց նույնիսկ Զ դարի սկզբից հետո, երբ Հայ Եկեղեցին որոշեց լրնդունել Քաղկեդոնի ժողովը, որտեղ Լեոնի Տումարն ընդունվեց որպես քրիստոսաբանական դոգմայի հիմնական փաստաթուղթ՝ «Քաղկեդոնյան բանաձև» անվամբ հայտնի ձևակերպման հետ միասին՝ Քրիստոնեական Եկեղեցու մեջ բաժանման այս առաջին ցնցումից հետո, որն սկսվեց Քաղկեդոնի ժողովով և խորացավ Ե ու Զ դարերի ողջ ընթացքում, Հայ Եկեղեցու կյանքն ու վկայությունը չշարունակվեց որպես «մեկուսացում» Արևելյան քրիստոնեության մնացյալ հատվածից, նույնիսկ սուր վեճերի ու հակամարտությունների ժամանակ հարաբերությունները շարունակվեցին մասնավորապես Հույն Եկեղեցու, Կ. Պոլսի Բյուզանդական Պատրիարքության, Ասորի Եկեղեցու և Վրաց Եկեղեցու հետ: Ավելի ուշ, իսլամից շարժումից հետո, հարաբերությունն ընդգրկեց նաև Լատին Եկեղեցին՝ Հռոմի Պապի իշխանության ներքո: Անշուշտ, Հայաստանում կային որոշակի աշխարհագրական տարածքներ և հայ ազգաբնակչության հատվածներ, որտեղ հույն ուղղափառ (քաղկեդոնական) ապկեցությունը գործադրվում և երբեմն էլ նույնիսկ պարտադրվում էր Բյուզանդական կայսրերի կողմից: Ջանազան աստվածաբանական հոսանքներ կային նաև ասորական քրիստոնեության մեջ, ինչպես «սեբերական» (Սեբերիոս Անտիոքացի՝ չափավոր միաբնակչություն) և «հուլիանական» (Հուլիանոս Հայկառենասցի՝ երևութականություն) քրիստոսաբանական դպրոցները, որոնք արձագանք գտան Հայաստանի տարբեր վայրերում: Սակայն Հայ Եկեղեցին անխաթար պահեց իր հակաքաղկեդոնական դիրքորոշումը և անասան իր անկախությունն ու ինքնությունը:

Հայ աստվածաբանական ավանդության այս հարատև միջեկեղեցական, էկումենիկ հոսանքի ընդամենը մի քանի օրինակ բերելու նպատակով ես կկամենայի նշել՝

ա) Է դարի սկզբին «ԿԵՄ ԲԱՄԱՄՈՂՅԱ ժողովածուի կազմավորումը՝ հայրաբանական տեքստերի մի ծաղկաքաղ, որտեղ կան ընդհանրական և Հայ Եկեղեցու գրեթե հիսուն հայեր, որոնց մեջբերումները հավաքվել և ի մի են բերվել հայ ուղղափառ դիրքորոշման օժանդակելու և քաղկեդոնական քրիստոսաբանական տեսակետին հակադրվելու նպատակով: Գերմանիայում ուսանած հայ մեծ գիտնական Կարապետ Տեր-Մկրտչյանը՝ ձեռագրի հայտնաբերողն ու հրատարակիչը, ցույց է տվել այս ծաղկաքաղի աստվածաբանական հարստությունը և դրա կարևորությունը ուրիշ Եկեղեցիների հետ էկումենիկ երկխոսության մեջ: Երկար ու մանրամասն գիտական ներածության (110 էջ) մեջ նա ասում է. «ԿԵՄ ԲԱՄԱՄՈՂՅԱ ժողովածուն, կոթող Հայոց Եկեղեցու ընդունած այն դաւանական դրույթնան, որ իւր կատարեալ զարգացման աստիճանին հասել է Է դարի սկզբում, երկարատե պայքարից և երերումներից յետոյ վերահաստատուել է դարի սկզբում» (ԿԵՄ ԲԱՄԱՄՈՂ, Ներածութիւն, էջ CVII, էջմիածին, 1914): Հատորը հստակորեն ցույց է տալիս և պերճախոս կերպով վկայում է հայ աստվածաբանության շարունակական էկումենիկ հոսանքի մասին:

բ) Ստեփանոս Սյունեցու (Ը դար) մեծաշարունակ առավածաբանական ժառանգությունը, մասնավորապես կեղծ-Դիոնիսիոսի անվամբ Հայտնի գործերի թարգմանություններով ու մեկնություններով Այսպիսով, Ե դարից հետո դրված և Դիոնիսիոս Արիստագացուն (տես Գործք Ժ 34) վերագրված գործերի Հավաքածուն, որ ներառում է այնպիսի գործեր, ինչպես «Աստվածային անունները», «Քորհրդական աստվածաբանությունը», «Երկնային ու եկեղեցական նվիրապետությունը», անշուշտ ներդրում ունեցան Հետադիվագրական աստվածաբանական բանավեճերի մեջ, Հաճախ մասնավորապես հեղինակության Հավասար ճանաչմամբ ուղտագործվելով, այսպես կոչված, և՛ «Երկարնականների», և՛ «Միաբնականների» կողմից:

գ) Ասորի Եկեղեցու հետ Հարաբերություններն անխափան կերպով շարունակվեցին բայր Հալորդ դարերի ընթացքում: Հայտնի պատմական փաստ է, որ երկու Եկեղեցիները Հաճախ դիմադրավեցին միեւնույն մարտահրավերներին և անցան նմանատիպ ներքին Հակամարտությունների միջով: Ը դարում Հովհան Օմենցի կաթողիկոսի ցուցաբերած փոխըմբռնման Հայտարար դերը՝ Մանաղկերտի Հայտնի ժողովում, իսկապես շատ կարևոր ուղենիշ էր երկու Եկեղեցիների էկոմենիկ Հարաբերությունների պատմության մեջ:

Ավելի ուշ, ԺԲ և ԺԳ դարերում, երբ Հայ Եկեղեցին Հարաբերության ամենա-եռանդուն ու որսիչ չըլլանի մեջ մտավ Բյուզանդական Ուղղափառ Եկեղեցու հետ, Ասորի Ուղղափառ Եկեղեցին նույնպես միացավ քննարկումներին՝ Հայերի կողքին, քանի որ նրանք կիսում էին միեւնույն քրիստոսաբանական դիրքորոշումը, իսկապես, այս ԺԲ և ԺԳ դարերը սերտ Հարաբերության չըլլաններ եղան երկու Եկեղեցիների Համար ոչ միայն դավանական դետի վրա, այլև մասնավորապես մեծարժեք մշակութային շփումների մակարդակի վրա, որոնք ընդգրկեցին Ասորի Ուղղափառ Եկեղեցու այնպիսի մեծ դեմքերի, ինչպես Միքայել Ասորին, Հաճախ Հայտնի որպես Միքայել Մեծ (1186-1189), Գրիգոր Բար Հեբրաուսը և Հայ Եկեղեցուց Ներսես Պաշտպանի կաթողիկոսը, որը Հայտնի է որպես Ներսես Շնորհալի (1186-1173), և Գրիգոր Տղան (1173-1183):

Ասորերեն լեզվի, պատմության, մշակութի և եկեղեցական Հարաբերությունների բազմաճյուղ մասնագետ Լևոն Տեր-Պետրոսյանը մի շատ արժեքավոր ուսումնասիրություն ունի՝ «Ասորիների դերը Կրիկյան Հայաստանի մշակութի մեջ ԺԲ և ԺԳ դարերում» խորագրով (Վենետիկ, 1980): Իր խտացված եզրակացության մեջ նա ասում է. «Հայ-ասորական Հարաբերությունների պատմության ընթացքում 12-13-րդ դարերը բնորոշվում են որպես երկու ազգերի միջև անմիջական Հարաբերությունների և սերտ Համագործակցության ժամանակա-չըլլան: Դրա պատճառը Կրիկիտ Հայոց թագավորության աշխարհագրական դիրքն է և ասորի ու Հայ ժողովուրդների Համակեցությունը Կրիկիայում, ինչպես նաև նրան սահմանակից զավառներում: Պաշտոնական և կրոնական երկար տարիների խորը և ամենօրյա Հարաբերությունները ասորիների ու Հայերի միջև, իրենց հետքն են թողել այդ ժամանակահատվածի մշակութային կյանքում» (էջ 16-17):

դ) Դեպքերի ամենակարևոր ու ներդրումային զարգացումը տեղի ունեցավ ԺԲ դարի երկրորդ կեսին՝ Հայ և Բյուզանդական Եկեղեցիների միջև ներհուս աստվածաբանական զրույցներով ու նամակագրությամբ: Այն սկսվեց 1186-ին, երբ Հայ Եկեղեցու ամենատաղանդավոր ու զարգացած աստվածաբաններից մեկը լուրջ և բացատրական զրույց ունեցավ Բյուզանդական կայսր Մանուել Կոմենենոսի (1143-1180) ներկայացուցիչ Դուքս Ալեքսի հետ: Իր բացատրությունն այնքան հստակ էր և այնքան համոզիչ էր հնչում, որ իշխանը զարմացավ՝ հասկանալով, որ այն, ինչ Բյուզանդական կայսրության եկեղեցական ու պետական հեղինակու-

թյունները, աստվածաբաններն ու պարզ ժողովուրդը մտածում էին Հայ Եկեղեցու քրիստոսաբանական դիրքորոշման մասին, շատ հետո էր այն բանից, ինչ Ներսես Շնորհալի եպիսկոպոսը ներկայացրել էր նման ճշտությունը ու պարզ հստակությունը: Նա ցանկացավ դրավոր ունենալ այն, ինչ Ս. Ներսեսը խոսել էր բանավոր կերպով: Իր ցանկությունը կատարվեց (Տես տեքստը՝ «Թուղթ Ընդհանրական», էջ 87-107):

Բյուզանդիայում Մանուել Կոմնենոս կայսրն ու Միքայել Պատրիարքը խորապես ազդված էին Ս. Ներսես Շնորհալու կողմից ձևակերպված Հայ քրիստոսաբանության դավանական շարադրանքի պարզությամբ և հնչեղությամբ: Երկու Եկեղեցիների միջև նամակագրության մի ողջ շարք հանրոցեց 1185-1179 թվականների ժամանակահատվածում, երբ երեք Կաթողիկոսներ՝ Գրիգոր Գ Պապավոսյան (1113-1186), Ներսես Շնորհալի (1188-1173) և Գրիգոր Տղան (1173-1183), հանրապար ներգրավվեցին քննարկման գործընթացի մեջ, որոնցից երեքն էլ կիսում էին աստվածաբանական մտքի և անկեղծ էկոմենիկ տրամադրության միևնույն ոգին ու հայացքը:

Հիմնական գետինը, որի շուրջ լուռ համաձայնություն գոյացավ, այն էր, որ Հայերը Կյուրեղ (Ալեքսանդրացու քրիստոսաբանական բանաձևի (Հմ է բնութիւն Բանին մարմնացելոյ) համաձայն «մեկ բնություն» ասելով չեն խառնում երկու՝ աստվածային և մարդկային բնությունները, կամ ընդունում մեկը և մերժում մյուսը, այլ դրանք անխառն ու անբաժան միացած են դավանում, և, որ մյուս կողմից բյուզանդացիները, «երկու բնություն» ասելով, Քրիստոսին երկու մասի չեն բաժանում, ինչպես Ս. Ներսես Շնորհալին է ասում իր առաջին դավանական խոստովանության մեջ:

Նամակագրության և պատվիրակությունների միջոցով տարված բանակցությունները Հայկական կողմում հանգեցին Բյուզանդական Եկեղեցու ուղղափառությունը ճանաչելու պատրաստակամության, եթե վերջինս կատարելապես ուղղափառ համարեր Հայկական դիրքորոշումը, առանց պնդելու Քաղկեդոնի ժողովի և ուրիշ Հույն ծիսական և բյուզանդական կանոնական կամ նվիրապետական ավանդությունների ընդունման վրա, և դա նախապայման չհամարեր նման ճանաչման համար: Սա այն եզրակացությունն էր, որին հանգեց 1178-ին Գրիգոր Տղա Կաթողիկոսի կողմից հրավիրված եպիսկոպոսաց ժողովը Հռոմկայում, ուր այդ ժամանակ գտնվում էր Ամենայն Հայոց Կաթողիկոսության Աթոռը:

Սակայն նախքան Հայ Եկեղեցու պաշտոնական պատասխանն տալնայ, կայսրը մահացավ, և Բյուզանդիայում քաղաքական դեպքերն այնպիսի ընթացք ստացան, որ 1185-1178 թվականներին երկու Եկեղեցիների կողմից այնքան երազված ու հետապնդված միությունը չդափելի արդյունք չտվեց Եկեղեցիների իրական կյանքում:

Ե) Հետագա դարերում, երբ Կիլիկյան Թագավորությունը սերտ հարաբերության մեջ մտավ Կիլիկյան Դոմեթով անցնող խաչակիրների իրարահանրող այլքների հետ, Հայ Եկեղեցին հարաբերությունների զանազան ձևեր զարգացրեց Արևմուտքի Լատին Եկեղեցու հետ, քանզի խաչակիրների ղեկավար շրջանակներում կային պապական նվիրականքի ու պատվիրակների, ովքեր շարունակական կապ պահեցին Հայ Եկեղեցական հեղինակությունների հետ Հայտնի փաստ է, որ այս հարաբերությունների մեծ մասն առաջ էին տարվում քաղաքական նկատառումներով, որոնք հաճախ քաղաքական էին Կիլիկյան Հայաստանի Թագավորների ու քաղաքական գործիչների կողմից՝ այն հույսով ու ակնկալությամբ, որ նման եկեղեցական մերձեցման միջոցով ժամանակի արևմտյան ուժերն իրենց աջակցությունը կցուցաբերեն Կիլիկիայի Հայկական Թագավորությանն ու ժողովրդին օժանդակելու մեջ:



ՀԱՆՆԵԻ ՀԱՄԱՆԼՍՄԱՐՄՆԻ ՊԱՏՎԱԿՈՐ ԴՈԿՏՈՐԻ
ՎԿԱՅԱԿԱՆԻ ՀԱՆՁՆՈՒՄԻՑ ԲԵՏՈ

ՀԱՅԿԱՅԻՆ ԵՊԱՐԽՈՍԿՈՍՆԵՐԻ ՄԵԼՈՒՆ ԲԵՐԿՈՒՆԻ



Պապերն ակտիվորեն հետամուտ էին նման հարաբերությանը՝ մեկ հստակ և անփիճեղի նպատակադրումով. Հայ Եկեղեցին բերել ղեպի Հոռմի կաթոլիկ Եկեղեցու դավանական սկզբունքներն ու ծիսական ավանդությունները և հայ եկեղեցական հեղինակությունը ենթարկված տեսնել պապական իշխանությանը:

Ես չեմ կարող մանրամասնել այս հարաբերությունների զանազան բնագավառները: Մեկ այլ տեղում ես վերլուծել եմ դրանց հիմնական ուղղությունները և գնահատել եմ այդ հարաբերության ցցուն կետերն ու բնույթը մեկ ուրիշ հոդվածում:

Անկախ հարաբերության վիճարանական բնույթից և դավանական հարցերում անպտուղ ելքից, Հայ Եկեղեցու մշակութային և ծիսական բնագավառներն ու գրականությունը մեծ ազդեցություն կրեցին: Այս բոլոր հարաբերությունների դրական արժեքն այն էր, որ ժամանակի արևմտյան մշակույթը հարստացման մի աղբյուր դարձավ գիտության և արվեստի, ինչպես գրականության, մանրանկարչության-պատկերազարդման, այնպես էլ կյանքի ընկերային պայմանների մակարդակների վրա:

Գ

Անցյալում Հայ Եկեղեցու էկոմենիկ հարաբերությունների որոշ կետերի, հոսանքների ու առանձնահատկությունների այս շատ համառոտ ուղղագծի ավարտին ես այժմ անցնում եմ իմ խոսքի երկրորդ մասին, որը վերաբերում է գերմանա-հայկական հարաբերություններին, հատկապես փոխադարձ անկեղծության, խոսույն արդյունքների և շղափելի իրադրոծումների առումով օրինակելի աստվածաբանական գիտական համագործակցությանը:

ԺԹ դարի վերջին Հայ Եկեղեցին, իր հոգևոր կենտրոն Սուրբ Էջմիածնով, էկոմենիկ տրամադրության մի նոր էջ բացեց՝ այս անգամ գերմանական աստվածաբանական գիտության ակադեմիական կենտրոնների ու շրջանակների և Գերմանիայի Բողոքական Եկեղեցիների հետ: Ձեզ առավել հայտնի է, քան ինձ, որ դարի վերջին երեք տասնամյակները գերմանական բողոքական աստվածաբանական մտքում կարևոր շրջադարձ արձանագրեցին: Քրիստոնեական պատմության վաղ դարերի պատմական ու հայրաքանական ուսումնասիրությունները տեղի տվեցին քրիստոնեական հավատքի էության մի նոր մեկնաբանությանը: Այս շրջանի բացառիկ ղեմերից մեկը՝ համաշխարհային ճանաչում ունեցող գիտնական-աստվածաբան Ադոլֆ ֆոն Հառնակն իրական ներդրում ունեցավ Գերմանիայում գերմանական աստվածաբանական մտածողության ուղղվածության մեջ, երբ միևեց ջատագովել քրիստոնեական հավատքի ազատագրումն իր դոգմատիկ խնդրումներից: Իր ծավալուն աստվածաշնչական ու հայրաքանական ուսումնասիրությունների և մասնավորապես իր գլուխգործոցը հանդիսացող յոթ հատորանոց «Էրոզմայի պատմություն» մեջ (Ամփոփումը հրատարակվեց մեկ հատորով՝ «Էրոզմայի պատմություն ուրվագիծ» խորագրի տակ) նա ցույց տվեց, որ Ավետարաններով հայտնված Քրիստոսի ուսմունքի պարզությունը մթաղնվել և անգամ աղավաղվել էր հունական փիլիսոփայական ու մետաֆիզիկական մտածողության չափանիշներով մոտենալու և մեկնաբանելու պատճառով: Իր համար Ավետարանի բովանդակության միջուկն իր բնույթով բարոյագիտական է: Գաղափարաբանական, մտահայեցողական և ռացիոնալիստական մեկնաբանությունները քրիստոնեական հավատքը տարել են դոգմատիկ ձևակերպումների ճանապարհով, որը վնասել է քրիստոնեական կրոնի գոյաբանական բնույթին: Քրիստոնեական հավատքի կենդանի ու կենսատու զորությունը, որն իր իսկ բնույթով այնքան ուղղակիորեն

երևում է մարդկային անձնավորություններին, մարդկային կյանքին ու փորձառութեանը, կորցրել է իր ուժը, վերածվելով, այսպես ասած, ամուլ դոգմայի՝ ձևակերպված ու հռչակված Եկեղեցու հեղինակությունների կողմից և խորապես ազդված ու պայմանավորված մտածողության փրկսովորական ռացիոնալիստական նմուշներով:

Այս մասնավոր աստվածաբանական գիտական մթնոլորտում հայտնվեցին երիտասարդ հայ ուսանողները (մեծավ մասամբ ձեռնադրյալ սարկավազներ), ովքեր Սուրբ Էջմիածնի Գևորգյան Ճեմարանից եկան Գերմանիա՝ Բեռլին, Լայպցիգ, Հալլե, Տյուբինգեն և այլուր, առաջ տանելու իրենց աստվածաբանական կրթութունը՝ բարձրագույն ուսման և հետազոտական աշխատանքի գերմանական կենտրոններում:

Իսկ չեմ կարող ամբողջական պատկերը տալ այն ամենի, ինչ նրանք ձեռք բերեցին Գերմանիայում ուսանելու ընթացքում, և որ ավելի կարևոր է, թե ինչ ձեռքբերում ունեցան իրենց Եկեղեցու կենտրոնն ու իրենց հայրենիքը վերադառնալուց հետո Սակայն վատահաբար նրանք մի նոր էլ բացեցին Գերմանիայի և Հայաստանի էկոմենիկ հարաբերությունների մեջ՝ դիսավորապես աստվածաբանական հետազոտության, հայրաբանական ուսումնասիրության և քրիստոնեական քարոզչության բնագավառներում:

Նման ուսանողների մեծ քանակի միջից (կարապետ Տեր-Մկրտչյան, Գևորգ Չլոբեքչյան, Գարեգին Հովսեփյան, Կոմիտաս վարդապետ, Հուսիկ Ջոհրաբյան, Երվանդ Տեր-Մինասյանց և ուրիշներ) ես կկամենայի առանձնացնել երկու անուններ, որոնք մասնավոր արժեք ունեն ինձ համար՝ Կարապետ Տեր-Մկրտչյան և Գարեգին Հովսեփյան:

Առաջինը որոշիչ դեր է ունեցել իմ աստվածաբանական ուսումնասիրությունների մեջ, քանզի իր գրքերն ու հոգվածներն ինձ ոչ միայն սեղ եմ գիտական իմացության իմաստով, այլև հատկապես աստվածաբանական կողմնորոշման, հետազոտական աշխատանքում առարկայական մեթոդաբանության և ուսումնասիրության նյութի ու առարկաների նկատմամբ մոտեցման իմաստով, որ ես կանխանեի ամբողջական մոտեցում:

Երկրորդը՝ հետաքալում կիրթվիտ Կաթողիկոս Գարեգին Հովսեփյանը, մեկ ուրիշ տեսակի խոր ներդրում ունեցավ իմ անձնական հոգևոր ու մտավոր կազմավորման մեջ, քանզի ես ճանաչեցի նրան Անթիլիասում, երբ շատ երիտասարդ ուսանող էի Գյարեվանքում և միանգամայն բավարար առիթներ ունեի իրեն լսելու ու տեսնելու դասարանում, իր անձնական աշխատասեյակում, եկեղեցու բեմին, դասախոսական ամբիոնին և այնպիսի տեղերում, ինչպես տպարանն ու գրադարանը, ուր նա հաճախ այցելում էր իր գրական գործերի, մասնավորապես իր կոթողային «Յիշատակարանք ձեռագրաց» աշխատության պատրաստության և հրատարակության առիթով:

Ժամանակը դարձյալ չափազանց կարճ է, որպեսզի ես կարողանամ ինձ թույլ տալ ներկայացնելու ողջ աստվածաբանական ու գիտական աշխատանքը գերմանական գիտական կազմավորում ունեցող այս մեծ գիտնականների, որոնց իրենց ուսումը մեծապես օգնեց Հայ Եկեղեցում իրենց առաքելութունը և հայ մշակույթի մեջ իրենց ծառայութունն առաջ տանելու ընթացքում:

Ես կկամենայի ընդամենը ակնարկել որոշ բնագավառների, անշուշտ շատ ընտրողական և ընդհանրացնող ձևով:

Հայաստան վերադառնալուց հետո՝ 1894-ին և 1897-ին, Կարապետ Տեր-Մկրտչյանն ու Գարեգին Հովսեփյանը ընդգրկվեցին հիմնականում ծառայության չորս տիրույթներում:

ա) Աստվածաբանական կրթության (Դասավանդում էլմիածնի ձեմարանում կատարելով տեսչի և գասախոսի պարտականությունները)։

բ) կրոնական քարոզչություն խոսքով և գրչով՝ քարոզների և հոգվածների միջոցով, յափահասների կրթության համար, հիմնականում որպես Ամենայն Հայոց կաթողիկոսության «Արարատ» պաշտոնական ամսագրի խմբագիր և աշխատակից։

գ) Վարչական աշխատանք եկեղեցական կենտրոնում և զանազան թեմերում որպես թեմակալ առաջնորդ կամ հայրապետական պատվիրակ և դպրոցի ուսուցիչ։

դ) Գիտական հետազոտական աշխատանք՝ հայրաքանական գրականության, հայ արվեստի պատմության (ձեռագրեր, մանրանկարչություն, ճարտարապետություն, քանդակագործություն), ազգային պատմության հետ ներհյուսված եկեղեցու պատմության բնագավառներում։

Դուք լավ եք հասկանում, որ անհնարին կլինի սպառել կերպով ներկայացնել իրենց աշխատանքն այս բոլոր տիրույթներում։ Այն կարիք կունենա դասախոսությունների, հոգվածների և անգամ հատորների մի երկար շարքի իրենց գրական աշխատանքն ամբողջապես ներկայացնելու համար։ Վստահաբար, ծառայության այս չորս ասպարեզներից ամենաարդյունավետ ու արժեքավոր մասը եղել է վերջինի՝ իրենց կողմից կատարված աստվածաբանական և գիտական աշխատանքը։

Ս. Իրենեոս Լիոնացու հունական բնագիրը կորած «Յույցք առաքելական քարոզութեան» գործի հայերեն տարբերակի, նույն Ս. Իրենեոսի «Ընդդէմ հերձուածողաց» կոթողային աշխատության որոշ գրքերի ու պատառիկների, Տիմոթեոս Կուզի «Ընդդէմ ժողովուրդի Քաղկեդոնի», վերուհիշյալ «Կնիք հաստոյ» ժողովածուի հայտնաբերումը Կարապետ Տեր-Մկրաչյանի կողմից, իսկապես էական ներդրումներ եղան քրիստոնեական հայրաքանական գիտության մեջ։

Գարեգին Հովսեփյանի կողմից Հայ եկեղեցու Ը դարի հայերեկց խորովիկ թարգմանչի դասական (քրիստոսաբանական) ճառերի գյուտը և հայ արվեստի պատմության, ձեռագրերի մանրանկարչության ու հիշատակարանների մասին մի շարք գիտական հոգվածներն ու գրքերն, անկասկած, արժեքավոր ծառայություն են մատուցել հայագիտական ուսումնասիրությունների զարգացման գործում։

Ինչը ես կկամենայի նշել իմ այսօրվա խոսքի մեջ, այն է, որ այս երկուսն իրենց ուրիշ ընկերների հետ միասին մտածողության և քրիստոնեական հավատքի մեկնաբանության մի նոր աստվածաբանական ուղղություն ներմուծեցին Արևելյան Հայաստանի Հայ եկեղեցում։ Նրանք ամբողջությամբ օգտագործեցին բոլոր այն առավելությունները, որ իրենք ձեռք էին բերել Գերմանիայում ստացած կրթությամբ։ Իրենցով, իրենց ամուր գիտական աշխատանքով, գիտական մոտեցումը եկավ փոխարինելու աստվածաբանական գրությունների ու կրոնական քարոզության, այսպես ասած, գուտ ափանդական ու ափանդապաշտական նեղ մոտեցմանը։

Հայաստանում իրենց ծառայությունները հիմք դրեցին վերանորոգական աշխատանքի մի նոր դարաշրջանի՝ առանց վտանգի ենթարկելու իրենց մայրենի եկեղեցու Ավանդության ճշմարիտ, վավերական բնույթն ու կենդանի նկարագիրը, ինչպես Կոմիտաս վարդապետը հայ երաժշտությունը մաքրեց հետսամուտ անվավեր ու աղավաղող ազդեցություններից ու ձևախեղումներից և վերականգնեց նրա ճշմարիտ պատկերը, այնպես էլ Կարապետ Տեր-Մկրաչյանն ու Գարեգին Հովսեփյանը փորձեցին վերահայտնագործել Հայ եկեղեցու աստվածաբանական, հոգևոր, մտավոր ու մշակութային ավանդության նախնական դինամիկ առանձնահատկությունները։

Ես հիշում եմ հանգուցյալ կաթողիկ աստվածաբան Հ. Իվ Կոնգարին, ով Վատիկանի Բ ժողովի հրավիրումը բացատրում էր՝ Հռոմի կաթողիկ եկեղեցու

Եվ ապա նա շարունակում է խոսել քրիստոնեական հավատքի սկզբունքային կատեգորիաների կամ հիմնական սկզբունքների մասին՝ կապված մարդկային կյանքի զանազան երեսների հայկական միջավայրի հետ: Հետևյալ հոդվածների որոշ վերնագրերն ինքնին ավելի քան պերճախոս են այս իմաստով՝ «Ավետարան և աշխարհ», «Ավետարան և աղքատություն», «Ավետարան և հեղինակություն», «Ավետարան և մշակույթ (կամ քաղաքակրթություն)» ևն:

Գարեգին Հովսեփյանն իր կենդանության օրոք (1947) հրատարակեց իր աստվածաբանական ու քարոզխոսական գրությունների, ճառերի և այլ ժողովրդական ելույթների ժողովածուն մեկ հատորի մեջ՝ «Դեպի լույս և կյանք» նշանակալից խորագրով: Այն գրությունները, որոնք պատկանում են եկեղեցական ծառայության վաղ տարիներին՝ 1897-1910, շոշափում են նույն հարցերը՝ միևնույն գիտական մոտեցումով: Ահա մի քանի հատկանշական վերնագրեր՝ «Բրիստոնեություն՝ ճանապարհ դեպի կատարելություն», «Կյանքի քանալին», «Գիտություն և Եկեղեցի», «Բրիստոնյայի իդեալը», «Եկեղեցու կոչումը պատմության լույսի տակ» ևն:

Գիտնականների մեծ մասը, հայ եկեղեցական այս երկու պատկառելի դեմքերի կյանքն ու գործն ուսումնասիրելիս, սովորաբար իրենց ուշադրությունը կենտրոնացնում են նրանց պատմագրական ու բանասիրական ժառանգության գիտական և հաճախ աշխարհիկ բնազավածների վրա: Հազվադեպ են նրանք շոշափում նրանց գրական ժառանգության կրոնական, աստվածաբանական և բարոյագիտական երեսները:

Ես կարծում եմ, որ արդարացի կլինեմ, եթե ասեմ, որ գերմանական կրթություն ստացած Հոգևորականությունը, որոնց ես հիշեցի իմ խոսքի այս ուրվագծային ծավալման մեջ, և մասնավորապես նրանց մեջ երկու ամենահայտնի դեմքերը՝ Կարապետ Տեր-Մկրտչյանն ու Գարեգին Հովսեփյանը, մի նոր էջ բացեցին, որն այսօր ես կանվանեի աստվածաբանական ու եկեղեցական «վերածննդյան շարժում»: Դժբախտաբար այն կարճ կյանք ունեցավ: Պետք է ընդունել, որ Հոգևոր վերազարթոնքի և աստվածաբանական ոգեղինացման այս նոր հոսանքի նախաձեռնողներն ու ջատագույնները չթալլեցին «ի վայրի դալարում» և չնավարկեցին «ի ջուրս հանգստեան» (Սաղմ. ԻԲ 2): Աստվածաշնչյան Սաղմոսների լեզվով ասած: Ավանդապաշտ հատվածները կոտրվելու համար քաղական ամուր էին: Նրանք ընդհանրապես պատկերվեցին և մեղադրվեցին գերմանական բողոքական աստվածաբանական մտածողությունից խորապես ազդված լինելու և իրենց Հայրերի հավատարմությանն ու հայ ուղղափառ ավանդությանը դավաճանած լինելու մեջ:

Սակայն ներդրումն արված էր, և նրանց գործը նույնիսկ այսօր ներշնչման աղբյուր է դարձել Հոգևորականության նոր սերնդի համար, որ պատրաստվում է Սուրբ էջմիածնում Հայաստանի ազատության ու անկախության այս տարիներին և Հայ Եկեղեցու վերականգնման այս որոշիչ ու ճակատագրական ժամանակներում:

Դ

Այսօր մենք մի «նոր իրադրության» առջև ենք գտնվում համաշխարհային քրիստոնեության մեջ՝ և՛ այստեղ՝ Գերմանիայում, և՛ իմ մայրենի երկիր Հայաստանում: Եթե ես ճիշտ եմ կարդում «Ժամանակի նշանները»՝ Աստվածաշնչի խոսքերով ասած, աստվածաբանական մտածողության ու Հոգևոր կյանքի նոր հոսանքներ կան: Էկումենիկ շարժումն անցնում է ամենադժվարին ու պատասխանատու ժամանակահատվածի միջով: Մերօրյա գիտական, արդյունաբերական,

է, Հոգեւոր արժեքների ձգտումն այստեղ է. ժողովուրդը դաժան կարիքի մեջ է, ժողովրդի ավետարանական պատկերը նույնքան իրական է այսօր, ինչպես մեր Տիրոջ ժամանակ. «Հուճճը առատ է, իսկ մշակները՝ սակաւ»։ արդ, աղաչեցէք ՌՃԻ Տիրոջը, որ մշակներ ՌՃԻ իր ՌՃԻ ՌՃԻ (ՄԱՏՔ. Թ. 37-38), Սակայն եթե ձախողվենք դրան ճիշտ և համարժեք պատասխան տալու մեջ, մենք աստվածապարզ և հնարավորությունը բաց թողած կլինենք, Այդպիսով, ստեղծված դատարկությունը անպայմանորեն կլցվի մեր քրիստոնեական հավաքին խորթ և անգամ հակառակ տարրերով։

Եվ այստեղ, գերազույն կարևորության և հրատապ բնույթի այս խնդրի մեջ մենք ուրիշ Եկեղեցիների ու երկրների (ներառյալ Գերմանիայի) մեր քրիստոնյա եղբայրների ու քույրերի համերաշխության կարիքն ունենք, Մենք այժմ ակտիվորեն ներգրավված ենք Եկեղեցու ծառայողներ՝ Հոգեւորականների ու աշխարհականների, տղամարդկանց ու կանանց նոր սերունդ պատրաստելու անմիջական կենսական գործի մեջ, ովքեր կկարողանան առաջ տանել Եկեղեցու Քրիստոսատուր առաքելությունը և այն ժողովրդի համար դարձնել մատչելի, ընդունելի և արձագանքելի։

Մի խոսքով, մենք կարիքն ունենք նման մի սերունդ կազմավորելու գործընթացի մեջ մտնելու, որը կկարողանա վերստեղծել պատկերը և վերակենդանացնել ոգին և մտավոր ու բարոյական կերպարը այնպիսի դեմքերի, ինչպիսիք են կարապետ Տեր-Մկրտչյանն ու Գարեգին Հովսեփյանը, Անկեղծ էկոմենիկ հարաբերության մի խոր ուղի պետք է սկսվի Հայաստանի մեր Եկեղեցու և գերմանական կաթոլիկ ու Բողոքական Եկեղեցիների միջև, Ես անկեղծորեն հույս ունեմ, որ համաշխարհային հաղորդակցության նոր դուռները մեզ օգնելու են նման մի համագործակցության հետամուտ լինելու մեջ՝ ի բարօրություն մեր համապատասխան Եկեղեցիների և ի խնդիր Քրիստոսի Եկեղեցու միության ու առաքելության։

Ամեն ինչ կախված է մեր կամեցողությունից ու անկեղծությունից, մեր էկոմենիկ մասնակցության վավերականությունից, հաստատակամությունից և համառությունից, Անցյալի փորձառությունը չպետք է մնա որպես «արված բաների» հիշողություն, այլ պետք է ներշնչման աղբյուր դառնա «արվելիք բաների» համար և պետք է արվի ընդհանուր վճռական մասնակցությամբ՝ ներկայումս և ապագայի հեռանկարով ու տեսլքով։

ԱՅՅԵԼՈՒԹՅՈՒՆ ՀԱԼԵԻ ՀՆԱԳՈՒՅՆ ՄՈՐԻԹՅԱՌՈՐԳ ԹԱՆԳԱՐԱՆ, ՀԱՆԳԻՊՈՒՄ ԲԱՂԱԲԱՊԵՏ ԿԼԱՌԻՍ ՌԱՌԻԵՆԻ՝ ՀԵՏ

Այստեղից Նորին Սուրբ Օծությունն իր շքախմբով առաջնորդվեց դեպի Հայլե քաղաքի հնագույն Մորիթսբուրգ թանգարան։ Բարձրաստիճան հյուրերին թանգարանի մուտքի մոտ դիմավորեց քաղաքապետ Կյաուս Ռաուենը։ Գեղեցիկ և հարուստ ցուցադրանքներով ձևավորված սենյակներից մեկում տիար Ռաուենը բարիգալստյան ձեռք խոսքեր ասաց Հայոց Գարեգին Ա Կաթողիկոսին, շնորհավորեց համալսարանի աստվածաբանական ֆակուլտետի բարձրագույն տիտղոսին արժանա-նայու համար, ապա անդրադարձավ հայ-գերմանական հարաբերու-թյուններին, ի մասնավորի՝ Հայլե քաղաքի և Հայաստանի միջև գոյություն ունեցող մշակութային կապերին, և խոսքն ավարտեց հայերեն նախադասությամբ. «Բարի գալուստ, Վեհափառ Տեր, Հայլե քաղաք»։

Ապա Նորին Սրբությունը փոխադարձեց իր պգացումները և արտահայտեց ուրախությունն այսքան ջերմ ու սիրալիր ընդունելության համար, միաժամանակ նշեց, որ թանգարանը մեծ հարստություն է ամբարել իր պատերի ներսում: Եվ այցելել Հայլե և չլինել Մորիթսբուրգում, նշանակում է շատ արժեքավոր բան կորցնել:

Հանդիպման վերջում փոխանակվեցին հուշանվերներ: Նորին Սրբությանն այստեղ հանձնվեցին հնատիպ ու արժեքավոր զրքեր:

ԱՅՅԵԼՈՒԹՅՈՒՆ ՖՐԱՆՔԻՍԿԻՍԿԻՍԿԻՍԿԵ STIFTUNG) ՀԻՄՆԱՐԿՈՒԹՅՈՒՆ

Մորիթսբուրգ թանգարանից Նորին Սուրբ Օծությունն իր շքախմբով, պրոֆեսոր Հերման Գոյցի ուղեկցությամբ, այցելեց Հայլե քաղաքի Ֆրանկիսկյան Հիմնարկություն (Franckische Stiftung), ուր ևս դիմավորվեց առանձին սիրով և ջերմությամբ: Այստեղ վեհափառ Հայրապետը շրջեց սրահներով, դիտեց ապերի այբուբենների ցուցատախտակը, ուր մյուսների շարքում իր ուրույն տեղն է վբաղեցնում Հայոց Մեսրոպարար այբուբենը՝ գեղարվեստորեն նկարապարզված տառերով:

Ֆրանկիսկյան Հիմնարկությունում նույնպես հանդիպումն ավարտվեց հուշանվերների հանձնումով: Հայոց Հայրապետին այս անգամ ևս նվիրեցին հնատիպ ու արժեքավոր զրքեր:

Երեկոյան Գարեգին Ա Կաթողիկոսն իր շքախմբով վերադարձավ Բոլն:

ԱՅԼ ՀԱՆԴԻՊՈՒՄՆԵՐ

Հունվարի 29-ի հինգշաբթի օրը ևս Նորին Սրբության համար հազեցած էր աշխատանքային եռույեռով: Առավոտյան Բոլնում Ամենայն Հայոց Հայրապետը հանդիպումներ ունեցավ Եվրոպական հորհրդարանի ներկայացուցիչների հետ, որոնց Նորին Սրբությունը ծանաչում էր դեռևս Մայր Աթոռ Սուրբ Էջմիածնից, երբ նրանք այցելել էին Հայաստան:

Հանդիպումների ընթացքում ծավալվեց մտերմիկ պրույց, շոշափվեցին երկկողմանի հետաքրքրություններ ներկայացնող հարցեր: Առանձնակի շեշտվեց Հայ Եկեղեցու և նրա առաջնորդի կատարած մեծ աշխատանքը Եկեղեցիների համեղբայրության շրջանակներում, ինչպես նաև հայ ժողովրդի հոգևոր վերապարթոնքի ուրախատիժ փաստը:

Հանդիպումներից հետո Գարեգին Ա Ամենայն Հայոց Կաթողիկոսը հյուրանոցի իր հարկաբաժնում մի շարք հարցապրույցներ տվեց տեղական լրատվական ծառայությունների ներկայացուցիչներին:

**ՆՈՐԻՆ ՍՐԲՈՒԹՅԱՆ ՀԱՆԴԻՊՈՒՄԸ
ԳԵՐՄԱՆԻԱՅԻ ԿԱԹՈՂԻԿԵ ԵԿԵՂԵՑՈՒ
ԵՊԻՍԿՈՊՈՍԱԿԱՆ ԺՈՂՈՎԻ ՆԱԽԱԳԱՀ
ԿԱՐԼ ԼԵՀՄԱՆԻ ՀԵՏ**

Օրվա երկրորդ կեսին, ժամը 14.00-ին, Ամենայն Հայոց Կաթողիկոսն իր շքախմբով մեկնեց Բոլն, ուր հանդիպում ունեցավ Գերմանիայի

Կաթողիկե Եկեղեցու եպիսկոպոսական ժողովի նախագահ պրոֆեսոր դոկտոր Կարլ արքեպիսկոպոս Լեհմանի (Erzbischof Prof. Dr. Karl Lehmann) հետ:

Բարեողջույնից հետո, Կարլ Լեհմանը Նորին Սրբությանը նախ ժանոթացրեց ներկաներին՝ եպիսկոպոսական ժողովի քարտուղար, Թրիերի եպիսկոպոս Լեո Շվարցը (Leo Schwarz), միջեկեղեցական հարաբերությունների պատասխանատու Ավգուստ Կորց (August Gords) եպիսկոպոսը, ուսումնական համձնախմբի պատասխանատու Հայր Բոքենհարդը (Pater Bockenhard), արտաքին հարաբերությունների պատասխանատու Վիսմենը (Wissmenn), պրոֆեսոր Լեհմանի փոխանորդ և քարտուղար Լանգենդենրֆերը (Langendorfer):

Պրոֆեսոր Լեհմանից հետո իրեն ուղեկցողներին ներկայացրեց նաև Վեհափառ Հայրապետը: Նորին Սրբությանն ընկերակցում էին Գարեգին և Նորվան եպիսկոպոսները, ինչպես նաև Սոաջնորդարանի ղեկավարապետ Վաչրիկ Բապիր:

Հանդիպման ընթացքում Նորին Սրբությունը ներկայացրեց Հայ Եկեղեցու ներկա իրավիճակը 70 տարիների համայնավարական կարգերից հետո, մտահոգություն հայտնեց Հայաստանում աշխուժացած աղանդավորական շարժումների առիթով, որոնց հիմնական նպատակը մարդորսությունն է և հավատափոխությանն ուղղված աշխատանքը: Վեհափառ Հայրապետը անդրադարձավ նաև Հայաստանում մեր Եկեղեցու ներկա պահանջներին: Իբրև ասվածի արձագանք, Կաթողիկե Եկեղեցու ներկայացուցիչները խոստացան օժանդակել Հայ Եկեղեցու վարդապետության տարածմանը՝ հոգևոր գրականության տպագրման ճանապարհով:

Հանդիպման վերջում, ի պատիվ Նորին Սուրբ Օծության, եպիսկոպոս Լեհմանի կողմից Դրեսեն հյուրանոցի սրահում տրվեց պաշտոնական ճաշ:

ՀԱՆԴԻՊՈՒՄ ՅՈՒՆԵՍԿՈՒՆԻ ՈՒՍՈՒԻ ՀԵՏ

Հունվարի 30-ին, ուրբաթ օրը, առավոտյան ժամը 10.00-ին, Ն.Ս.Օ.Տ.Տ. Գարեգին Ա Ամենայն Հայոց Կաթողիկոսին ընդունեց Հյուսիսային Հոենոսի և Արնեյյան Ֆալիա նահանգի նահանգապետ տիար Յոհաննես Ռաուին (Johannes Rau):

Խոսակցության թեման երկու երկրների, քույր Եկեղեցիների համագործակցության խորացումն էր, Գերմանիայի տվյալ նահանգում իրենց բնակությունը հաստատած հայ ժողովրդի վավակների հետ առկա խնդիրները, ինչպես նաև Եկեղեցիների համեղբայրությունը:

Անդրադարձ եղավ նաև Հայաստանի նորանկախացյալ Հանրապետության ներկա կացութաձևին, Հայ Եկեղեցու այսօրվա դերին, ինչպես նաև հոգևոր վերապարթոնքի ուղին բռնած ժողովրդի առջև ծառացած խնդիրներին:

Վերջում փոխանակվեցին հուշանվերներ:

ՀԱՆԴԻՊՈՒՄ ՔԼԱՈՒՍ ՔԻՆԿԵԼԻ ՀԵՏ

Քիչ ուշ, ժամը 11.00-ին Նորին Սրբությանն ընդունեց Գերմանիայի Դաշնության Արտաքին գործերի նախարար տիար Քլաուս Քինկելը (Klaus Kinkel):

Ջրույցի ընթացքում, ինչպես նախորդ հանդիպմանը, խոսվեց Հայաստանի ներկա իրավիճակի և խնդիրների, Ղարաբաղյան հիմնահարցի խաղաղ ճանապարհով կարգավորման հարցերի շուրջ:

Քննարկվեցին նաև հայ-գերմանական կապերի ամրապնդմանը վերաբերող հարցեր, Հայաստանին հույսով խնդիրները, շոշոփվեցին թե՛ քաղաքական, թե՛ մշակութային երկկողմանի հարաբերություններին առնչվող թեմաներ:

Երկու հանդիպումների ընթացքում վեհափառ Հայրապետին ուղեկցում էին Գերմանիայի հայոց թեմի առաջնորդ Գեր. Տ. Գարեգին եպս. Բեգլյանը, Կենտրոնական Եվրոպայի Հայրապետական պատվիրակ և Փարիզի առաջնորդ գերաշնորհ Տ. Նորվան եպս. Չաքարյանը, հոգևոր հայրեր և ազգայիններ:

Հանդիպման վերջում փոխանակվեցին հուշանվերներ, ապա Հայոց Հայրապետը, արտգործնախարար պարոն Քինկելի խնդրանքը, աղոթեց վերջինիս համար:

ԸՆԴՈՒՆԵԼՈՒԹՅՈՒՆ ՀՀ ԴԵՍՊԱՆԱՏԱՆԸ

Նույն օրը, երեկոյան, ի պատիվ Նորին Սրբության, Բոննում, Հայաստանի Հանրապետության դեսպանատանը, տրվեց պաշտոնական ճաշ:

Մինչ հանդիսույթը, վեհափառ Հայրապետը մուտք գործեց դեսպանատուն, օրհնեց ավանդական աղն ու հացը:

Ապա Գերմանիայում Հայաստանի արտակարգ և լիազոր դեսպան տիար Սշոտ Ոսկանյանը հակիրճ տեղեկություններ տվեց դեսպանատան գործունեության մասին:

Շքեղ սրահում կազմակերպված հյուրասիրությանը ներկա էին 200-ից ավելի հրավիրվածներ, այդ թվում՝ ՀՀ Դեսպանության աշխատակազմը, Գերմանիայում հավատարմագրված տարբեր երկրների արտակարգ և լիազոր դեսպաններ, դիվանագիտական այրեր, Քույր Եկեղեցիների բարձրաստիճան հոգևորականներ, տեղական իշխանությունների ներկայացուցիչներ, նշանավոր ազգայիններ, հյուրեր:

Ճաշկերույթն սկսվեց Տերունական աղոթքով, ապա ՀՀ Արտակարգ և լիազոր դեսպանը ողջույնի խոսք ուղղեց ներկաներին, մեկ անգամ ևս բարի գալուստ մաղթելով Ամենայն Հայոց Հայրապետին՝ օրհնաբեր այս այցելության համար:

Նորին Սուրբ Օծությունը, շնորհակալական խոսք ուղղելով ՀՀ Դեսպանությանը իրեն տրված պատվի և հյուրասիրության համար, միաժամանակ իր հովվապետական այցելությունն ի Գերմանիա, քնորոշեց այսպես.

«Կու գամ ճանչնալու մեր ժողովուրդը և ճանչցվելու իմ ժողովուրդեն» և ավելացրեց.

«...Ինձի համար այս պահը մասնավոր նշանակություն ունի ամբողջ հովվապետական այցելության իմ չրջանին: ... Իմ նախորդներից ոչ մեկը, սրանից դարեր նույնիսկ առաջ, երբ ուրիշ երկիր էին գնում, իրենք իրենց երկրի, իրենց ժողովրդի, իրենց պետության դեսպանատան մեջ երբեք չէին ընդունվում: Ես ալ, եթե յոթը տարի առաջ եկած լինեի, ես էլ պիտի չունենայի մեր Հարգարժան դեսպանը, և մենք այսօր Աստծուն փառք ենք

הרב אברהם יצחק הכהן קארלין, הרב יצחק יוסף, הרב יצחק יוסף, הרב יצחק יוסף



הממונה על השירותים הרוחניים, הרב יצחק יוסף, עם הרב יוסף יוסף, ראש הכולל, ורבי יוסף יוסף, ראש הכולל.



տալիս, որ վերագտանք, Աստուծո օգնությամբ վերագտանք մեր երկրի ազատությունը և անկախությունը, որ Աստուծո տված տուրքն է ու օրհնությունը: Հետևաբար ես իմ շնորհակալություններն եմ Հայտնում պարոն Ոսկանյանին, որ ձեզ բոլորը հրավիրեց, որ ես տեսնեմ, թե դուք էլ Հայոց երկրի անկախությունը ողջունում եք և գնահատում եք:

Այս երկրում՝ Գերմանիայում, եվրոպական ուրիշ երկրներում առհասարակ Հայության մասին այն զաղափարը կա, որ մենք ջարդվել ենք, Հայածվել ենք, ցեղասպանության ենթարկվել ենք, մի խոսքով Հայր զաղթականի պատկեր է ցույց ափել աշխարհում: Փառք Աստուծո, այսօր մենք 20-րդ դարը վերջացնում ենք արևը տեսնելով մեր երկրում, ազատության և անկախության արևը, որովհետև մենք դարի սկզբին տեսանք խավարը, մութը, արյունը, լացը: Եվ այսօր տեսնում ենք Աստուծո աչքը պայծառ հսկում է մեր երկնքում: Ես իմ շնորհակալությունը Հայտնեցի այս երկրի վարչապետ դոկտոր Հելմուտ Քոլին, նաև այսօր արտաքին գործոց նախարարին՝ պարոն Քրիսկելին և նաև ձեր անձերի միջոցով, դեսպանների միջոցով իմ շնորհակալություններն եմ Հայտնում ձեր երկրների ղեկավարներին, որոնք այս նորածին, նորարույս մեր Հանրապետության գորավիզ կանգնեցին:

Աշխարհը պետք ունի խաղաղության և արդարության: Մանավանդ այդ տարածաշրջանին՝ Կովկասյան աշխարհում: Եկեք բոլորս միասին ձեռք-ձեռքի տանք, որ պատերազմ չլինի, զինական բախումներ չլինեն և մարդու պատիվ բերող եղանակներով լուծվեն բոլոր հարցերը: Թող Աստված օրհնի Գերմանիան և ձեր բոլոր երկրները»:

Ներկաներին իր ողջույնի խոսքը հղեց նաև պրոֆեսոր տիկին Անդրեա Եմիտը և խոսքի վերջում Վեհափառ Հայրապետին նվիրեց կիլիկյան ջրջանի 12-րդ դարի մի ձեռագիր Ավետարանի գիտական հրատարակությունը, որում տպագրված են վերոհիշյալ ձեռագիր Ավետարանում պատկերապարզված մանրանկարներից և գունավոր պատկերներից:

Ընդունելության ընթացքում հյուրերին սրտի խոսք ասաց նաև Բոնն քաղաքի փոխքաղաքապետը:

Հանդիսություն ավարտվեց հուշանվերների փոխանակումով:

ՀԱՆԴԻՊՈՒՄ ԲՅՈՒՆԻ ԿԱՐԴԻՆԱԼ ԵՈՍԽԻՄ ՄԱՅՁՆԵՐԻ ՀԵՏ

Հունվարի 31-ին, շաբաթ օրը, առավոտյան ժամը 9.00-ին, Նորին Սուրբ Օծույթունը հանդիպեց Բյուրի կարդինալ Եոախիմ Մայսների (Joachim Meisner) հետ:

Վեհափառ Հորն ընկերակցում էին Գերմանիայի հայոց թեմի առաջնորդ գերաշնորհ Տ. Գաբեզին եպս. Բեգլյանը, Գյուտ և Նորվան Սրբապանները, թեմի հոգևոր դասը, ինչպես նաև հայ համայնքի ներկայացուցիչներ:

Ջրույցի ընթացքում կարևորվեց միջեկեղեցական հարաբերությունների և քրիստոնեական եղբայրության անհրաժեշտությունը: Խոսակցության նյութ դարձան նաև Գերմանիայի Առաջնորդությունն ու նրա առջև ծառացած խնդիրները, Հայաստանի տնտեսական ու

քաղաքական ներկա կացությունը. Հայ Եկեղեցու դերը՝ հոգևոր վերապարթոնք ապրող հայ ժողովրդի կյանքում:

Հանդիպման վերջում փոխանակվեցին հուշանվերներ:

ԷԿՈՒՄԵՆԻԿ ԱՂՈԹՔ ՔՅՈՒՆԻ ՄԱՅՐ ՏԱՃԱՐՈՒՄ

Պաշտոնական ընդունելությունից հետո, Նորին Սրբությունն իր շքախմբով, ինչպես նաև կարդինալ Եռախիմ Մայլների ընկերակցությամբ, առաջնորդվեց դեպի Քյոլնի փառավոր Մայր Տաճար:

Կանոնական աղոթքից հետո, հայ հոգևորական դասը երգեց «Ուրախ լեր» շարականը:

Հավարտ էկումենիկ աղոթքի, վեհափառ Հայրապետը հոգվոց կարդաց Տաճարում թաղված, իրեն նախկինում ծանոթ կարդինալ Ֆրինսկի դամբարանի առջև՝ հանգուցյալի հոգու խաղաղության համար:

Այնուհետև հոյակերտ Տաճարի վերջին ճարտարապետը Հայոց Հայրապետին ի մոտո ծանոթացրեց Տաճարի ճարտարապետական լուծումներին, մանրամասն բացատրություններ տվեց, և ապա պատվարժան հյուրերը դիտեցին Տաճարի առավել կարևոր ու նշանավոր հատվածները:

ՀԱՆԴԻՊՈՒՄ ԳԵՐՄԱՆԱՀԱՅ ԵՐԻՏԱՍԱՐԴՈՒԹՅԱՆ ՀԵՏ

Նույն օրը, երեկոյան, վեհափառ Հայրապետը, Գերմանիայի Հայոց Առաջնորդարանի նախաձեռնությամբ, Քյոլնի հայ համայնքի սրահում հանդիպում ունեցավ գերմանահայ երիտասարդության հետ:

Նախ բացման խոսքով հանդես եկավ Քյոլնի հոգևոր հովիվ արժանապատիվ Տ. Մյուռոն քահանա Սարգսյանը և, հանուն գերմանահայ երիտասարդության, բարի գալուստ մաղթեց Հայոց Հայրապետին՝ իր օրհնաբեր այցելության ուրախ առիթով:

Այնուհետև Նորին Սրբությունն իր հայրապետական պատգամը հղեց երիտասարդներին՝ հորդորելով մշտապես հավատարիմ մնալ նախնյաց ավանդին, Հայ Առաքելական Եկեղեցուն և Հայրենիքին: Հայր հարեանել է իր լեզվով ու երկաթագիր գրերով: «Աշխարհի որ ծագում է ապրելիս լինեք,- շեշտեց Նորին Սրբությունը,- երբեք մի՛ մոռացեք մայրենի լեզուն ու մայր Հայրենիքը»:

Իր պատգամից հետո, Գարեգին Ա Կաթողիկոսը պատասխանեց ներկաների հարցերին:

Հավարտ հանդիպման, երիտասարդները, որպես գեղեցիկ հուշ, նկարվեցին իրենց հոգևոր առաջնորդի հետ:

Նոգեհույզ հանդիպումն ավարտվեց վեհափառ Հոր «Պահպանիչ»-ով:

ՀՐԱԺԵՇՏԻ ՃԱՇ՝ ՔՅՈՒՆԻ ԹԵՄԱԿԱՆ ԽՈՐՀՐԴԻ ԿՈՂՄԻՅ

Երիտասարդության հետ հանդիպումից հետո, Գերմանիայի Հայոց Առաջնորդության Թեմական Խորհրդի կողմից, ի պատիվ Նորին

Սրբության, Մարիթիմ հյուրանոցի շքեղ սրահում տրվեց հրաժեշտի ճաշ, որին ներկա էին ոչ միայն Թեմական հոգևորի անդամները, այլև Գերմանահայոց հոգևոր դասը, քույր Եկեղեցիների և տեղական իշխանությունների ներկայացուցիչները, պաշտոնատար այլ անձինք:

Ճաշի ընթացքում իրենց սրտի խոսքը Հայոց Հայրապետին հղեցին Թեմական հոգևորի ատենապետ դոկտոր Սարգիս Քեհյայանը, գերաշնորհ Տ. Նորվան եպս. Չաքարյանը, թեմի առաջնորդ գերաշնորհ Տ. Գարեգին եպս. Բեգյանը:

Այա ջերմ ընդունելության համար իր խորին շնորհակալությունը ներկաներին հայտնեց Վեհափառ Հայրապետը՝ մաղթելով նրանց հարատևություն և հաջողություններ:

Հրաժեշտի ճաշի վերջում փոխանակվեցին հուշանվերներ:

ՎԵՀԱՓԱՐ ՀԱՅՐԱՊԵՏԸ ԲԵՌԼԻՆՈՒՄ

Փետրվարի 1-ին, կիրակի օրը, շարունակելով իր հովվապետական այցը Գերմանիա, Ն.Ս.Օ.Տ.Տ. Գարեգին Ա Սմենայն Հայոց Կաթողիկոսը մեկնեց Գերմանիայի նորահռչակ մայրաքաղաք Բեռլին:

Վեհափառ Հայրապետին ուղեկցում էին թեմի առաջնորդ գերաշնորհ Տ. Գարեգին եպս. Բեգյանը, Կենտրոնական Եվրոպայի Հայրապետական պատվիրակի փոխանորդ և Լիոնի առաջնորդ գերաշնորհ Տ. Նորվան եպս. Չաքարյանը, գավապանակիր հոգեշնորհ Տ. Արտակ արեղա Տիգրանյանը:

Նորին Սրբությանը դիմավորեցին Հյուս. Գերմանիայի հոգևոր հովիվ հոգեշնորհ Տ. Սերոփյե վրդ. Իսախանյանը, Բեռլինի հայ համայնքի ներկայացուցիչները, Գերմանիայի Ավետարանական Եկեղեցու պատվելի Մանֆրեդ Ռիխթերը, Գերմանիայում ՀՀ արտակարգ և լիազոր դեսպան Աշոտ Ոսկանյանը, լրագրող Համո Պետրոսյանը, տեղական իշխանությունների ներկայացուցիչները, պաշտոնատար այլ անձինք:

Բարեղջյունի խոսքերից հետո, շքախումբն առաջնորդվեց դեպի Բեռլինի Ավետարանական Եկեղեցու Մայր Տաճար:

ՀԱՅՍՏԵՍ Ս. ՊԱՏԱՐԱԳ ԲԵՌԼԻՆԻ ԱՎԵՏԱՐԱՆԱԿԱՆ ՄԱՅՐ ՏԱՃԱՐՈՒՄ

Մայր Տաճարի մուտքի մոտ Նորին Սրբությանը դիմավորեց տաճարի քարոպիչ Մարթին Բեեր (Martin Beer): Բարի գալուստյան խոսքից հետո, շքախումբն առաջնորդվեց դեպի Ավագ Խորան, ուր, ձեռամբ Տ. Նորվան եպս. Չաքարյանի, մատուցվեց հայածես Սուրբ և անմահ Պատարագ:

«Հայր մեր»-ից առաջ ներկա հավատացյալներին իր հայրապետական պատգամը հղեց Սմենայն Հայոց Հայրապետը: Նորին Սրբությունն իր քարոզչական անդրադառնալով Բեռլին քաղաքում բնակվող հայության վերջին հայրուրամյակի պատմությանը, բախտին ու ճակատագրին, քաջալերեց նրանց պատվախնդիր գործունեությունը: Շարունակելով իր խոսքը, Վեհափառ Հայրապետն ավելացրեց, որ ինքը «որպես Հայոց Հայրապետ չի գար երկրե մը, ուր կտիրե լացը, ցավը, սովը: Այլ կուգա երկրե մը, որը վերագտած է իր անկախությունն ու ազատությունը: Այսօր բացառիկ և անկրկնելի պատմական օր է բեռլինահայ գաղութի և հայ Կաթողիկոսների պատմության մեջ: Մեր նախորդներն

Բեռլին եկած էր Խրիմյան Հայրիկը՝ ջարդված, արյունաքամված Հայաստանեն: Այսօր առաջին անգամը ըլլալով, Հայոց Հայրապետը կուգա ձեզի ազատ, անկախ Հայաստանեն»: Վեհափառ Հայրապետն այսպես բնորոշելով հովվապետական իր այցելությունն ի Բեռլին՝ վերանորոգության ու վերապարթոնքի կոչ արեց բեռլինահայությանը:

Հավարտ Սուրբ և անմահ Պատարագի, Նորին Սրբությունը հայոց Մեծ եղեռնի և համաշխարհային երկրորդ պատերազմի զոհերի հիշատակի ծաղկեպսակ վետեղեց Բեռլինի բռնապոհների հուշարձան-կոթողին և «Հոգւոց» կարդաց նրանց հոգիների խաղաղության համար:

**ԷԿՈՒՄԵՆԻԿ ԱՂՈԹՔ ԵՎ ՀԱՆԳԱՆԱԿՈՒԹՅՈՒՆ՝
ԵՐԵՎԱՆՈՒՄ ԿԱՌՈՒՑՎՈՂ Ս. ԳՐԻԳՈՐ
ԼՈՒՍԱՎՈՐԻՉ ՄԱՅՐ ԵՎԵՂԵՑՈՒ ՀԱՄԱՐ**

Նույն օրը, երեկոյան, տեղի ունեցավ միասնական աղոթք՝ Կաթողիկե, Ավետարանական և Ուղղափառ քույր Եկեղեցիների ներկայացուցիչների մասնակցությամբ: Համատեղ աղոթքի ընթացքում հանգանակվեց գումար, որը հատկացվեց քաղաքամայր Երևանում կառուցվող Սուրբ Գրիգոր Լուսավորիչ Մայր եկեղեցու շինարարությանը:

Ապա հյուրընկալների կողմից ողջույնի ու բարիգալստյան խոսք ասաց Բեռլին-Բրանդենբուրգի Ավետարանական Եկեղեցու եպիսկոպոս պատվելի Վոլֆգանգ Հյուբերը (Wolfgang Huber): Նա խորին շնորհակալություն հայտնեց Նորին Սրբությանը՝ հրավերքին ընդառաջելու համար:

Վեհափառ Հայրապետը բարձր գնահատեց Քրիստոնյա Եկեղեցիներում այսօր իշխող եղբայրության ոգին, ինչպես նաև նրանց համատեղման, միասնական ու բարյացակամ հարաբերությունները և ընդգծեց.

«Անցյալ դարուն Խրիմյան Հայրիկը եկավ Բեռլին՝ մասնակցելու գազաթափողի մը: Ան ո՛չ դերմաներեն գիտեր, ո՛չ Ֆրանսերեն, ո՛չ անգլերեն...: Սակայն ան գիտեր բոլորին հասկանալի լեզուն, որ լացի ու բողոքի լեզուն էր: Որովհետև ան կուգար կոտորածի, ջարդի, ցավի Հայաստանեն: Դժբախտաբար սակայն քաղաքագետները այդ չէին հասկնար: Ահավասիկ այսօր ես կուգամ նույն երկրեն, նույն ազգեն, նույն Եկեղեցիեն և ունիմ լեզու մը, որ նորեն հասկնալի է բոլորին. դա էկումենիկ շարժման միութենական լեզուն է. քանի որ ես այսօր կուգամ անկախացած, Հարություն առած երկրեն մը...»:

Վեհափառ Հայրապետը հույս հայտնեց, որ ապագայում միջեկեղեցական շարժումները առավել մեծ ծավալների պիտի հասնեն Աստուծո փառքի և ժողովուրդների բարօրության համար:

**ՃԱՇ ԲԵՌԼԻՆԻ ՀԱՅ ՀԱՄԱՅՆՔԻ ԿՈՂՄԻՅ՝
Ի ՊԱՏԻՎ ՀԱՅՈՑ ՀԱՅՐԱՊԵՏԻ**

Համատեղ աղոթքից հետո, ի պատիվ Նորին Սուրբ Օծության, Բեռլինի հայ համայնքի կողմից տրվեց ճաշ, որին մասնակցում էին հայ

հոգևորականաց դասը, քույր Եկեղեցիների բարձրաստիճան հոգևորականները, Կաթողիկե Եկեղեցու կարդինալ Շթերցինսկին (Stierzinsky), Բրանդենբուրգի սենատի ներկայացուցիչ Ալմութ Բերգերը (Almuth Berger), սենատի մշակութային գործերով երեսփոխան Փաթերմանը (Pattemann), Բեռլին-Բրանդենբուրգի օտար համայնքների պատասխանատու պատվելի Բրիստֆրիդ Բերգերը (Christfried Berger), ինչպես նաև մեծաթիվ հայորդիներ:

Հոնթացս ճաշկերույթի բարեողջույնի խոսքեր ասացին առաջնորդ սրբապան հայրը, հոգեշնորհ Տ. Սերովբե վրդ. Իսախանյանը, տիկին Սոնա Սլբերը և պատվելի Մանֆրեդ Րիխթերը (Manfred Richter):

Նորին Սրբությունը, գնահատելով տիկին Սոնա Սլբերի երկարամյա և անձնվեր ծառայությունը համայնքի վարչությունում, նրան պարգևատրեց «Ներսես Շնորհալի» շքանշանով: Նույն պարգևին արժանացավ նաև Ավետարանական Եկեղեցու հովիվ պատվելի Մանֆրեդ Րիխթերը՝ համայնքին ցուցաբերած օժանդակությունների, ինչպես նաև Ղարաբաղի հիմնահարցին վերաբերվող գրքի հրատարակության համար:

Վեհափառ Հայրապետն այնուհետև «Օրհնության գրեք» շնորհեց Գերմանահայ երիտասարդական առաջին միության կապմակերպիչ և հայոց լեզվի ուսուցչուհի տիկին Երանուհի Հարթմանին և համայնքի խորհրդի վարչության անդամ և գերմանահայ մամուլի աշխատակից պարոն Համո Պետրոսյանին:

ՀԱՆԴԻՊՈՒՄ ԲՐԱՆԴԵՆԲՈՒՐԳԻ ՆԱՀԱՆԳԱՊԵՏ ՄԱՆՖՐԵԴ ՇԹՈՒՐԵԻ ՀԵՏ

Փետրվարի 2-ին, երկուշաբթի օրը, Վեհափառ Հայրապետն իր շքախմբով այցելեց Պոտսդամ քաղաք, ուր հանդիպում ունեցավ Բրանդենբուրգի նահանգապետ տիար Մանֆրեդ Շթոլբեի (Manfred Stolpe) հետ:

Հանդիպմանը ներկա էր նաև Պոտսդամի մշակույթի նախարար Րայխեն (Reiche): Խոսակցության հիմնական թեման Պոտսդամում գտնվող հայ ժողովրդի մեծ բարեկամ, աստվածաբան, քաղաքագետ և գրող Յոհաննես Լեփսիուսի (1858-1926) բնակարանը տուն-թանգարանի, ինչպես նաև հայ մշակույթի օջախի վերածելն էր:

ՅՈՀԱՆՆԵՍ ԼԵՓՍԻՈՒՍԻ ԲՆԱԿԱՐԱՆԸ ԿԴԱՌՆԱ ՀԱՅԿԱԿԱՆ ՄՇԱԿՈՒՅԹԻ ԿԵՆՏՐՈՆ

Ծավալված ջերմ վրույցն ավարտվեց փոխհամաձայնությամբ: Նահանգապետն ու մշակույթի նախարարը խոստացան անել ամեն ինչ, որպեսզի իրականություն դառնա Ամենայն Հայոց Հայրապետի և գերմանահայ համայնքի առաջարկը:

Նախատեսվեց նաև Լեփսիուսի տուն-թանգարան կամ հայկական մշակույթի կենտրոն տեղափոխել Յոհաննես Լեփսիուսի անձնական արխիվը՝ շուրջ 30 հազար փաստաթղթերով: Արխիվը ցարդ պահվում է Հայլե քաղաքի Մարթին Լյուբեր համալսարանում, հայագետ պրոֆեսոր Հերման Գոլցի հսկողության ներքո:

ՀԱՆԴԻՊՈՒՄ ՊՈՏՍՊԱՄԻ ՔԱՂԱՔԱՊԵՏ ԳՈՎՏՈՐ ԳՐԵՄԼԻԽԻ ՀԵՏ

Այս օգտաշատ հանդիպումից հետո Նորին Սուրբ Օծությանն ընդունեց Պոտսդամի քաղաքապետ դոկտոր Գրեմլիխը (Dr. Gremlich):

Ողջագուրանքից հետո, այստեղ ևս ծավալվեց նույն մտերմիկ պրույցը: Խոսակցության թեման դարձյալ Լեփսիուսի տուն-թանգարանն էր և հայկական մշակույթի կենտրոնը:

Քաղաքապետ դոկտոր Գրեմլիխը նույնպես հավանություն տվեց առաքարկին՝ խոստանալով գումարներ հատկացնել տուն-թանգարանի վերանորոգության համար:

Հանդիպման վերջում վեհափառ Հայրապետն ու իր շքախմբի անդամները գրատու մատարեցին պատվո հյուրերի և տպավորությունների հուշամատյանում:

ՅՈՒՆԵՍԿՕ ԼԵՓՍԻՈՒՍԻ ԱՆՎԱՆ ՓՈՂՈՑԻ ՀԱՆԴԻՍԱՎՈՐ ԲԱՅՈՒՄԸ

Քաղաքապետի հետ ունեցած հանդիպումից անմիջապես հետո, Նորին Սուրբ Օծությունն առաքնորդվեց դեպի Պոտսդամ քաղաքի Բորնշտեդտեր նոր թաղամաս, որի փողոցներից մեկը կոչվելու էր հայոց Մեծ եղեռնից մազապուրծ հայության անմոռաց պաշտպանի՝ Յոհաննես Լեփսիուսի անվամբ, և ուր պետք է կատարվեր բացման ու անվանակոչության հանդիսավոր արարողությունը:

Մինչ փողոցը երկվող ժապավենի հնատուր, բացման հանդիսավոր խոսք ուղղեց ներկաներին Պոտսդամ քաղաքի Ավետարանական Եկեղեցիների վերատեսուչ Նորին Սրբություն Հանց Ուլրիխ Շուլցը (Hans Ulrich Schulz).

«Ձերդ Սրբություն,

Մեծահարգ տիար քաղաքապետ,

Սիրելի հյուրեր և համաքաղաքացիներ.

Ուշ, շատ ուշ, սակայն ամեն պարագային մինչև այս Հարյուրամյակի ավարտն է Պոտսդամ քաղաքը մտաբերում իր կարևոր համաքաղաքացիներից մեկին՝ պոտսդամցի դոկտոր Յոհաննես Լեփսիուսին: Քաղաքի Հետ միասին, նաև եկեղեցին է Պոտսդամում մտաբերում իր Հոգևորականներից մեկին՝ եղբայր Լեփսիուսին:

Գրեթե իր մահվան 62-րդ տարեկիցի օրը (վաղը նրա մահվան օրն է: Նա մահացել է 1926 թ. մարտի 3-ին) ի վերջո Յոհաննես Լեփսիուսը պետք է պատվվի հրապարակավ՝ Հայաստանից դուրս, իր նախընտրած գործնականացրում, որտեղ մի նոր փողոց կկրի նրա անունը:

Պոտսդամի քաղաքային որոշադիր ժողովից, եկեղեցուց դուրս կամ ներս, որոշ համաքաղաքացիների համար սա մի Հաջողություն է՝ նրա Հիշատակի համար իրենց Հաստատակամ ու եռանդուն աշխատանքի մեջ: Նրանք չէին ուզում բավարարվել նրանով, որ Յոհաննես Լեփսիուսի կյանքն ու գործը մնա միայն Ֆրանց Վերֆելի «Մուսա լեռան 40 օրերը» դրքի ընթերցողների և պատմության ու գիտության Հետ առնչված մի քանի անձանց տեղեկությունը: Այս նոր փողոցի քնակիչները՝ աշակերտներն ու վարորդները, ուսուցիչներն ու Պոտսդամի հյուրերը այսուհետ պետք է որ չհարցնեն.



ՄԻ ՊԱՅ ԼԵՓՍԻՍ-ՍԻ ՓՈՂՈՑԻ
ԱՆՎԱՆԱԿՈՇՈՒԹՅԱՆ ԱՐԱՐՈՂՈՒԹՅՈՒՆՆԵՑ

מזכירות המשפטים ושר המשפטים



«Ո՞վ էր այս Յոհաննես Լեփսիուսը, և ինչո՞ւ է նրա անունը հիշատակվում Պոտսդամում և աշխարհում»: Մեր երեսններեքն ալլես պետք է որ չամաչեն երևանի և ողջ աշխարհով տարածված սփյուռքահայ երեսներին առջև, ովքեր որպես Ցեղասպանության վերապրողներ, Յոհաննես Լեփսիուսի անունը կրում են իրենց սրտերում, ովքեր նրան բարեկամ ու հայր են կոչում և սիրում այնպես, ինչպես մարդ սիրում է իր պահպան հրեշտակին:

Յոհաննես Լեփսիուսը այստեղից մի վճռական, բայց նաև հուսահատեցնող ու միայնակ պայքար է մղել հողագնդի հնազույն քրիստոնյա մշակույթի ունեցող ժողովրդի կյանքի իրավունքի և արժանապատվության համար:

Գերմանիայի դաշնակից Օսմանյան կայսրության երիտթուրք իշխանավորները, այսպես կոչված, հայկական հարցի վերջնալուծումը ծրագրեցին և աներևակայելի դաժանությամբ ի գործ դրեցին: Լեփսիուսը ընդդիմանում է Գերմանիայում պետականորեն կանխորոշված լուծյալներ:

Արտաքին դործոց նախարարությունում Հայոց Ցեղասպանությունը ցինիկորեն կոչվում է ներթուրքական վարչական գործ, և տեղեկագրությունները, լուսանկարներն ու կոչերը անհետանում էին նախարարության գորոցներում: Լեփսիուսը, խոցված ու վիրավորված, փչրվեց նաև իր սեփական եկեղեցու տգիտությունից, որն անգամ ի գիտություն չկարողացավ կամ չուզեց ընդունել, որ Ցեղասպանությունը միաժամանակ նաև քրիստոնյաների բոլոր ժամանակների մեծագույն և ամենադաժան հալածանքն է: Այնուհանդերձ նա չի դադարում լինել մահվան դատապարտվածների փաստաբանը և մարդասպանների ամբաստանողը: Օձի խելագիտությամբ, բայց աղավաղ անմեղությամբ, չարի կենտրոնում որպես Աստծու ներկայացուցիչ, ձեռնարկում է գործի՝ ունենալով կոչման և անփոխարինելի լինելու գիտակցությունը:

Ինչպես ժամանակին Մոսեսը Հայտնվեց փարավոնի առջև, նա ևս չի վարանում՝ թակել վերին դռները և էնվեր փաշայից պահանջել. «Արձակիր իմ ժողովրդին» (տե՛ս ԵԼԻՑ Ե 1): Հրեական օրենքների համաձայն, մարդ պետք է Յոհաննես Լեփսիուսին Ձատիկ կոչի, մի իրավարար: Ինչ է նա, Ձերդ Սրբություն, Ձեր և Ձեր ժողովրդի համար նշանակում, մարդ կարող է վատահաբար միայն սրտերի հարաբերություն արտահայտությանը պատշաճեցնել: Այս պոտսդամցին մոտ է կանգնած Ձեր ժողովրդին՝ որպես մի սիրված որդի: Մեզ՝ Ավետարանական քրիստոնյաներին համար, նա պետք է արժեքավոր որպես մեկը, ում խղճմանքը զորացրեց և դատողությունը զորաշարժի ենթարկեց մի խորը բարեսրտություն, որպես մեկը, ով իր Տիրոջ հաղորդության մեջ ուժ առավ՝ ընդդիմանալու և կարեկցելու: Եվ Պոտսդամի ողջ բնակչությունը, հայացք նետելով Յոհաննես Լեփսիուս փողոցին, պարտավոր է հիշել, որ իրականում օտար ցավ չկա այս աշխարհում»:

Հայոց Հայրապետն իր ուրախությունը հայտնեց այդ խորհրդավոր արարողության համար, ջերմությամբ հիշեց մեծ հայասերի անունը, շեշտեց, որ նրա հիշատակն անմահացնող գործերը ոսկյա տառերով են արձանագրված հայ ժողովրդի ճակատագրի դժվարին շրջանը բնութագրող պատմության էջերում, իսկ այս նոր փողոցի բացումը Գերմանիայի և Հայաստանի փոխհարաբերությունների նոր էջն է, որ գրվելու է երկու ժողովուրդների նորօրյա պատմության մեջ՝ պերժարցունքներից, ցավից ու հալածանքից:

Հանդիսավոր արարողությանը ներկա էին քաղաքային իշխանությունների ներկայացուցիչներ՝ Պոտսդամի քաղաքապետի գլխավորությամբ, Լեփսիուսի արխիվի տնօրեն պրոֆեսոր Հերման Գոլցը, պատմաբաններ, դասախոսներ, քույր Եկեղեցիների ներկայացուցիչներ, մեծաթիվ քաղաքացիներ:

Ասենք նաև, որ Յոհաննես Լեփսիուսի անունը կրող փողոցի վրա մոտ ապագայում կառուցվելու է դպրոց և դարձյալ կրելու է հայ ժողովրդի երախտավորի անունը:

ՀԱՆԴԻՊՈՒՄ ԲԵՈՒՆԻ ՔԱՂԱՔԱՊԵՏ ԷԲԵՐՀԱՐԴ ԴԻՓԳԵՆԻ ՀԵՏ

Նույն օրը, կեսօրին, Վեհափառ Հայրապետը հանդիպում ունեցավ Բեռլինի քաղաքապետ Էբերհարդ Դիփգենի (Eberhard Diepgen) հետ:

Քառասունհինգ թույն տեսած հանդիպման ընթացքում շոշափվեցին կարևոր շատ հարցեր: Խոսակցության հիմնական թեման, սակայն, առնչվում էր Բեռլինի հայ համայնքին, նրա գործունեությանն ու առկա խնդիրներին և ընդհանրապես հայ Սփյուռքին:

Թե՛ քաղաքապետը և թե՛ Հայոց Հայրապետը երկուստեք խոստացան անել հնարավոր ամեն ինչ՝ հայապզի վավակների առավել բարօրության, տնտեսական, մշակութային և այլ բնագավառներում ունեցած դժվարությունները համատեղ ուժերով հաղթահարելու համար:

Հանդիպումից անմիջապես հետո, Նորին Սրբությունն իր շքախմբով ուղևորվեց դեպի Շտուտգարդ:

ԱՅՅԵԼՈՒԹՅՈՒՆ ԱՎԵՏԱՐԱՆԱԿԱՆ ԵԿԵՂԵՑՈՒ «DIAKONISCHES WERK» ԲԱՐԵՍԻՐԱԿԱՆ ԿԱԶՄԱԿԵՐՊՈՒԹՅՈՒՆ

Նորին Սուրբ Օծությունն իր շքախմբով Շտուտգարդ ժամանեց օրվա երկրորդ կեսին, ժամը 15.00-ին՝ հանդիպելու Ավետարանական Եկեղեցու «Diakonishes» բարեսիրական կազմակերպության ներկայացուցիչներին:

Վեհափառ Հայրապետին Շտուտգարդի օղանավակայանում դիմավորեց կազմակերպության «Աշխարհին հաց» հանձնախմբի ատենապետ դոկտոր Հահնը (Dr. Hahn), պաշտոնատար այլ անձինք:

Կազմակերպության կենտրոնում Ամենայն Հայոց Հայրապետին ողջունեցին բոլոր հանձնախմբերի ներկայացուցիչները՝ կազմակերպության նախագահ Յուրգեն Գոփդեն (Jürgen Gobde), Վյուրթենբերգի նահանգային եկեղեցու անունից Մանֆրեդ Վագները (Manfred Wagner) և ուրիշներ:

Կազմակերպության «Աղետ» հանձնախմբի պատասխանատու Հանալոր Հենցելեն (Hanalore Hentzelen) Վեհափառ Հայրապետին ներկայացրեց 1988-ի ահեղ երկրաշարժից հետո Հայաստանին տրամադրված մարդասիրական օգնությունների տեղեկագիրը:

Իր պատասխան խոսքում Գարեգին Ա Կաթողիկոսը նախ խորին շնորհակալություն հայտնեց 1988 թ. երկրաշարժից հետո կատարված բոլոր օժանդակությունների, ինչպես նաև կազմակերպության կողմից Հայաստանից եկած ուսանողներին հովանավորելու համար, ապա

շեշտեց, որ մեծ ներդրում էր Էջմիածնի շրջանում կառուցված կահույքի գործադրանք, որի եկամուտները տրամադրվում են Մայր Աթոռ Սուրբ Էջմիածնին:

Հանդիպումն ավարտվեց հրաժեշտի ջերմ խոսքերով, և Ամենայն Հայոց Հայրապետն իր շքախմբով մեկնեց Գյուփինգեն (Göppingen):

ՀԱՆՂԻԳՈՒՄ ԳՅՈՓԻՆԳԵՆԻ

ՀԱՅ ՀԱՄԱՅՆՔԻ ՀԵՏ

Նույն օրը, ուշ երեկոյան, Վեհափառ Հայրապետն այցելեց Գյուփինգենի Հայ Առաքելական Սուրբ Խաչ եկեղեցի, որն առաջին հայած հավատքի տունն է Գերմանիայում:

Այստեղ Նորին Սրբությանը դիմավորեցին Կաթողիկե, Ավետարանական և Ուղղափառ Եկեղեցիների ու տեղական իշխանությունների ներկայացուցիչներ, ինչպես նաև համարյա ամբողջ հայ հավատացյալները:

Հայոց Հայրապետը թափորով և «Հրաշափառ»-ի երգեցողությամբ մուտք գործեց եկեղեցի և առաջնորդվեց դեպի Ավագ Խորան: Կանոնական աղոթքից հետո, Գերմանիայի հայոց թեմի առաջնորդը բարի գալուստ մաղթեց Վեհափառ Հորը և հրավիրեց իր հայրապետական պատգամը տալու ներկա հավատացյալներին:

Գարեգին Ա Կաթողիկոսը խրախուսեց հավատացյալ ժողովրդին՝ հավատարիմ մնալ քրիստոնեական հավատքին, Եկեղեցուն կապվածությամբ հաստատ պահել հայրերի նվիրական ավանդություններն ու սեփական ինքնությունը, չմոռանալ Մայր Աթոռ Սուրբ Էջմիածինն ու մայր Հայրենիքը, որ, լինելով ազատ ու անկախ մի պետություն, նաև աշխարհաափուր ռոջ հայության անկուգական Հայրենիքն է:

Հանդիպումը հավատացյալ հայորդիների հետ ավարտվեց «Հայրապետական մաղթերգ»-ի երգեցողությամբ:

ԱՅՅԵԼՈՒԹՅՈՒՆ ՀԱՅ ՀԱՄԱՅՆՔԻ ՉԱԼԱՍ

(SALACH) ՔԱՂԱՔՈՒՄ ԳՏՆՎՈՂ ՍՐԱՀԸ

ԵՎ ՊԱՇՏՈՆԱԿԱՆ ՃԱՇԻ Ի ՊԱՏԻՎ ՆՈՐԻՆ ՍՐԲՈՒԹՅԱՆ

Սուրբ Խաչ եկեղեցուց Նորին Սրբությունն իր շքախմբով առաջնորդվեց դեպի հայ համայնքին բոլորովին վերջերս տրամադրված սրահ, որը գտնվում է Չալախ քաղաքում, ուր Հայոց Հայրապետին դիմավորեցին մեծ շուքով և ավանդական աղ ու հացով:

Լեկ-լեցուն սրահում Հայոց Հայրապետը նախ կատարեց օրհնության արարողությունը՝ մաղթելով, որ հայոց այս տունը մարդաշատ լինի, ինչպես այդ պահին, և որ այստեղ եկող ամեն մի հայորդի մշտապես զգա Մայր Հայրենիքի և Մայր Եկեղեցու ներկայությունը: Ապա Նորին Սրբությունը ամենքին հաջողություն մաղթեց՝ սկսած գործը հաջող ավարտին հասցնելու համար:

Վերջում, ի պատիվ Նորին Սրբության, տրվեց պաշտոնական ճաշ, որին ներկա էին քաղաքապետ պարոն Իլգը (Ilg), որ այս սրահը չնչին միջոցներով էր տրամադրել հայ համայնքին, տեղական իշխանությունների այլ ներկայացուցիչներ, մեծաթիվ համայնքայիններ:

Ուշ երեկոյան Հայոց Հայրապետն իր շքախմբով վերադարձավ Ֆրանկֆուրտ:

ԱՅՅԵԼՈՒԹՅՈՒՆ ՀԵՍԵՆԻ ՆԱՀԱՆԳ

Փետրվարի 3-ին, առավոտյան, Նորին Սուրբ Օծությունն իր շքախմբով մեկնեց Հեսենի (Hessen) նահանգ:

Հեսենի մայրաքաղաք Վիսբադենում վեհափառ Հայրապետը հանդիպում ունեցավ նահանգի խորհրդարանի նախագահ Կլաուս Պետեր Մյոլլերի (Klaus Peter Möller) հետ:

Խոսակցության ընթացքում շոշափվեցին երկուստեք հետաքրքրող հարցեր: Նորին Սրբությունը ներկայացրեց Հայաստանի ներկա կացությունը, Հայ Եկեղեցու դերը հոգևոր վերապարթոնք ապրող հայ ժողովրդի կյանքում:

Նահանգապետը Հայոց Հայրապետին ծանոթացրեց մոտակա անելիքներին, որոնք առնչվում են նաև նահանգի հայազգի բնակչությանը:

Ուրախություն հայտնելով պետական շրջանակներում ջերմ ընդունելության համար, Նորին Սրբությունը վերջում նշեց, որ իր անձի ընդունելության համար, Նորին Սրբությունը վերջում նշեց, որ իր անձի նկատմամբ ցուցաբերած հարգանքը ինքը նկատում է որպես սեփական ժողովրդի նկատմամբ դրսևորած հարգալից վերաբերմունք ու մեծ պատիվ: Հրաժեշտից առաջ Հայոց Հայրապետը տեղեկություններ տվեց նաև Հայաստանի մասին:

ՄԱՍԼՈ ԱՍՈՒԼԻՍ ՖՐԱՆԿՖՈՐՏՐԻՄ

Խորհրդարանի նախագահի հետ ունեցած հանդիպումից հետո, Նորին Սուրբ Օծությունը վերադարձավ Ֆրանկֆուրտ, ուր հանդիպում ունեցավ վանգվածային լրատվամիջոցների ներկայացուցիչների հետ:

Մավր ասուլիսին ներկա էին նաև Կաթողիկե հիսուսյան հայր Հանս Լանգենդորֆերը (Hans Langendorfer) և Ավետարանական Եկեղեցու եպիսկոպոս գերաշնորհ Տ. Զոփփեն (Koppe):

Ավելի քան քսան թղթակիցների հետ ունեցած հարցազրույցի ընթացքում վեհափառ Հայրապետը սպառնալիքներ տվեց բոլոր հարցերին, որնք առնչվում էին Հայաստանի Հանրապետության քաղաքական, սոցիալ-տնտեսական խնդիրներին, Ղարաբաղի հիմնահարցի խաղաղ լուծման ուղիներին, Եկեղեցիների համեղրայրությանը և այլ ուղղությամբ Հայաստանյայց Եկեղեցու արած և անելիք աշխատանքներին, ինչպես նաև հոգևոր վերապարթոնք ապրող հայ ժողովրդի կյանքում Մայր Աթոռ Սուրբ Էջմիածնի կատարած դերին:

ՓԱՌԱԲԱՆԱԿԱՆ ԱՂՈԹՔ ՀԱՆԱՌԻ

ԱԿԵՏԱՐԱՆԱԿԱՆ ԵԿԵՂԵՑՈՒ ՄԱՅՐ ՏԱՃԱՐՈՒՄ

Հետևեաօրին, ժամը 16.00-ին, Նորին Սրբությունն իր շքախմբով այցելեց Հանաուի Ավետարանական Եկեղեցու Մայր տաճար, ուր տեղի ունեցավ փառաբանական աղոթք:

Ամենայն Հայոց Հայրեպետը նախ մուտքի մոտ օրհնեց ավանդական աղ ու հացը, ապա դպրաց և հոգևոր դասի ուղեկցությամբ և «Հրաշափառ»-ի երգեցողությամբ մուտք գործեց տաճար:

Փառաբանական աղոթքին մասնակցում էին նաև Գարեգին և Նորվան սրբապանները, գաղապանակիր Արտակ արքեպան, Հանաուի

հոգևոր հովիվ Տ. Հակոբ ավագ քահանա Գյուլյանը, Բյուրի հոգևոր հովիվ Տ. Մյուռոն քահանա Սարգիսյանը, մեծաթիվ հյուրեր, քույր Եկեղեցիների և տեղական իշխանությունների ներկայացուցիչներ, բազմահոծ հայ հավատացյալներ:

Աղոթքից հետո, հանուն տեղի հայ ժողովրդի, բարիգալստյան խոսք ասաց Նորին Սրբությանը Տ. Հակոբ ավագ քահանա Գյուլյանը, վերջում Վեհափառ Հորը հանձնեց արծաթյա ասիսե, որի վրա փորագրված էին իրենց հոգևոր հորն ուղղված տեղի հավատացյալների բարեմաղթանքները:

Հայոց Հայրապետի օրհնաբեր այցելության առիթով բարիգալստյան խոսք ասաց նաև Հանաուի Ավետարանական Եկեղեցու ավագ երեց Գերհարդ Փաուլին (Gerhard Pauli):

Ողբունելով Ամենայն Հայոց Հայրապետին Ավետարանական Եկեղեցու հյուրընկալ հարկի ներքո, պատվելի Հակոբ Զամբալյանն այսպես շարադրեց իր ասելիքը.

«Ն.Ս.Օ.Տ.Տ. Գարեգին Ա Կաթողիկոս,

Մարտին Լյութեր, Իոհան Սեբաստիան Բախ, Գյոթե, Շիլլեր. բարեկարգիչներու, երաժիշտներու, գիտնականներու, այսօր մարդկանց ջատագով գեմոկրատական Գերմանիո մեջ, Հայորդիներս այս երկրին ներկա Հակայական մեքենայական կույր ուժերու, առևտրական կառույցներու, դիվանագիտական միջազգային շարժումներու մեջ, կարծեք, «մոլոխ»-ի մը պողպատյա ատամներուն մեջ փշրվող ու մանրվող տարրին նման, աստանդական Հայերս կգարմանանք, թե ի՞նչ կպատահի մեզի. բազմագույն ջա՞րդ, թե՛ անգույն ջարդ...

Մենք ակամա զոհը կրլլանք պարտվողական Հոգեբանության, պարտականություններ խուսափումի սառն կեցվածքին, անզգա, անտաբեր և անհաղորդ մեր սրբազան Եկեղեցվո ոսկեդարյան ժառանգության Հանդեպ: Մեր այս չվարումին մեջ ահա Ձեր Հովվապետական այցելությամբ Հուլիսի, Հայրական սիրո և քաջալերական խոսքերով կկանչիք մեզ Հայրենասիրության, եկեղեցանվիրման և աստվածապաշտության:

Հեսեն Նահանգի սիրելի Հայրենակիցներ,

Ն.Ս.Օ.Տ.Տ. Գարեգին Ա Հայրապետը Մեսրոպ Մաշտոցի և մեր ոսկեդարյան ժառանգության արժեքները Հայության դիտակցության մեջ դրոշմող Կաթողիկոսն է:

Որո տպավորություն ձգած է վրաս այն այցելությունը, որ եղբայրս՝ վերապատվելի Պերե և ես Մեծի Տանն Կիլիկիո Վեհարանին մեջ ունեցանք: Վեհափառը մեծ գրասեղանին առջև կանգնած, տրցակներով թուղթերն ու ձեռագիրները առջևը, Հայ գրականության ճակատամարտի դաշտին վրա պատերազմի իջած Հրամանատարի մը նման կգրեր, կարբագրեր, կՀրահանգեր գրաշարին... և ահա Հոն և այստեղ, գիշերը ցորեկին խառնելով, Վեհափառը գիրքերու լույսը առնել կուտար և անցյալի փոշին տակեն մեր մշակույթի դոհարները դուրս եկան ոչ միայն եկեղեցիներու, կիրականորյա դպրոցներու, այլ մանավանդ մեր ինտելիգենցիային՝ գրողներու, բանաստեղծներու, ուսուցիչներու, լրագրողներու սեղաններուն վրա և ապա՝ թերթներու, ամսաթերթներու և գիրքերու մեջ կՀրատարակվին մինչև այսօր:

Սուրբ Մեսրոպ Մաշտոցի և Հայ գիրի ու գրականության ավանդը մեր սրբազան Հայրերուն Հավատքը, այո՛, Վեհափառ Հայրապետը լուսավորել է Կաթողիկոս է:

«Խորհե՛ն և մտի՛ր» կարգադրությունով Վենահատը Առաքյալին «**ինձի նմանող եղբե՜ր ինչպես են հրիստոսի՞ն**» բարի օրինակով խանդավառել Հիրանանի (Մերձավոր Արևելքի) երիտասարդները։ «Աստվածային օրինաց ուխտյալ պաշտոնյաները» ըլլալու, միաժամանակ ճանապարհներ բացել՝ եկեղեցական ազդեցության ծառայության համար պետք եղած մասնագիտական ուսում սրբազան ծառայության համար պետք եղած մասնագիտական ուսում ստանալու։

Գարեգին Ա Կաթողիկոսը եկեղեցւոյ տնտեսական դրութիւնը այնպիսի նոր հիմքերու վրա դրա՞վ, որ քննադատներու հեղնանքները իրենց կոկորդին մէջ մնացին, և եկեղեցւոյ պաշտօններն ու պաշտոնյաները վերաստացան իրենց արժանի վեհութիւնը: Այո՛, Վեհափառ Հայրապետը բարեկարգիչ Կաթողիկոս է:

Կաթողիկոս է՝
 Լիբանանի մեջ Հայկական թերթերը հպարտանքով կզրեն Վեհափառին
 Մերձավոր Արևելքի եկեղեցիներու միության, ապա եկեղեցիներու
 Համաշխարհային Խորհուրդի նիստերուն ոչ միայն ներկա ըլլալը, այլ
 մասնավանդ Վեհափառին ձգած դրական ազդեցութիւնը, ժողովները,
 ատուհանպետին ու, միջեկեղեցական ուղղութիւններ տալը: Ան իր գիտա-
 ստութեամբանական, կրոնա-գիմանագիտական մոտեցումներով, Հայաս-
 տանյայց Սուրբ եկեղեցին միջազգային մեծ եկեղեցիներու շարքին
 բարձրացուց, ակելին՝ միջազգային եկեղեցիներու հարգանքն ու հիացումը
 թրեց Սուրբ Եմիածին: Այսօր անդք տկնածանքով կարտահայտվին
 փոքրիկ ամու Հայ քրիստոնյա ժողովուրդին նվիրումին, մարտիրոսության և
 անհաղթական-եկեղեցական ճոխ ժառանգության վրա:

Համաշխարհային ամբողջնեբու վրա, բայց և ժողովուրդին այնքան մոտ է Վեհափառը:

Լիգանանի քաղաքացիական անողորմ կռիվներու ատեն, ռուսներու կատարիչ Հարվածներուն տակ ժողովուրդին կողքին կեցավ, մխիթարեց ան, որ անկե ազդարարեց: Ու այսպես Դպրեվանքի սաններուն և ազգային ջոջերուն կենդանի օրինակը տվավ՝ զոհվելու իսկ պատրաստ ըլլալ մեր քաջարի Հայրերուն նման «Վասն Քրիստոսի և վասն Հայրենյաց»:

Իսկ մենք երկրաչարժի աղետի ցնցման օրերուն Վեհափառ թե՛ սուգի օր
հռչակեց, թե՛ աղոթեց և թե՛ գործնական ոգնություն կազմակերպեց:
Քանիցս Հայրենիք երթալով՝ զորակցեցալ երջանկահիշատակ Վազգեն և
Կաթողիկոսին՝ ազգին հոգնած ու վիրավորվածները մխիթարելու համար:

Երկու տարի առաջ, Սուրբ Էջմիածնի Վեհարանի մեջ Հայրապետը մեզի ցույց տվավ փոքրիկ քարտ մը, որու վրա «Հայր մեր»-ը տպել տված էր եւ ըսավ. «Հովվապետական այցելութեան ընթացքին շրջաններու մեջ կտեսնեմ ցավ ի սրտի, որ շատեր չեն կրնար ընկերակցել ինձի աղոթքի ատեն... Կես միլիոն օրինակ տպել տվի: Ձի բավեր 70 տարվա Համայնաժողովրդայն պատճառով ժողովուրդին մոտ քրիստոնեական Հավատքի դիտելիքներուն պակասը, ոտարազդի աղանդներ կշահագործեն այս վիճակը... Ե՛հովայի վկաներեն մինչև Հարի քրիշնա աղանդավորներ կշփոթեցնեն ու կ'մոլորցնեն Հավատադրյալ մեր ժողովուրդը»:

Իր մեսրոպալուսն է գիրքերով, Առաքելական-Ավետարանական քարոզու-
թյուններով և միջազգային գետնի վրա տարած միջենկեցական
փոխհարաբերություններով և կրոնա-քաղաքական ու գիվանագիտական իր
հանդիպումներով Վեհափառը մեր օրերու «Խրիմյան Հայրիկ» Կաթողիկոսը
եղավ, Խրիմյան Հայրիկ, որ նաև դրական և ուրախալի արդյունքներով
կվերադառնա Մայր Աթոռ Սուրբ Էջմիածին:

Վեհափառ Տեր,

Ձեր Հովվապետական այս այցելությունը մեզ խանդավառեցիք ու մենք կջանանք ուխտել, որպես գերմանահայություն, մեր լավագույնը ընել՝ Ձերդ Սրբության օկսած բարեգործությունը իր լրումին հասցնելու Ձեր զոհաբերման ջանքերուն նաև մեր բաժինը բերել, մինչև որ Լուսավորչին կանթեղը ամբողջ Հայաստանի և սփյուռքահայության վրա լուսավորե ի փառս Աստուծո և ի պատիվ Հայ ժողովուրդին և Հայաստանյայց Առաքելական Սուրբ Եկեղեցիին. Ամեն»:

Այնուհետև ներկաներին իր հայրապետական պատգամը հղեց Ամենայն Հայոց Հայրապետը՝ պատգամելով մանուկ և պատանի դպիրներին կապված մնալ Հայ Եկեղեցուն.

«Սիրեցյալ եղբայրներ և քույրեր ի Քրիստոս, որ չեք խոսում Հայերեն, ինչպես որ ես չեմ խոսում գերմաներեն: Ի խորոց սրտի ե քրիստոնեական սիրով ողջունում եմ ձեզ: Ձեր ներկայությունն այսօր այս եկեղեցում մեր Հայ ժողովրդի Հավատացյալ զավակների հետ միասին իրոք էկումենիկ պաշտամունք, էկումենիկ երևույթ է, որովհետև գոյություն ունի քրիստոնեական պատկանելության հոգևոր զգացողություն, որովհետև դուք Հանգես եք բերում ձեր սերը, Հարգանքը և համակրանքը Հայաստանի եկեղեցու և Հայության Հանդեպ:

Քիչ առաջ ես Հայերեն լեզվով ասացի, թե Աստուծո գործերը անիմանալի, անբացատրելի և անըննելի են: 46 տարի եկեղեցուն սպասավորությանս ընթացքում ես երբեք չէի կարող պատկերացնել, թե օրերից մի օր կայցելեմ Հանաուի մեր Հայոց Համայնքին և կողջունեմ սերունդների բազմությանը մեր Հայրերի ու պապերի, որոնք գաղթեցին տարբեր երկրներից, Հիմնականում՝ Թուրքիայից, և այստեղ, այս երկրում՝ Գերմանիայում, Հանձինս գերմանացի ժողովրդի, ձեռք բերեցին եղբայրներ և քույրեր: Այսօր ես ձեզ եմ բերել նոր շունչ, նոր ոգին մեր նոր ժողովրդի նոր դարաշրջանի, որ ծագել է Հայ ժողովրդի դարավոր պատմության մեջ:

Իմ սիրելի գերմանացի եղբայրը, որ ելույթ էր ունենում, ասաց, թե դուք տեղյակ եք Հայ ժողովրդի երկար, տառապալի պատմությանը: Դա պատմության միայն մի կողմն է: Մյուս կողմն այն է, որ մենք միշտ ապրել և ինքնահաստատվել ենք, այլ ոչ թե լուկ վերապրել: Անձամբ ես բոլորովին չեմ սիրում այդ բառը՝ վերապրել: Ահա թե ինչու այսօր ես խորապես երախտապարտ եմ Աստծուն և սրտիս խորքում ծնկի եմ իջնում Նրա առաջ այն բանի Համար, որ Նա շնորհեց ինձ այն մեծ պատիվը, որին ես երբեք չէի արժանանա. դառնալ առաջին կաթողիկոսը, որն ընտրվել է ազատ և անկախ երկրում՝ մեր Հայրենիքում՝ Հայաստանում: Այսօր մենք թե՛ ծառաները և թե՛ տերերն ենք այն երկրի, որ մեր Հայրերն ավանդեցին մեզ պահել, ինչպես նաև ավանդեցին Հաստատ պահել մեր քրիստոնեական Հավատքը, որն, ըստ 5-րդ դարի մի Հայ դոգմ-աստվածաբանի՝ «ոչ թե մեր մարմնի վրա եղած Հազուստի, այլ մեր մորթի գույնն է՝ անփոփոխ»:

Այժմ, վերագտնելով մեր ազատությունն ու անկախությունը, մենք պետք է մեզ պատասխանատու զգանք:

Այսօր մենք այլևս այն ժողովուրդը չենք, որը լուկ հիշում է պատմությունը, այլ մի ժողովուրդ ենք, որ կերտում է պատմություն: Այսօր պատմությունը յուրաքանչյուր Հայի, որտեղ էլ որ նա լինի, պատասխանատվությունն է: Այսօր մենք պետք է Հասկանանք այդ ազատության

իմաստը: Այսօր ես կցանկանայի իմ գնահատանքն արտահայտել իմ բարեկամներից մեկին, մի անձնավորության, որը մեծ սեր և համակրանք էր տածում Հայ Եկեղեցու և Հայ ազգի Հանդեպ: Նա իմ բարեկամներից մեկն է եղել և զբաղեցրել է բարձր պաշտոններ էկումենիկ շարժման ասպարեզում: Այդ անձնավորությունն է Հայր Ֆիլիպ Փոթորը, որը տարիներ շարունակ թե՛ Հայաստանում և թե՛ սփյուռքում արտահայտում էր իր համերաշխությունը Հայ Եկեղեցուն ամենատարբեր միջոցներով ու եղանակներով, որոնք ես այս պահին չեմ կարող լիարժեք ներկայացնել:

Ես նաև իմ գնահատանքն եմ արտահայտում մեր ներկայացուցչին, որն այստեղ մեզ հետ էր լինի, եթե ես այցելած լինեի ձեզ, ասենք, 7 տարի առաջ: Այդ անձնավորությունն է Գերմանիայի Հանրապետությունում մեր եղբոր՝ Հայաստանի Հանրապետության դեսպանատան ներկայացուցիչը:

Ես կցանկանայի նաև իմ խորին երախտագիտությունն արտահայտել մեր կառավարությանը մեր Եկեղեցու ամրացման համար, նաև այն բանի համար, որ նա ճանաչեց Հայ Եկեղեցին ու խղճի լիակատար ազատությունը և ամրագրեց այն մեր սահմանադրությանը:

Սիրեցյալ եղբայրներ և քույրեր, կարծում եմ, որ դուք պետք է սովորեք ձեր մայրենին՝ ձեր Եկեղեցու և ձեր ազգի լեզուն:

Խոսքի վերջում վեհափառ Հայրապետը մի գեղեցիկ հիշատակ թողեց այստեղ՝ ասելով.

«Սիրեցյալ ժողովուրդ, սա 13-րդ դարի մի Հայկական մանրանկարի վերարտադրությունն է, ուր պատկերված է արքայական մի ընտանիք՝ Թագավորը և Թագուհին իրենց զավակներով, որոնք Աստծու՝ մեր բոլորիս երկնավոր Հոր շնորհն են ստանում: Թող այս մանրանկարը լինի մի փռքրիկ հիշատակ Հանաուի մեր Հայոց համայնքի Հայկական եկեղեցուն»:

ՀՐԱԺԵՇՏԻ ՃԱԵ՝ Ի ՊԱՏԻՎ ՆՈՐԻՆ ՍՈՒՐԲ ՕԾՈՒԹՅԱՆ

Հետփառաբանական աղոթքի, «Մարիոթ» հյուրանոցի փառավոր ճաշարահում, ի պատիվ Նորին Սուրբ Օծության, Հեսենի եկեղեցական համայնքի, Հեսենի, Գիսենի և Մայնցի վշակութային միությունների կողմից տրվեց հրաժեշտի ճաշ, որին ներկա էին Հայ Եկեղեցու հոգևոր դասը, քույր Եկեղեցիների բարձրաստիճան հոգևորականներ, Եկեղեցիների Համաշխարհային Խորհրդի ներկայացուցիչ Փոթորը, տեղական իշխանությունների ներկայացուցիչներ, դիվանագիտական այրեր, հայ համայնքի մեծաթիվ ներկայացուցիչներ, ինչպես նաև Գերմանիայի հրեա համայնքի նախագահ Իգնաց Պուպիսը:

Հեսենի և շրջակայքի հայ համայնքների ու միությունների անունից ողջույնի ու բարիգալստյան խոսքով հանդես եկավ Հեսենի հայ վշակութային միության ատենապետ տիար Մասիս Նահապետյանը՝ ի մասնավորի ասելով.

«Վեհափառ Տեր,

Գերաշնորհ Սրբազան Հայրեր,

Հարգարժան Հյուրեր, տիկնայք և պարոնայք.

Ինձ համար մեծ պատիվ է այսօր ձեզ Հեսենի և շրջակայքի Հայ համայնքների և միությունների կողմից բարի գալուստ մաղթելը:

Բարի եկաք Հեսեն, բարի եկաք Ֆրանկֆուրտ:

Վեհափառ Տեր.

Ձեռքով Ձեր ունեցած ժամանակի սղությանը, Դուք ընդունեցիք մեր Հրավերը և Ֆրանկֆուրտ ժամանեցիք: Սա ցույց է տալիս, որ Ձեզ Համար կարևոր է Հայաստանի Հարաբերությունները Հեսեն նահանգի հետ:

Հեսենի Հայաստանյայց Առաքելական Եկեղեցվի Համայնքները, երեսուն տարիներ զոյություն ունեցող Հեսենի մշակութային միությունը, ինչպես նաև Հեսենի և շրջակայքի մյուս Հայկական կազմակերպությունները փորձում են ամեն կերպ մեր գերմանացի բարեկամներին ծանոթացնել Հայ մշակույթը, պատմությունը և եկեղեցին: Միայն այս ձևով է, որ Հայերն ու գերմանացիներն իրար նկատմամբ փոխհասկացություն կարող են ցուցաբերել:

Միաժամանակ փորձում են միջազգային հետաքրքրությունը արթնացնել մեր սոցիալ և մշակութային պատմության նկատմամբ: Այսպես կարելի է նոր ցեղային խտրականության և Հալածանքի առաջը առնել:

Վեհափառ Տեր,

Գերաշնորհ Հայրեր,

Հարգարժան տիկնայք և պարոնայք.

Ձեր ներկայությունը խթան է մեզ Համար, որ ավելի մեծ ներդրումով աշխատենք ժողովուրդների բարեկամության և աշխարհի խաղաղության Համար»:

Կազմակերպված էր նաև գրական-գեղարվեստական հայտագիր, որի ընթացքում իրենց գեղեցիկ երաժշտական ծրագրով հանդես եկան քույր և եղբայր Սերգեյ և Լուսինե Խաչատրյանները:

Ապա Գերմանիայի հայոց թեմի առաջնորդ գերաշնորհ Տ. Գարեգին եպս. Բեգյանի հրավերով և Վեհափառ Հայրապետի օրհնությամբ գնահատանքի արժանացան մի շարք համայնքայիններ:

Հայ Եկեղեցուն և համայնքին մատուցած ծառայությունների՝ թե՛ նյութական և թե՛ բարոյական օժանդակությունների համար «Օրհնության գրի» արժանացան Պետրոս սարկավագ Ստրյանը, դոկտոր Նուրի Եաղեն, տիարք Հարություն և Հովհաննես Քյուրելյանները:

Այնուհետև Վեհափառ Հայրապետը ներկաներին տվեց իր հայրապետական պատգամը՝ մտերմորեն ասելով. «Այսօր իմ վերջին օրն է իմ Հովվագետական անդրանիկ այցելության ի Գերմանիա: Առաջին օրը ժամանեցի Ֆրանկֆուրտ և ինձի առին տարին Քյոլն: Ես ալ ըսի, որ աս երկրեն պիտի չերթամ, մինչև չտեսնեմ Ֆրանկֆուրտի իմ ժողովուրդն ու բարեկամները...»: Ապա Նորին Սրբությունը պատգամեց իր հոտին հավատարիմ մնալ նախնայաց հավատքին ու հարապատ Եկեղեցու ավանդություններին, մշտավառ պահել Մայր Աթոռ Սուրբ Էջմիածնի լույսը հոգիներում, անմարելի պահել Մայր Հայաստանի հանդեպ սերն ու նվիրումը և անտարբեր չմնալ Գերմանիայի հայ գաղութի և Առաջնորդության ծավալած աշխատանքների նկատմամբ:

ՎԵՐԱԳՄԱՐՁ ՀԱՅՐԵՆԻՔ,

ՄԱՅՐ ԱԹՈՌ Ս. ԷԶՄԻԱԾԻՆ

Ավարտելով իր անդրանիկ հովվապետական այցը Եգիպտոս և Գերմանիա, փետրվարի 4-ին, չորեքշաբթի օրը, ուշ երեկոյան, Սևստերդամով, Ն.Ս.Օ.Տ.Տ. Գարեգին Ա Սմենայն Հայոց Կաթողիկոսը

վեոադարձավ մայր Հայրենիք՝ իր հետ հայոց հինավուրց երկիրը բերելով նաև տարաշխարհներում բնակվող Հայ Եկեղեցու հարապատասխանաց կարոտն ու անալի սերը:

Նորին Սրբությանը «Զվարթնոց» օդանավակայանում դիմավորեցին Մայր Աթոռ Սուրբ Էջմիածնի միաբանները, պաշտոնատար այլ անձինք:

ԳՈՀԱԲԱՆԱԿԱՆ ԱՂՈԹՔ ՄԱՅՐ ՏԱՃԱՐՈՒՄ

Կեզգիշերին Մայր Տաճարում, Իջման Սուրբ Սեդանի առջև, Ամենայն Հայոց Հայրապետն իր գոհաբանական աղոթքն առաքեց առ Բարձրալյը, ապա ներկաներին հակիրճ տեղեկություն տվեց այցելության մասին՝ ներկայացնելով իր հանդիպումները այցելած երկրների հոգևոր պետերի, ղեկավար անձանց ու հավատացյալ ժողովրդի հետ:

Վեհափառ Հայրապետը կարևորեց հովվապետական այցելությունները, շեշտելով, որ դրանք նպաստում են Մայր Աթոռ Սուրբ Էջմիածնի և իր հավատացյալների միջև կենդանի հաղորդության ստեղծմանը, ինչպես նաև Հայրենիք-Սփյուռք հարաբերությունների սերտացմանը:

Հայաստանյան վերջին իրադարձությունների առիթով Նորին Սրբությունն ասաց. «Վերջին մի քանի օրերին մեր Հայրենիքում տեղի ունեցած ծանոթ իրադարձությունների Հանդես պետք է արտահայտել քաղաքացիական բարձր աստիճանի գիտակցություն և քաղաքակիրթ ազգին Հատուկ արժանապայել կեցվածք՝ Հարգելով օրինականությունը և ամեն բանից վեր դասելով Հայրենիքի և ժողովրդի, Եկեղեցու և պետության միասնական շահերը»:

Մ. Վ.